

UNITED NATIONS
United Nations Interim
Administration Mission
in Kosovo



NATIONS UNIES
Mission d'Administration
Intérimaire des Nations Unies au
Kosovo

PROVISIONAL INSTITUTIONS OF SELF GOVERNMENT

**KUVENDI I KOSOVËS
СКУПШТИНА КОСОВА
ASSEMBLY OF KOSOVO**

TRANSKRIPT

**I SEANCËS PLENARE TË KUVENDIT TË KOSOVËS
TË MBAJTUR MË 14 dhe 18 DHJETOR 2006**

**SA PLENARNE SEDNICE SKUPŠTINE KOSOVA
ODRŽANE 14. i 18. DECEMBRA 2006. GODINE**

**DHJETOR – DECEMBER
2006.**

RENDI I DITËS

1. Konfirmimi i rendit të ditës,
2. Miratimi i procesverbalit të seancës plenare të 30 nëntorit 2006,
3. Koha për pyetje parlamentare,
4. Shqyrtimi i parë i Projektligjit për memorialin e ish -Presidentit Dr. Ibrahim Rugova,
5. Shqyrtimi i parë i Projektligjit për ndihmën shtetërore,
6. Shqyrtimi i parë i Projektligjit për trajtimin e ndërtimeve pa leje,
7. Shqyrtimi i parë i Projektligjit për bletari,
8. Shqyrtimi i propozimit të Komisionit për Çështje Gjyqësore, Legjislacion dhe Kornizë Kushtetuese për emërimin e Avokatit të Popullit dhe të zëvendësit kryesor të tij
9. Shqyrtimi i dytë i Projektligjit për pajisje nën presion,
10. Shqyrtimi i dytë i Projektligjit për ndryshimin dhe plotësimin e Ligjit për patentim,
11. Shqyrtimi i dytë i Projektligjit për sigurinë në komunikacionin rrugor,
12. Shqyrtimi i Projektplanit Hapësinor të Kosovës 2005 – 2015 dhe
13. Debat për Raportin e Komisionit Evropian për Progresin në Kosovë.

DNEVNI RED

1. Usvajanje dnevnog reda,
2. Usvajanje Zapisnika sa plenarne sednice od 30. novembra 2006. godine,
3. Vreme za parlamentarna pitanja,
4. Prvo razmatranje Nacrta zakona o Memorijalu bivšeg Predsednika dr.Ibrahim Rugova,
5. Prvo razmatranje Nacrta zakona o državnoj pomoći,
6. Prvo razmatranje Nacrta zakona o tretiranju izgradnji bez dozvola,
7. Prvo razmatranje Nacrta zakona o pčelarstvu,
8. Razmatranje predloga Komisije za sudska pitanja, zakonodavstvo i Ustavni okvir o imenovanju Narodnog advokata i njegovog glavnog zamenika,
9. Drugo razmatranje Nacrta zakona o opremanju pod pritiskom,
10. Drugo razmatranje Nacrta zakona o izmeni i dopuni Zakona o patentiranju,
11. Drugo razmatranje Nacrta zakona o bezbednosti u drumskom saobraćaju,
12. Razmatranje Nacrta prostornog plana Kosova 2005-2015,
13. Debat o raportu Evropske Komisije za progress na Kosovo.

TRANSKRIPT

I SEANCËS PLENARE TË KUVENDIT TË KOSOVËS TË MBAJTUR MË 14 DHE 18 DHJETOR 2006

KRYETARI KOLË BERISHA - Të nderuar kolegë deputetë, të nderuar ministra, të nderuar të pranishëm të tjerë, që i përcjellin punimet e këtij Kuvendi, mirë se keni ardhur në seancën plenare të Kuvendit të Kosovës.

Ju njoftoj se në sallë janë të pranishëm 65 deputetë, u shtua numri – 69 momentalisht, Hajredin Kuqi e ka fjalën

DEPUTETI HAJREDIN KUQI - I nderuari kryetar, të nderuar deputetë, zonja dhe zotërinj,

Më lejoni që të shpreh qëndrimin e Partisë Demokratike të Kosovës, lidhur me rendin e ditës, respektivisht pikën e katërt të tij. Që në fillim dua të theksoj se Partia Demokratike e Kosovës është jashtëzakonisht e kujdeshshme në trajtimin e rasteve të tilla dhe tenton që qasjet e veta t'i ketë parimore dhe jo mbi bazën e emocioneve momentale dhe të mohimeve të askujt,

Përkundrazi, Partia Demokratike e Kosovës sublimon dhe lartëson vlerat e të gjithë qytetarëve të Kosovës dhe secilit veç e veç. Grupi Parlamentar i Partisë Demokratike të Kosovës, shpreh qëndrimin, se diskutimi i sotëm edhe pse në një kohë jo të përshtatshme politike, duhet të jetë një moment kur do të dominojnë arsyaja dhe logjika, që dërgon në vendimin që do t'i qëndronte kohës, ku secili do të ndihej mirë edhe në këto raste, pra tendencat për krijimin e vlerave të përbashkëta, duhet të unifikojnë dhe skenën politike dhe ta rrnisnin forcën kohezive të faktorit politik në Kosovë.

Grupi Parlamentar i Partisë Demokratike të Kosovës konstaton: se vënia e këtij projektiligji për nga rrjedhat e gjërave dhe për nga përbajtja juridike, duhet të përkojë në trajtimin e përafërt të çështjeve të njëjta, në vendet e përparuara demokratike. Partia Demokratike e Kosovës, është në favor të rregullimit të kësaj materie përmes ligjit dhe atë në mënyrë të përafërt me vendet në region dhe më gjerë, duke marrë përbazë praktikat e mira të këtyre vendeve.

Partia Demokratike e Kosovës, mendon se në trajtimin në status të veçantë dhe mbikëqyrje institucionale, duhet të ketë përfshirje më të gjerë dhe jo nga rasti në rast. Ne pajtohem që të ketë ligj për ish-presidentët dhe të kemi një trajtim institucional dhe permanent, të personalitetit të tyre dhe familjeve të tyre. Njëkohësisht ne mendojmë se duhet të ketë trajtim të përafërt edhe për personalitetet të tjera të vendit, siç janë: Adem Demaçi, Ukshin Hoti, apo të vrarë. Ndërhyrje, kryesuesi – i vazhdohet- Ju faleminderit,,

Apo personaliteteve të vrara siç janë: Fehmi Agani, Bajram Kelmendi, Bardhyl Çauhi, e shumë të tjerë, udhëheqësit e institacioneve prej ish- kryeministra, pse jo

ministra, deputet dhe kategori të caktuara, me rëndësi në Kosovë siç janë ish -të burgosurit politikë.

Grupi Parlamentar i Partisë Demokratike të Kosovës, konsideron se përbajtja e këtij projektligji, është e fuzionuar në materien që shqyrton memorialin dhe trajtimin e ish-presidentit, respektivisht të familjes së tij. Konsiderojmë se këtu janë përfshirë tri materie juridike, që do si do duhet të ndahen, ai për memorialin, për ish-presidentin dhe familjen e tij. Pra, duke marrë parasysh atë çka u tha, Grupi Parlamentar i Partisë Demokratike të Kosovës, kërkon që ky projektligj, të kthehet për ripunim në Qeverinë e Kosovës, ku ne do të japim kontributin tonë dhe do të bënim zgjidhje ashtu sikur kanë vendet e përparuara demokratike, te qëndrueshme dhe të pranueshme, për të gjithë ne dhe brezat që vijnë. Me këtë do të rritej respekti institucional për të gjithë që në një ose në një mënyrë tjetër kanë kontribuuar për Kosovën -vendin tonë. Krejt në fund, perceptimi për të kaluarën, në vendet ish komuniste dhe në vendet pos konfliktoze, duhet të jetë një ndër detyrat, e njerëzve të politikës, atyre të dijes, dhe autoriteteve morale në Kosovë. Për çka mendojmë që ka hapësirë dhe vullnet për ta bërë këtë, duke filluar që nga ky Kuvend, ju faleminderit!

KRYETARI KOLË BERISHA- Ju faleminderit. Fjalën e ka deputeti Alush Gashi.

DEPUTETI ALUSH GASHI - Inderuari zotëri kryetari i Kuvendit, Grupi Parlamentar i Lidhjes Demokratike të Kosovës, e ka mirëprit hartimin e Projektligjit për memorialin e presidentit Rugova dhe për familjen e tij. Hartuesi dhe propozues i këtij projektligji, në Qeverinë e Kosovës është nga radhët e Lidhjes Demokratike të Kosovës dhe nga ministrja Tërmkollji jemi të informuar që, për shkak të udhëtimit zyrtar sot nuk mund ta bëjë prezantimin. Andaj zotëri kryetar ju lutem që këtë pikë të rendit të ditës, mundësishët ta radhitni për ditën e nesërme. Ju faleminderit!

KRYETARI KOLË BERISHA- Ju faleminderit, fjalën e ka deputeti Xhezair Murati,

DEPUTETI XHEZAIR MURATI – poštovani kolege, važeni predsedniče, gospodo ministri,

Mi smo ovih dana iz štampe nezvanično informisani, da ekipa jedinstva naše kosovska dakle, u pauzi između pregovora radi na izradi Ustava Kosova.

Jaču vas potsetiti samo da su u petak, 29 septembra i subote 30 septembra, ove godine, u organizaciji UNMIK-a i OSCE-a, održani seminari na kojima smo celodnevno, govorili o potrebama izradi Ustava Kosova, ali i o neophodnosti stvaranja, multietničkog i multipolitičkog tima. Istom je prisustvovao i Predsindik Skupštine, tada je sugerisan da se što pre pristupi formiranje ovog tima, međutim evo prolaze dva ipo meseca, mi nemamo zvaničnih informacija, dokle se stiglo sa time. Ja u ime bošnjačke turske zajednice zahtevam, da budemo neposredno uvrsteni u odnosno, da učestvujemo neposredno, a ne preko nekih drugih tela u izradi ovog najvažnijeg pravoupravnog akta Kosova, i zahtevam od Skupštine, da što pre pristupi formiranju onoga, za šta smo se u tim seminarima dogovorili. Hvala vam ljepo!

KRYETARI KOLË BERISHA- Ju faleminderit, vetëm t' ju njoftoj se rendi i ditës mund të diskutohet vetëm 2 minuta. Kemi edhe dy kandidatë që janë paraqit për diskutim, Xhevdet Neziraj dhe Nait Hasani.

DEPUTETI XHEVDET NEZIRAJ I nderuari zoti kryetar i Kuvendit, të nderuar ministra dhe kolegë deputetë!

Subjekti ynë politik ka radhën që nga 1. janari 2007, anëtar i Kryesisë së Kuvendit të jetë deputeti zoti Bislim Hoti dhe këtë e kemi njoftua, ndërhyrje- kryetari. Ne jemi të përcaktuar për rendin e ditës, vazhdim, po për rend të ditës dhe këtu nuk e shoh unë rendin e ditës e këtë pikë edhe pse me kohë e kemi bërë. Dua të them që ma shumë po dëgjoj disa gjëra nëpër korridore të Parlamentit se sa ajo duhet të qitet në rendin e ditës dhe njëherit është votuar, që në fillim të themelimit të këtij legjislacioni, për arsy se për anëtar të Kryesisë të komunitetit jo-shqiptar dhe jo-serb, vendosin komunitetet e njëjtë. Me Kornizë Kushtetuese dhe ne e kemi bërë me shkrim, ku në radhë të parë me rotacion ka qenë i pari zoti Murati, mandej Mahir Yagcilar dhe tani është zoti Hoti. Kështu që, ajo duhet të qitet në rendin e ditës dhe me një votë formale të kryhet ky formalitet.

KRYETARI KOLË BERISHA- Ju faleminderit, Nait Hasani

DEPUTETI NAIT HASANI – i kryetar, të nderuar ministra, të nderuar kolegë deputetë!

Unë ndi për obligim të kërkoj që, nga kryetari i Parlamentit dhe nga deputetët që ta ngrisim çështjen e Hagës, ku gjenden tre pjesëtarë, qytetarë të Kosovës, tre ish - luftëtarë, tre çlirimtarë. Mendoj që ata atje trajtohen në mënyrë jo të barabartë, nëpër të gjithë sikurse i kanë tjerat rajone i ka qytetarët e sajë atje. Sikurse i trajton, Bosnja, Kroacia apo Serbia. Mendoj që, çështjen e Hagës duhet ta ngrisim dhe ky Kuvend, sepse atje janë tre luftëtarët. Mendoj që nga ky Kuvend të bëhet një vizitë zyrtare e ministrit të Drejtësisë, sepse tani e kemi ministrin, i cili ta bëjë vizitën zyrtare në emër të Kuvendit, apo në emër të Qeverisë dhe të tregojmë se ata janë qytetarët tanë dhe ata janë vlerat tona.

2. Kërkoj që nga ky Kuvend të miratohet apo të nxirret një ndihmë financiare për të gjithë, për të tretë atje që janë në mënyrë të barabartë dhe të ju bëhet e mundshme pagesat e shpenzimeve të udhëtimit. Kjo është një nga mundësitë që na tregojmë se, edhe ata i konsiderojmë si qytetarë tanë dhe një ndihmë morale për ta. Prandaj është koha. sepse tash janë festat e fundvitit, të paktën edhe për ta ne kemi një kujdes, ose tregojmë një kujdes të nevojshëm, sepse ata kanë mbetur në harresë pikërisht, sepse nuk kujdeset askush përvëç familjeve të tyre. Ata atje nuk janë vetëm si familje, nuk janë vetëm pjesë e familjes, por janë pjesë e shoqërisë kosovare dhe si shoqëri duhet të kujdesemi për ta. Prandaj kërkoj nga ministri i Drejtësisë, ta marrë iniciativën që ta bëjë një vizitë zyrtare për ta dhe të marrin përgjegjësi për shpenzimet e udhëtimit, shpenzimet e banimit dhe ndihmat financiare për ta. Ju faleminderit!

KRYETARI KOLË BERISHA- Ju faleminderit, e kemi propozimin e Partisë Demokratike që të hiqet pika e katërt nga rendi i ditës. Vëmë në votim propozimin e

PDK-së,- Unë thashë është propozimi i Partisë Demokratike që të hiqet pika e katër e rendit të ditës për sot. Dhe është propozimi i Kryesisë së Kuvendit, që e ka përcaktuar rendin e ditës që ky ligj të shqyrtohet për sot. Respektivisht kemi marrë shkresën më vonë nga Ministria e Shërbimeve Publike, që të shtyhet për ditën e nesërme. Propozimin e PDK-së, për heqje nga rendi i ditës, nga 89 deputetë,

PËR.....	35
KUNDËR.....	48
ABSTENIM.....	6

Mbetet pikë e rendit të ditës pika e katërt e rendi të ditës. Por kjo të shtyhet për nesër, për shkak se sponzoruesi nuk është sot këtu. Urdhëroni zoti Kuqi.

DEPUTETI HAJREDIN KUQI – Unë mendoj se edhe propozimi i Lidhjes Demokratike, shefit të Grupit Parlamentar duhet të vihet në votim gjithashtu. E dyta mendoj që nuk ka asnjë arsy që të shtyhet, pasi që mendoj se ky ligj është i një rëndësie të veçantë dhe këtë duhet ta bëjë dikush më lart, se sa Ministria, apo ministria e Shërbimeve Publike. E kuptoj mendimin e saj, por asnjë lidhje juridike, përjashtimisht, politike partiake si Ministri e Shërbimeve Publike nuk ka me atë ligj.

KRYETARI KOLË BERISHA- Ju faleminderit. Fjalën e ka Gjylnaze Syla,

DEPUTETJA GJYLNAZE SYLA – Ju faleminderit zotëri kryetar, Janë disa çështje të cilat dua t'i shtroj. Së pari lidhur me rendin e ditës, gjegjësisht të térheq vëmendjen e Kuvendit, me rregullin 23 në të cilin thuhet se rendi i ditës mund të ndryshohet vetëm në qoftë se 60 deputetë, anëtarë të Kuvendit i propozojnë me shkrim kryetarit një amendament në rendin e ditës i cili lidhet në votim.

E dyta sa i përket iniciativës që e kërkoj zotëri Xhezair Murati, lidhur me kushtetutën, konsideroj se ne kemi rezolutën, të cilën e kemi aprovuar në Kuvend, në të cilën theksohet se Kuvendi i Kosovës, e ka autoritetin dhe përgjegjësinë në hartimin e Kushtetutës. Prandaj Ekipi i Unitetit mund të ndihmojë me grupet e ekspertëve, por pa tjetër duhet ta bëjë këtë nën ombrellën e Kuvendit të Kosovës, dhe së fundi mendoj që, çështja e shqyrtimit të raportit të Komisionit Evropian, është një çështje shumë e rëndësishme dhe serioze për ne, ndoshta është mirë që ta vejmë, në fillim të rendit të ditës. Ju faleminderit!

KRYETARI KOLË BERISHA- Ju faleminderit, unë nuk e di a ka dikush nga ministrat autorizime që të përgjigjet? Urdhëroni, zoti Kuçi e ka fjalën.

DEPUTETI HAJREDIN KUÇI – Ju faleminderit zotëri kryetar, mendoj shefja e Grupit Parlamentar të AAK, po e citon rregulloren dhe besoj që nuk ka nevojë, ta citojë dhe marifeti i ligjit është ta shohë prej fillimit deri në fund. Kjo i përngjan sikur filmit, pa një sekuencë nuk mundesh me interpretua filmin kurrë, kështu që le ta shoh filmin prej fillimit deri në fund dhe të na tregoj pastaj.

KRYETARI KOLË BERISHA- Ju faleminderit, shkojmë, urdhëroni Gjylnaze Syla

DEPUTETJA GJYLNAZE SYLA – Ju faleminderit zotëri kryetar, zoti Kuçi, ju faleminderit për këshillën. Nuk e pranoj këshillën se e lexoj me shumë vëmendje secilën pjesë të rregullores dhe ti je gjithashtu pjesë e kësaj. Ju faleminderit!

KRYETARI KOLË BERISHA- Ju faleminderit. Propozimin e Grupit Parlamentar të LDK-së që kjo pikë e rendit të ditës të shtyhet për nesër d.m.th. pika e katërt e rendit të ditës, e vë në votim, kush është për ?:

PËR	48
KUNDËR.....	1
ABSTENIM.....	9

Ministri Haki Shatri e ka fjalën

MINISTRI HAKI SHATRI - Ju faleminderit zotëri kryetar, të nderuar deputetë, Meqenëse jemi në pikën e rendit, të ditës kam dalë me propozim që Kuvendi në qoftë se lejojnë procedurat e vendimmarries, të fus në rend dite kërkesën e ministrit të Punës dhe Mirëqenies Sociale, për transferin e mjeteve nga një program në një program tjetër. Meqenëse shuma e mjeteve, tejkalon përqindjen që është në kompetencë të ministrit të Financave, për transfer dhe sipas dispozitave të Ligjit për buxhetin në këtë rast, vendos Kuvendi. Kisha lut që, brenda mundësie ta futni sot në rend dite, arsyetimin për këtë, do ta bëja unë kur të vijë radha kësaj pike.

Meqenëse është fundi i vitit, dhe thesari e mbyllë procesin e pagesës, qarkullimit të pagesave, ju kisha lutë që mundësish kjo punë të bëhet sot. Ju faleminderit shumë.

KRYETARI KOLË BERISHA- Ju faleminderit, sa i përket çështjes që e ngriti deputeti Xhevat Neziri është në procedurë në Kryesi çështja e juaj. Ndërkaq, për pyetjen, respektivisht kërkesën e zotit Nait Hasani, kërkoj të procedohet në mënyrë të rregullt përmes shkresave në sekretari të Kuvendit.

Vemë në votim kërkesën e ministrit Shatri. Urdhëroni zotëri Koci

DEPUTETI GANI KOçi – E kuptoj interesimin e zotit ministër dhe kërkesën e tij për transfer të mjeteve për Ministrinë e Punës dhe Mirëqenies Sociale dhe ky Kuvend asnjëherë deri më tash nuk ka marrë vendime të tillë, për transfere dhe nuk di ku e ka gjet këtë rregull, Zoti ministër, është mirë që të lexoni Ligjin mbi menaxhimin e financave publike dhe të veprohet mbi bazë të Ligjit mbi menaxhimin e financave publike dhe në qoftë ky ligj ju lejon ta bëni transferin, atëherë nuk keni nevojë të merrni vendim, në këtë Kuvend për transfer, në qoftë se ligji ndalon transferet e tillë, atëherë kërkesa juaj është absolutisht e pa nevojshme dhe e paarsyeshme. Në qoftë se keni pengesa ligjore dhe doni një konfirmim të Kuvendit, atëherë kërkoj nga ju që ta bëni një amendamentim urgjent të Ligjit mbi menaxhimin e financave, dhe të krijoni rrugë dhe hapësirë për çështje të tillë që doni të veproni.

KRYETARI KOLË BERISHA- Ju faleminderit, Komisioni për buxhet duhet të kontaktojë me ministrin sot, e të dalë me një propozim. Kjo mund të bëhet pas pauzës. Urdhëroni zoti Osmani

DEPUTETI NASER OSMANI - zoti kryetar, Komisioni për Buxhet dhe Financa, dje në mbledhje e ka shqyrtuar mundësinë e transferit dhe bazuar në Ligjin për menaxhimin e financave publike, ne iu kemi drejtuar Kryesisë së Kuvendit për aprovim, të një kërkesë të tillë që ka rrjedhë prej Ministrisë së Financave, respektivisht prej Ministrisë së Punës dhe të Mirëqenies Sociale.

Në ndërkokë kemi bërë një kërkesë që, Kryesia e Kuvendit të autorizojë me shkrim Komisionin për buxhet dhe financa, që në procedura të kërkua, të përspejtuar që ndodhin transferet në fund të vitit fiskal, këtë të drejtë ekskluzive ta ketë Komisioni për Buxhet dhe Financa, me një vendim të veçantë të Kryesisë së Kuvendit. Ju faleminderit!

KRYETARI KOLË BERISHA- Ju faleminderit, Nazim Jashari

DEPUTETI NAZIM JASHARI – Ju faleminderit zoti kryetar, të nderuara ministra, Ne dje në Komision të Buxhetit diskutuam në parim lidhur me këtë problematikë, zoti ministër. Kemi informacione të mangëta për sasinë ose përqindjen e kësaj shume, sa është kjo shumë, e çka duhet të transferohet. Ligji për menaxhimin e financave publike, në qoftë se shuma është më e madhe se 40% brenda ditës në organizatë buxhetore, e lejon transferimin me miratim të Kuvendit, por duhet të kemi informacione shtesë, në mënyrë që të marrim vendimin.

KRYETARI KOLË BERISHA- Ju faleminderit, zoti Koci e ka fjalën,

DEPUTETI GANI KOçi. Unë nuk dua të replikoj me kryetarin e Komisionit për Buxhet, por Kryesia nuk mund të japë kurrfarë vendimi dhe autorizimi Komisionit për Buxhet që të veprojë Autorizimet të gjitha komisionet i marrin nga ky Kuvend dhe jo nga Kryesia. Prandaj, nëse duhet autorizim shtesë për këtë komision dhe komisionet tjera, atëherë ato do të bëhen pjesë e Rregullores ,që do ta miratojë prapë Kuvendi, prandaj mos t'i kalojmë çështjet vetëm sa për të thënë se po kryejmë një punë. Nuk ka të drejtë Kryesia të autorizojë asnjë komision të marrë vendimin, vetëm Kuvendi autorizon.

KRYETARI KOLË BERISHA- Ju faleminderit, deputeti Ali Sadriu e ka fjalën

DEPUTETI ALI SADRIU- Ju faleminderit zotëri kryetar,

Tëma e cila është ngritë e rregulluar me Ligjin mbi menaxhimin e financave publike dhe atje qartë shkruan transferin deri në 20% të shumës mund ta bëjë vetë ministri. Mbi shumën 20 deri në 40% të shumës vendos Qeveria. Përtej asaj shume, ministri apo Qeveria është e obliguar t'i drejtohet Kuvendit. Dhe unë kërkesën e shoh në harmoni me Ligjin mbi menaxhimin e financës publike. Nuk ka nevojë për asgjë tjetër.

KRYETARI KOLË BERISHA- Ju faleminderit, Alush Gashi e ka fjalën

DEPUTETI ALUSH GASHI – I nderuari zotëri kryetar,

Ne nuk e kundërshtojmë kërkesën e ministrit, por lusim që të kenë të dhëna shtesë që të na prezantohet projekti për cilin ne duhet të vendosim të japim miratim. Pasi që ne u dakorduam që seanca të vazhdojë edhe nesër, nëse nuk është vonë, sugjeroj që kjo çështje të jetë në vazhdim të seancës së nesërme.

KRYETARI KOLË BERISHA- Ju faleminderit, kush është për propozimin 1. të zotëriut Alush Gashi. ?

PËR.....	53
KUNDËR.....	4
ABSTENIM.....	1

Ky propozimi i ministrit Shatri, mbetet pikë e fundit të rendit të ditës. Për nesër.
Natyrisht, me kompletimin e të dhënavë shtesë që u kërkuan këtu. Xhevdet Neziraj

DEPUTETI XHEVDET NEZIRAJ – Ju faleminderit zotëri kryetar,

Ju mu përgjigjet se kjo është në procedurë të rregullt dhe ta shqyrtojë kryesia, kjo punë është shumë e rregulluar dhe u zgjedhë qysh në fillim, punimi i këtij Kuvendi, kjo punë është punë e kryer dhe Kryesia e Kuvendit, nuk e ka për detyrë as nuk mund ta ndryshojë Kornizën kushtetuese. Unë dëshiroj që kjo pikë e rendit të ditës të vihet dhe të votohet me votë formale. Sepse kjo është votua në fillim dhe nuk është përdorë asnjëherë Kryesia, e Kuvendit, kur është bërë ndërrimi i kandidatëve-anëtarëve të Kryesisë prej komuniteteve, jo shqiptare dhe jo serbe, nuk është shqyrtuar, prandaj të mos shqyrtohet edhe në këtë rast.

KRYETARI KOLË BERISHA- Ju faleminderit, është çështja procedurale, Gjylnaze Syla.

DEPUTETJA GJYLNAZE SYLA – lidhur me kërkesën gjithashtu Xhevjeti kryetar, ne si parlamentarë, e përkrahim dhe mendojmë se kjo është e definuar mirë në Kornizën Kushtetuese. Ju faleminderit!

KRYETARI KOLË BERISHA- Ju faleminderit dhe kjo do të vendoset brenda këtij muaji zotëri Kuçi

DEPUTETI HAJREDIN KUQI- Ju faleminderit zotëri kryetar,

Mendoj se kërkesën e zotëriut Neziri, duhet ta kemi parasysh një fakt, ata janë pjesëtarë të Grupit Parlamentar Aleanca për Ardhmërinë e Kosovës dhe nëse jemi në një grup parlamentar, nuk kërkohet begranti i juaj etnik, ose tjetër që të keni pozicionë diku tjetër, ata duhet ta definojnë pozitën e tyre. Për ne do të jenë dy vetë të Aleancës në Kryesinë e Kuvendit, nëse dëshiron zoti Neziri.

KRYETARI KOLË BERISHA- Ju faleminderit, ministri Dugolli,

DEPUTETI BUJAR DUKOGLLI – Këtu duhet të flas si deputet, kjo nuk ka të bëjë me atë çka po thotë zoti Kuqi, se deputetët që iu kanë bashkuar Grupit AAK-së, janë deputetë nga komuniteti egjiptas dhe përkatësia e tyre nationale janë minoritarë, ata mund t'i bashkëngjiten cilitdo grup parlamentar, për të drejtat e tyre që u takojnë me Kornizë Kushtetuese, duhet të respektohet nga Kuvendi dhe nuk ka kurrfarë lidhshmërie me atë se këta nuk janë pjesëtarë të AAK-së, nuk janë anëtarë të partisë, por iu kanë bashkuar me vullnetin e tyre një grupei parlamentar. Prandaj, këtu duhet të mbështetet, kërkesa e tyre duhet të respektohet, sipas marrëveshjes të komuniteteve dhe sipas të drejtës që i takon me Kornizë Kushtetuese. Dhe unë e përkrah kërkeshën e Kuvendit, kryetarit të Kuvendit që brenda këtij muaji, qoftë në seancën e nesërme, apo në seancën që do të mbahet gjatë këtij viti, të përfundojë kjo dhe nga 1 janari, ta marrin detyrën përfaqësuesit e komunitet egjiptas në Kryesinë e Kuvendit. Ju faleminderit!

KRYETARI KOLË BERISHA- Ju faleminderit, Teuta Sahatqia e ka fjalën, më falni replikë, zotëri Kuçi.

DEPUTETI HAJREDIN KUQI – Unë e kuptoj ministrin Dugolli që e ka pozicion, por ta them një.

Mentaliteti që e thotë zoti Dugolli, është mentalitet monist, kur brenda një grupei politik, ju pastaj keni mundësi të tjera, përkatësia etnike në kushtet e demokracisë nuk është kusht i të qenit anëtar i një partie politike dhe në Kosovë besoj se shumë shpejt do të kemi parti politike me struktura të ndryshme etnike dhe mbi të gjitha, duhet ta kemi të qartë, grupei parlamentar shfunzionimi më i madh politik që i ndodh një individi. Ngase pozicionin e tij politik, vendimmarren e tij politike, përvendin, për Kosovën e bën në kuadër të grupit politik. Kjo është punë e qartë, le t'i lexojnë letrat, le të lexojnë çka është grupei parlamentar, në Aleancë a hyjnë a nuk hyjnë është punë e tyre, ata funksionojnë këtu si grup politik. Dhe nëse do të shkoni në Kryesinë e Kuvendit, një grup imi politik do t'i kishte dy veta, me anëtaë të Kryesisë. Le të heqin dorë nga Aleanca, lirisht pastaj le të shkojnë.

KRYETARI KOLË BERISHA- Do të konsultohemi edhe me OSBE-në, për këtë çështje. Mandej të mos e zgjasim më tepër ju lutem, Teuta Sahatqija,

DEPUTETJA TEUTA SAHATQIJA – Ju faleminderit zotëri kryetar, Në fillim të legjislacionit kur Kuvendi është në përbërje të plotë, formohet Kryesia dhe ajo formohet para formimit të grupeve parlamentare dhe mendojmë që, në qoftë se minoritarët janë marrë vesh, komunitetet janë marrë vesh në mes veti se kush do t'i përfaqësojë ata, mendoj që ne nuk kemi të drejtë të intervenojmë dhe të ndryshojmë. Pasi grupet parlamentare formohen më vonë, anëtarët e Kryesisë janë anëtarë të partive, apo të koalicioneve, ndërsa jo anëtarët e grupeve parlamentare. Mendoj që kështu është në kornizë, mund të konsultoheni edhe me tjerët, me OSBE-në.

KRYETARI KOLË BERISHA- Ju faleminderit, deputeti Xhevdet Neziraj

DEPUTETI XHEVDET NEZIRAJ – Ju faleminderit, zotëri kryetar,
Unë vetëm do të përkujtoj që, zotëri Kuçi është një ekspert shumë i mirë dhe di mirë shumë t'i interpretojë edhe kornizën Kushtetuese, mirëpo këtu është diçka tjetër përsye se jemi grup parlamentar me Aleancën, edhe duhet ta dijë Kuçi se është duke bërë shkeljen e Kornizës Kushtetuese, ku ka qenë edhe eksperti nga radhët e tyre zoti Bajrami, që e ka pranuar atë kornizë dhe ka punua në atë kornizë kushtetuese. Prandaj mund të bie në kundërshtim me kornizën kushtetuese, se në kornizë kushtetuese, nuk ka të bëjë me grup parlamentar, po ka të bëjë me grup minoritar, dhe grupe minoritar me grupin parlamentar, nuk ka asgjë të përbashkët. Ju faleminderit zoti Kuçi në shtjellimin, në mënyrë juridik Besoj që këtu keni gabuar dhe nëse dëshirojmë Grupi Parlamentar i PDK-së, që ta propozojë dikë tjetër, ka mundësi se i ka dy anëtarë kë Kryesisë dhe mund të hiqet ja Xhaviti dhe Ramë Buja dhe ta propozojnë Haxhi Zylfi Merxhën ashtu siç kam dëgjuar, kështu që është e drejtë e tyre.

KRYETARI KOLË BERISHA- Ju faleminderit, zoti Kuçi urdhëroni,

DEPUTETI HAJREDIN KUÇI – Unë mendoj se në rastin konkret kur flasim kjo është çështje e pastër juridike, nuk është politike, e unë të ua përkujtoj të gjithë atyre të cilët kanë përfituar me ndërryrje apo me anëtarësim në Grupin Parlamentar të Aleancës kanë pasur përfitime. Kanë një zëvendësministër dhe në momentin që janë në një grup parlamentar, keni edhe humbje. Mos mendoni që gjithmonë do të fitoni, në kuptimin e saj, përbërja apo struktura etnike, nuk është me rëndësi në grup parlamentar. Këtë jua them me bindje të plotë. Asnjë individi, në PDK nuk i kemi kërkuar, me qenë me një etnicitet përmes qenës në PDK. Kush donë le të vijë, problemi është në momentin që i takoni një grupe parlamentar dhe Kuvendi i Kosovës, ta kemi të qartë, funksionon mbi bazën e dy gjëra, grupeve parlamentare dhe të komisioneve.

Kuvendi nuk njeh tjetër strukturë, as nuk njeh strukturë etnike, as religioze, e asnjë tjetër, ata që janë në një grup parlamentar, ata që janë në një komision, punën e kanë të përbashkët dhe funksionon Kuvendi. Tash me ia nisë këtu me i pyet njërit me struktura etj. na dalin 100 grupe. Kjo është punë e qartë, pyetni qe sekretari është aty, kryetari jurist, konsultoni dhe unë jam shumë i bindur se është çështje juridike, nuk është çështje politike dhe sa i përket rastit me zotin Neziri, që tha unë kam shumë respekt të veçantë përmes zotin Zylfi Merxha, dhe unë mund ta them që me Xhavitin ose Ramën nuk e kisha ndërrua, por me Xhevdetin me siguri po.

KRYETARI KOLË BERISHA- Ju faleminderit, Gjylnaze Syla e ka fjalën

DEPUTETJA GJYLNAZE ZYLA – Ju faleminderit zotëri kryetar,
Për të ndihmuar punën e Kuvendit dhe qartësuar këtë çështje, më lejoni të lexoj paragrafi 9.1.7.f), që thotë një anëtar do të emërohet nga radhët e atyre deputetëve të Kuvendit që u përkasin partive, të cilat janë deklaruar se përfaqësojnë, komunitetin jo shqiptar dhe jo serb. Metodat përmes emërimin e këtij anëtarit të mëvonshëm do të

caktohet nga deputetët e Kuvendit, që u përkasin komuniteteve të njëjtë dhe 9.1.8, Kuvendi i miraton këto emërime me anë të një vote formale. Ju faleminderit!

KRYETARI KOLË BERISHA- Ju faleminderit, deputete Nekibe Kelmendi e ka fjalën, në kartelën e profesor Mark Krasniqit,

DEPUTETJA NEKIBE KELMENDI - Ju faleminderit zotëri kryetar, Ne duhet këtu të bëjmë dallimin midis të drejtave të komuniteteve pakicë, për të cilat ato vetë vendosin, se si dhe kenë do ta propozojnë, për anëtar kryesie dhe kemi të bëjmë me një çështje tjetër, përbërja e kryesisë. Meqenëse është vendosë që, me rrotacion të shkohet nga një komunitet, e për hir respektimit të drejtave të komuniteteve, ne nuk kem të drejtë të përzihemi në çështjet e komuniteteve, se si ato do ti rregullojnë brenda komunitetit çështjet tjera, edhe këtë çështjen që është shtruar këtu. Prandaj mendoj se, deputeti Xhevdet Neziri, plotësisht ka të drejtë kur propozon që të zëvendësohet me një anëtar të tjetër kryesie, me Bislim Hotin, anëtar i deritashëm. Prandaj ju kisha lutë, qiteni në votim këtë, duhet ndarë këtë, (ndërhyrje kryetari –

KRYETARI KOLË BERISHA- Nuk po kundërshtohet kërkesa, është në pyetje procedura, prandaj do ta vazhdojmë brenda këtij muaji, prandaj të vazhdojmë rendin e ditës, urdhëro zotëri Koci.

DEPUTETI GANI KOçi – Nuk di ata që i bëjnë propozimet e tillë, a e kanë kornizën kushtetuese përpara, dhe a e kanë nenin 9.7, ku thuhet se Kuvendi do të ketë Kryesinë e përbërë prej 8 deputetëve, do ta lexoj deri në fund dhe pastaj komenton ju zotëri kryetar dhe propozues.

Prej 10 deputetëve të Kuvendit të cilët do të zgjidhen si vijon:

Dy anëtarë do të emërohen nga partia, apo koalicioni, që ka fituar numrin më të madh të votave në zgjedhjet parlamentare.

Dy anëtarë do të emërohen nga partia, apo koalicioni, që e ka fituar numrin e dytë me radhë, sa i përket numrit të votave në zgjedhjet parlamentare,

Një anëtar do të emërohet nga partia, apo koalicioni, që ka fituar numrin e tretë në radhë sa i përket numri të votave në zgjedhje parlamentare.

Një anëtar do të emërohet nga partia, apo koalicioni ,që ka fituar numrin e katërt me radhë, sa i përket numrit të votave në zgjedhjet parlamentare,

Një anëtar do të lajmërohet nga radhët e atyre deputetëve të Kuvendit, që u përkasin partive të cilat janë deklaruar se përfaqësojnë komunitetin serb.

Një anëtar do të emërohet nga radhët e atyre deputetëve të Kuvendit, që u përkasin partive, të cilat janë deklaruar se e përfaqësojnë komunitetin jo shqiptar dhe jo - serb.

Prandaj në qoftë se propozuesi, përfaqëson tash e tutje grupin tjetër parlamentar dhe grupin e partive të tjera, që janë joshqiptare dhe joserbe, atëherë zgjidhja mund të bëhet, përndryshe nuk ka zgjidhje dhe nuk mund të kalojë. Ju mund ta komenton si të doni, por absolutisht nuk mundet me kalua.

KRYETARI KOLË BERISHA- Ju lutem duhet t'i kemi të qarta të gjitha këto që u thanë këtu, Ju thashë do të vendoset brenda këtij muaji, vazhdojmë rendin e ditës,

Në pajtim me rregullat 6. dhe 23 të Rregullores së punës, Kryesia e Kuvendit ka përgatitur dhe Kuvendit i ka propozuar rendin e ditës për seancën e sotme plenare, sipas ftesës që u është shpërndarë të gjithë deputetëve.

Miratimi i procesverbalit të seancës plenare të mbajtur më 30 nëntor 2006.

Nëse dikush ka vërejtje ju lutem procedoni përmes sekretarisë, nëse nuk ka konstatoj se Kuvendi miratoi procesverbalin e seancës plenare të 30 nëntorit 2006.

Kalojmë në pikën e tretë të rendit të ditës,

3. Koha për pyetje dhe përgjigje.

Ju njoftoj se në pajtim me rregullën 26. pika 1. të Rregullores së punës, së Kuvendit, koha për pyetjet e deputetëve, për Qeverinë është kufizuar në 50 minuta.

Në afat të përcaktuar me Rregullore, janë parashtruar 5 pyetje parlamentare. pyetjet u janë drejtuar Qeverisë, por ju njoftoj se koha për pyetje zgjatë 1 minut. Përgjigja e ministrit 3. minuta, pyetja plotësuese 1 minutë dhe përgjigja plotësuese 2. minuta.

Meqenëse kryeministri nuk është prezent, e deputeti Xhevati Bislimi ka drejtuar pyetje për te, propozojmë që të mbetet për seancën tjetër të radhës, nëse nuk ka,

Pyetja e dytë, prapë vjen nga Xhevati Bislimi, prapë për kryeministrin e Kosovës Agim Çekun, edhe kjo mbetët për seancën tjetër,

Deputeti Ferid Agani, ka pyetje për kryeministrin e Kosovës, e njëjta gjë.

Deputetja Teuta Sahatqija , nga ORA, pyetje për ministrin e Telekomunikacionit zotit Qemajl Ahmeti. Urdhëroni deputete Teuta.

DEPUTETJA TEUTA SAHATQIJA – Ju faleminderit zotëri kryetar, i nderuari zotëri ministër,

Fshatrat Meqë, Cërmjan, Shqiponjë, në komunën e Gjakovës, Gllogjani në komunën e Pejës, fshati Qeskovë i Klinës kanë mungesë të rrugës së asfaltuar regjionale. A ka paraparë Ministria e Transportit, për planifikim të buxhetit ndërtimin e rrugës, e cila i lidhë fshatrat e regjionit të Dushkajës, të cekura më parë. Duke pasur parasysh vështirësitë, me të cilët banorët e këtyre fshatrave ballafaqohen, gjatë jetës së tyre të përditshme dhe duke pasur parasysh kërkësën të cilën banorët e regjionit të

Dushkajës, përmes përfaqësuesit të tyre, zotëri Musli Aliu, më janë drejtuar në zyrën e deputetëve në Gjakovë. Si deputete e Kuvendit të Kosovës, nga regjioni i tyre, po ju drejtohem me këtë pyetje e cila ishte, edhe po më vie mirë që më në fund pas dy muajsh, kjo pyetje erdhi në rend dite. Ju faleminderit.

KRYETARI KOLË BERISHA- Ju faleminderit, zotëri ministër urdhëroni

MINISTRI QEMAJL AHMETI – I nderuari kryetar, të nderuar deputetë, të nderuara deputete,

Në planifikimin e përgjithshëm të Ministrisë për vitin 2007 është paraparë faza e parë e ndërtimit të kësaj rruge, prandaj kujtoj që përgjigja është në priorititet e ministrisë. Ju faleminderit!

KRYETARI KOLË BERISHA- ju faleminderit, urdhëroni keni pyetje plotësuese, Teuta Sahatqija,

DEPUTETJA TEUTA SAHATQIA – Ju faleminderit z. ministër t'u pas parasysh që kjo pyetje është bukur e vjetër gjëzohem që zgjidhja në ndërkohë ka ardhur. Ju faleminderit.

KRYETARI I KUVENDIT KOLË BERISHA – Deputeti Ibush Jonuzi ka parashtuar pyetje për ministrin e Energjisë dhe të Minierave z. Çeku. Urdhëroni z. Jonuzi.

DEPUTETI IBUSH JONUZI – Faleminderit, i nderuari kryetar, ministra të respektuar zonja dhe zotërinj deputetë kolegë.

I nderuari ministër Çeku, ju keni treguar interesim të madh për aktivizimin të minierave në veçanti për minierën e Stanergut që është për t'u përshëndetur angazhimi dhe interesimi i juaj. Sa është respektuar angazhimi i juaj nga bartësit e detyrave për këtë çështje. Tani kur çmimet e tregut në janë shumë të favorshme, a do të ishte shumë me interes prodhimi i metalit nga minierat Stsntërgut, Artan dhe Hajvali, Cërnac dhe Bello Brdë.

Për kundër buxhetit të vogël të Kosovës janë ndarë mjetet që krijohen mundësítë për përgatitjen e minierave për prodhim, ndërkohë që e kemi parasysh që nuk ka pasur mundësi të bëhet sa duhet, por edhe ato pak mjete të ndara duhet të kenë kundër vlerën me rezultate konkrete. Shtrohet pyetja. Sa është prodhuar për këtë vit..... 2007 për minierat e caktuara apo cilat janë pengesat kryesore që këto miniera nuk kanë rezultate të pritura. Ju faleminderit.

KRYETARI I KUVENDIT KOLË BERISHA – Ju faleminderit. z. Çeku urdhëroni.

MINISTRI ETHEM ÇEKU – I nderuari z. kryetar, të nderuar deputetë i nderuari z. Jonuz. Sa i përket pyetjeve tuaja ne si Ministri i kemi marrë, jam munduar të përgjigjem megjithëse përgjigjet janë mjaftë të vështira për shkak të mospasjes së kompetencave. Ju e dini në fushën e minierave posaçërisht në kompleksin e Trepçës Ministria jonë nuk ka

dhe nuk ka ende përgjegjësi të bartura se sa ato përgjegjësi i menaxhon Shtylla e Katërt dhe institucionet e tjera.

Megjithatë që nga themelim i Ministrisë ,në fund të vitit 2004, ne kemi bërë përpjekje maksimale që ta mbështetim rifillimin e punës në kompleksin e Trepçës. Në përgjithësi kemi gjetur mirëkuptimin e drejtuesve dhe të punëtorëve te miniera. Duhet të kuptojmë se mungesa e kompetencave e vështirëson ndikimin tonë në përmirësimin e mirëmbajtjes së punëve në miniera. Ndërkojë po bëjmë kujdesje që ristrukturimin e mundshëm në sektorin e minierave të janë me përfitime maksimale për Kosovën dhe popullatën e saj. **Ne jemi të** se janë burime natyrore ato që do të mbështesin zhvillimin e qëndrueshëm të Kosovës, prandaj po punojmë që të bëhet kujdesi maksimal e mos të ... me hapa të caktuar në këtë sektor. Përsëri edhe për këtë nuk e kemi kompetenca por kemi bërë që është e mundur në bashkëpunim me UNMIK-un me Shtyllën e katërt të ndërtojmë një strategji për zhvillime posaçërisht në vitin 2007.

Në pyetjen tuaj cilat janë efektet e mjeteve të investuara nga buxheti i Kosovës në minierat e Trepçës dua të informoj. Me sa jam në dijeni që në vitin 2002 kuadrat e Trepçës kanë përgatitur një program për rihapjen e minierës në Stntërg në Artanë dhe në Hajvali si dhe në flotacionet në Tunel dhe në Kishnicë ,gjithashtu edhe minierat në veri të Kosovës Cërmac, Bellobërdë i kishin planet për rifillimin e prodhimit edhe sipas informatave tona të pakta këto dy miniera nuk kanë pasur pasoja nga lufta dhe nuk ju ka ndërpren aktivitetin prodhues.

Nga pjesët e rezervuara të buxhetit të Kosovës për minierat e Trepçës janë ndarë për këto 7 vite gjithsej 55 milion euro, nga të cilat për investime janë lejuar 14 milion euro, Startërgu 4.8 milion, Artana 2.6 milion, minierat në veri 6.6 milion, kurse të tjerat janë harxhuar për bursa dhe për pagat e punëtorëve dhe për shërbime sipas planeve të aprovuara nga Agjensioni Kosovar i Mirëbesimit.

Mjetet e lejuara për investime realisht janë minimale dhe të pamjaftueshme për riparimet minimale të duhura e lere më për përgatitjen e minierave për punë serioze prodhuese, investimet kanë munguar plotësisht për minierën e Hajvalisë e cila ende është dhe niveli i ujit është mbi horizontin e ngjashtë. Po të kishim investuar më herët sot do ta kishim pasur atë minierën në prodhim. Me investimet e realizuara miniera e Stari Trgut është shpëtuar nga përmbytja, por edhe janë krijuar kushtet elementare për një prodhim të kufizuar të xehes dhe të koncentrateve.

Kushtet e duhura janë krijuar edhe në minierën e Artanës, si dhe në dy minierat në veri të Kosovës që me investimet e lejuara janë aftësuar edhe tri flotacione për trajtimin e xheve që mund të prodhohen nga minierat e përmendura.

Ekspertët në ministri mendojnë se Stari Trgu sot ka mundësi teknike për një prodhim më të madh, por që problemet e grumbulluara sociale dhe çështja e një trajtimi të drejtë dhe të kënaqshëm të ish- minatorëve është pengesë rurale e përparimeve të duhura. Këtu duhet ta theksojmë edhe një problem tepër i madh çështjen e trajtimeve mjedisore.

Kosova nuk ka kapacitete të mjaftueshme. Buxheti i Kosovës nuk mjafton për t'i përballuar të gjitha rastet sociale që janë grumbulluar rrëth Trepçës. Sipas ekspertëve vendorë një investim duhet të implementohet brenda tri viteve me një vlerë përafersisht 150 milion euro. Janë kryer studimet për investime ,do të ishte e mjaftueshme që të aftësohet 6 miniera, tri flotacione dhe 2 metallurgji, me çka do të plotësohen kushtet për prodhimin e 30 mijë ton metal zinku dhe 40 mijë ton metal plumb, vlera eksportuese e të cilave me çmime aktuale me peshë do të ishte rrëth 230 milion euro në vit, do të thotë do të kishim një përfitim shumë të madh.

Në minierat e Stari Trgut, Artanës, Cërnaci dhe Bellobërdës sot realizohet një prodhim i kufizuar në bazë të licencës të lëshuar nga Komisioni i Pavarur i Minierave. Natyrisht prodhimi i cili raportohet si xehe e nxjerrë gjatë punëve përgatitore po realizohet me vështirësi si pasojë e mungesave ligjore dhe mosbartësve të plotë të kompetencave të organeve vendore siç janë problemi me eksploziv, depot edhe problemet e tjera të cilat e vështirësojnë shpeshherë punën në miniera. Sa është prodhuar gjatë vitit 2006?

Në Stari Tërg i kemi 39 mijë e 130 ton. Në Artanë 17 mijë e 540 ton , në Cërnac 42 mijë ton, në Bellobërdë 20 mijë ton koncentrat plumbi në Stari Tërg i kemi 1736 ton ,në Artanë i kemi 833 ton në Cërnac dhe Bellobërdë 2100 ton koncentrat zingu në Stari Tërg i kemi 2467 ton, në Artanë 799 ton, në Cërnac dhe në Bellobërdë 2600 ton. Po e përmendi që Trepça ka kontraktuar dhe ua ka shitur një pjesë të tyre disa kompanive si nga Zvicra dhe Londra dhe e dimë se çmimet e **berzës** janë shumë të nalta në këtë kohën e fundit.

Sa i përket planifikimit për vitin 2007 është ndarë një pjesë e buxhetit, por sipas diskutimeve të fundit për buxhetin planifikojmë dhe kemi kërkuar që të shtohet prodhimi në ato, posaçërisht në minierën e Stari Tërgut ,mirëpo siç e dini kemi shumë vështirësi për shkak të zhvillimeve rrëth Trepçës për shkak të të ashtuquajturëve kreditorë ,pastaj për shkak të problemeve që kanë të bëjnë me teknologjinë. Edhe ju e dini se atje kemi një numër të madh të punëtorëve të cilët janë në moshë të shtyrë.

Prandaj, si Ministri do të bëjmë atë që është e mundur, bashkë me Kuvendin dhe me institucionet e tjera që në vitin 2007 kompleksin e minierave të Trepçës ta gjejmë më të përgatitur sa i përket problemeve që kanë të bëjnë me prodhimin. Faleminderit.

KRYETARI I KUVENDIT KOLË BERISHA – Ju faleminderit. A ka pyetje plotësuese?
Urdhëroni z. Jonuzi.

DEPUTETI IBUSH JONUZI – Nuk kam pyetje plotësues. Falënderoj ministrin për angazhim maksimal , do të thotë për nxjerrjen e këtyre rezultateve dhe për këtë përgjigje mjaft konstruktive në pyetjen e shtuar.

KRYETARI I KUVENDIT KOLË BERISHA – Ju faleminderit, deputeti Ramadan Kelmendi, keni pyetje?.

DEPUTETI RAMADAN KELMENDI – Ju faleminderit. I nderuari kryetar, të nderuar ministra, pasi gjendemi në këtë pikë të rendit të ditës unë shtroj si një çështje për administratën e Kuvendit. Kam parashtruar tri pyetje, me protokoll, me kërkesë, të trijat janë të lidhura me problemet madhore të Mitrovicës dhe unë akoma nuk marrë përgjigje, dëshmi.

Më 11.8.2006 është protokolluar 022482 Ministrisë për Kthim dhe akoma as nuk kam marrë asgjë me shkrim, megjithëse pyetja me shkrim nuk më duhet, pyetje me gojë ashtu e parashev rregullorja dhe ashtu e dua përgjigjen.

Pastaj po ashtu Ministrisë për Arsim i kam parashtruar pyetjen më 10.11.2006 me numër të protokollit 022743 pa përgjigjen.

Dhe po ashtu kryeministrat i kam parashtruar pyetjen më 16.11.2006 me numër të protokollit 02275.....

KRYETARI I KUVENDIT KOLË BERISHA – Ju faleminderit, pyetjet e juaja janë dërguar dhe adresuar aty ku duhet, por s'kemi marrë ende përgjigje.

Xhevati Bislimi

DEPUTETI XHEVAT BISLIMI – Z. kryetarë unë po e përsëris një vërejtje që e kam bërë edhe një herë, mos t'i ndërpritet fjala deputetit ose ministrit brutalisht siç po i ndërpritet. Kujtoj që teknika është akoma nën kontrollin e njjeriut, prandaj të rregullohet kjo çështje të paralajmërohet me sinjal drite apo në një formë tjetër deputeti ose ministri, sepse konsideroj se ky është cenim i dinjitetit të deputetit ose ministrit. Faleminderit.

KRYETARI I KUVENDIT KOLË BERISHA – Ju faleminderit z. Bislimi.

Përkundrazi po e shkeli rregulloren duke zgjat më tepër se sa është e paraparë me rregulloren. Po e zgjas gjithmonë diskutimin secilit po thuaj se deputet, duke shkelur rregulloren. Paralajmërohet ajo. Faleminderit.

Shkojmë në pikën e pestë.

5. Shqyrtimi i parë i Projektligjit për ndihmën shtetërore

Projektligji u është shpërndarë deputetëve më 13 nëntor 2006 dhe janë përbushur kushtet për shqyrtimin dhe miratimin e tij në parim.

Vërejtjet parimore do t'u adresohen për shqyrtim Komisionit funksional përgjegjës për raportim si dhe komisioneve kryesore.

Ftoj ministrin Haki Shatri që në emër të Qeverisë të Kosovës para deputetëve ta prezantojë Projektligjin.

Urdhëroni z. Shatri.

MINISTRI HAKI SHATRI – Faleminderit z. kryetar, të nderuar deputetë.

Projektligji për ndihmën shtetërore që po prezanton sot rregullon procedurat dhe mbikëqyrjen e dhënies së ndihmës shtetërore, përcakton shfrytëzuesit potencialë, format dhe kushtet e shfrytëzimit të ndihmës shtetërore.

Në pajtim me dispozitat e këtij ligji ndihma shtetërore konsiderohen ndihmat e karakterit social, ndihmat në rastet e fatkeqësive natyrore, ndihmat e tjera deri në 30 mijë euro, ndihmat për krijimin e vendeve të reja të punës. pastaj ndihmat për nxitjen e zhvillimit regional, për përmirësimin e çrregullimeve serioze në ekonomi, ndihma për mbrojtjen e trashëgimisë kulturore, ndihma që promovon zhvillimin e ndërmarrjeve të vogla dhe të mesme, ndihma për konsulencë dhe ndihma për shpëtim dhe rikonstruim.

Me qëllim të realizimit të ndihmave shtetërore në pajtim me dispozitat e këtij ligji e në veçanti për gjegjësisht, sigurimin e konkurrencës fer parashihet të formohet zyra për ndihmë shtetërore pranë Ministrisë së Ekonomisë dhe të Financave. Janë rregulluar po ashtu funksionet, struktura e zyrës dhe procedurat e kërkesës dhe të lejimit të ndihmës shtetërore.

Dhënësit e ndihmës shtetërore janë institucionet lokale dhe qendrore, si dhe organet e tjera publike. Dhënësi i ndihmës shtetërore ndihmën duhet ta parashohë dhe ta paraqesë si pozicion të veçantë në buxhetin e vet.

Të nderuar deputetë,

Në materialet përcjellëse të dokumentit që po e shqyrtojmë kemi dëshminë për plotësimin e kushteve formale për aprovimin në parim të këtij ligji.

Prandaj duke u nisur nga nevoja e kompletimit të infrastrukturës ligjore rëndësisë së materies, ju ftoj ta miratoni në parim këtë Projektligj. Faleminderit.

KRYESUESI NAIM MALOKU – Ju faleminderit z. ministër. Hapim debatin për diskutim në parim. Për fjalë është lajmëruar në emër të Grupit Parlamentar të LDK-ës, deputeti Naser Osmani, le të përgatitet Gani Koci. Faleminderit.

DEPUTETI NASER OSMANI – Faleminderit i nderuari kryesues, të nderuar ministra, të nderuar kolegë deputetë. Më lejoni të shpreh kënaqësinë time që sot kemi në shqyrtim Projektligjin për ndihmë shtetërore.

Duke marrë parasysh dëshirën tonë për një të ardhme evropiane për Kosovën ky Projektligj është i rëndësisë më të madhe pasi që ka të bëjë drejtpërdrejt me rregullimin e konkurrencës- sektor kyç në procesin e integrimit evropian.

Ulja e ndihmave shtetërore është obligim që del nga strategjia e Lisbonës e krijuar në vitin 2000 dhe e cila synon hyrjen në Bashkimin Evropian të ekonominë, me konkurrencë ,në botë deri në vitin 2010.

Bashkimi Evropian konsideron këto ndihma si të konkurrencës. Komisioni Evropian referon që ndihma shtetërore të jetë shumë specifike dhe që do të përdoren masa të përgjithshme të tipit rregullues.

Ky projektligj ka për qëllim rregullimin e procedurave dhe mbikëqyrjen e dhënies së ndihmave shtetërore për zbatimin e kritereve lidhur me ekonominë e tregut, mirëmbajtjen e një konkurrence të drejtë dhe përbushjen e detyrimeve të dala nga marrëveshja ndërkombëtare e ratifikuar në Kosovë, ku përfshihen dispozitat për ndihmë shtetërore.

Çdo ndihmë shtetërore, me të cilën mund të prishet ose të rrezikohet konkurenca, duke favorizuar ndërmarrje ose produktet e caktuara që mund të dedikohen në tregti, do të jetë në kundërshtim me ligjin. Por do të ekzistojë një përjashtim i përkohshëm përderisa Kosova merr detyrime nga Bashkimi Evropian sa u përket sektorëve në bujqësi dhe peshkim.

Ligji gjithashtu do të lejojë disa forma të ndihmës shtetërore sikurse janë: ndihma e karakterit social, ndihma në rastet e dëmeve të shkaktuara nga fatkeqësitë natyrore, ndihma për krijimin e vendeve të reja të punës si dhe aftësimi i punëtorëve me aftësi të kufizuara.

Ndihma regionale që promovon zhvillimin ekonomik në regionet e Kosovës, ndihmat për t'i përmirësuar rregullimet serioze në ekonominë e vendit ose që promovojnë realizimin e projekteve me interes të veçantë për ekonominë e Kosovës dhe ndihma me të cilën promovohen kultura dhe mbrojtja e trashëgimive.

Në disa raste do të lejohet edhe ndihma që synon promovimin e aktiviteteve të ndërmarrjeve të vogla dhe të mesme, si dhe ndihma për shpëtimin dhe ristrukturimin të ndërmarrjeve. Këto fusha do të irregullohen me ligj në mënyrë që të mbrohet konkurenca e lirë.

Zbatimi i ligjit do të sigurohet nga zyra për ndihmë shtetërore që do të krijohet në kuadër të Ministrisë së Ekonomisë dhe Financave. Kjo zyre do të jetë organ rregulator dhe vendimmarrës për kontrollimin e ndihmës shtetërore. Zyra do të bëjë vlerësimin e ndihmave shtetërore për të siguruar pajtueshmërinë e tyre me ligjin, ajo do të ketë të drejtë të kërkojë nga dhënësi i ndihmës shtetërore që të anulojë dhënien e ndonjë ndihme nëse ajo është bërë në mënyrë të paligjshme dhe nuk është në pajtim me dispozitat ligjore.

Projektligji i paraqitur sot para nesh ka nevojë për amendamentim të mëtutjeshëm për të cilin do të angazhohet maksimalisht Komisioni për Buxhet dhe Financa, si komision funksional për këtë projektligj dhe do të kërkojmë në këtë drejtim ndihmën e ekspertëve vendorë dhe ndërkombëtarë në kuptimin që ky ligj të jetë sa më i aplikueshëm për Kosovën. Faleminderit.

KRYESUESI NAIM MALOKU – Ju faleminderit z. deputet. Fjalën e ka deputeti Gani Koci në emër të PDK-ës.

DEPUTETI GANI KOçi – Faleminderit z. kryesues. Është i mirëpritur një ligj i tillë për ndihmë shtetërore dhe duke lexuar materialin që na është ofruar këtu del se AER-i ka përgatitur dhe ka financuar këtë Projektligj dhe unë mendoj që është shumë i rëndësishëm. Në kuptimin e përgjithshëm është shumë i rëndësishëm, por unë konsideroj se në qoftë se financohen ligjet e tillë më mirë do të ishte të financohen disa ligje të tjera për para këtij ligji dhe paraprakisht dua t'i bëjë një pyetje z. Shatri se në Projektbuxhetin e viti 2007 a ka paraparë linja të veçanta për këtë lloj ndihmë shtetërore që e quajmë në mënyrë që ligjit në të vërtetë të jetë i zbatueshëm?

Neni 4 i këtij projektligji thotë se duhet paraprakisht të projektohet dhe të ketë linjë të veçantë për ndihmën shtetërore dhe nëse është kështu unë konsideroj se fleta ose letra përcjellëse e kostos së implementimit të Ligjit duhet të përfshijë edhe shumat e buxhetit të projektuar dhe jo vetëm shuma se sa do të kushtojë zyra me tre punëtorë atje. Nuk konsideroj se implementimi i ligjit ose kostoja e implementimit të ligjit ka të bëjë me koston e administratorëve, por me çështje të tjera. Prandaj edhe kostoja e implementimit të këtij ligji nuk është ofruar si duhet ose është tepër e mangët.

Në anën tjetër nuk di sa janë marrë për bazë praktikat e vendeve të regjionit duke marrë parasysh shkallën e zhvillimit ekonomik të Kosovës dhe si e kanë të rregulluar këtë çështje. E kuptojmë se tërë ligji është i mbështetur në traktatin e Bashkësisë Evropiane për ndihmë shtetërore dhe është një përshkrim i keq i disa dispozitiveve. Nuk po i përmend rregulloret këtu dhe ajo që i mungon këtij ligji më së shumti është se nuk përcakton qartë format e ndihmës shtetërore. , që kanë dallim shumë të madh në forma dhe lloje. Nuk përcakton qartë a 'konsiderohet ndihmë shtetërore p.sh. grantet dhe subvencionet e ndryshme a përcakton ndihmë shtetërore p.sh. përjashtimin ose uljen e taksave, diferencimin e taksave etj. A paraqet ndihmë shtetërore p.sh. garacionet e ndryshme për kreditë ose shkallën e interesit të kredive dhe çështje të tjera.

Pastaj çështja e procedurave të dhënies të ndihmës shtetërore të këtij projektligji i mungon në tërsi, absolutisht i mungojnë. Ky projektligj mua më duket se është miratuar vetëm me qëllim të krijimit të një zyre që do të punësojë tre veta dhe siç thuhet në Projektligj do të mbledhë informacione nga dhënësit e ndihmës shtetërore dhe në raste të caktuara do të konstatojë se a është dhënia e lejueshme ose jo . Në praktikat e vendeve të tjera ekziston një komision shtetëror për dhënien e ndihmës shtetërore që ka kompetencë të caktuar dhe ekzistojnë një drejtori ose një zyrë që udhëheq vetëm kuptimin administrativ, por jo edhe të vendimeve për dhënien e ndihmës shtetërore.

Këto çështje unë i konsideroj se në leximin e dytë nuk mund të kryhen duke pasur parasysh mënyrën se si po veprojmë në procedurat e leximit të dytë.

Prandaj ne si grup parlamentar konsiderojmë që ky projektligj të kthehet dhe të ripunohet edhe një herë dhe pastaj të vijë në Kuvend. Bashkë më projektligj është dhënë edhe një material që i janë bërë disa vërejtje nuk di nga kush dhe nuk di si ka ardhur.Pra, tash ky projektligj me këto vërejtje ekzistojnë, edhe në këtë material nuk dua ta përsëris komplet pjesën e procedurave për dhënien e ndihmës shtetërore, sepse ajo i mungon

këtij projektligji, sepse më tepër ndalet rrëth organizimit të zyrës dhe rrëth veprimit të zyrës se sa rrëth procedurave.

Prandaj konsiderojmë se duhet të rikthehet të ripunohet edhe ashtu nuk është aq i domosdoshëm për fazën të cilën po kalojmë sot.

KRYESUESI NAIM MALOKU – Ju faleminderit z. deputet. Fjalën e ka deputeti Xhevdet Neziraj në emër të Grupit Parlamentar të AAK-ës.

DEPUTETI XHEVDET NEZIRAJ – I nderuari z. kryesues, të nderuar ministra dhe deputetë. Me këtë ligj rregullohen procedura dhe mbikëqyrja e dhënieve së ndihmave shtetërore me qëllim të zbatimit të kritereve lidhur me ekonominë e tregut, mirëmbajtjen e një konkurrence të drejtë dhe përmbyshjen e detyrimeve të dala nga marrëveshjet ndërkombëtare të ratifikuara në Kosovë, ku përfshihen dispozitat për ndihmën shtetërore.

Ky ligj nuk zbatohet për dhëni e ndihmave shtetërore për sektorin e bujqësisë dhe të peshkimit përderisa Kosova të merr detyrime nga Bashkësia Evropiane. Ky ligj do të ndihmojë me ndihma me karakter social, ndihma nga fatkeqësítë natyrore, për krijimin e vendeve të reja të punës, ndihmë regionale që promovon zhvillimin ekonomik në një vend ku është më i pazarilluar.

Me anë të këtij ligji do të ndihmohen sidomos ndërmarrjet e vogla dhe të mesmet që janë bazë e zhvillimit ekonomik dhe që do të rritej punësimi në Kosovë.

Grupi Parlamentar i AAK-ës shpreson që në parim duhet të kalojë dhe në leximin e dytë mund të përmirësohen gabimet shumë lehtë në leximin e dytë. Prandaj Grupi Parlamentar i jep dritë të gjelbër që në leximin e dytë të kalojë ligji.

KRYESUESI NAIM MALOKU – Ju faleminderit deputeti Nazim Jashari në emër të partisë ORA.

DEPUTI NAZIM JASHARI – I nderuari z. kryesues, të nderuar z. ministra të nderuar kolegë deputetë. Kemi sot para vetes një projektligji i cili është paraparë të rregullojë një materie të rëndësishme në funksionimin institucional të vendit tonë dhe si i tillë është edhe i nevojshëm edhe i punuar në kohën e duhur, pavarësisht që mundësitet reale të Kosovës për të ndihmuar segmentet e caktuara shoqërisë janë shumë të vogla dhe të limituara. Po pse janë mundësitet e vogla dhe të limituara nuk do të thotë se ligji nuk duhet të miratohet.

Vijmë te dy çështje të cilat duhet t'i shtroj këtu para jush dhe që kanë të bëjnë me miratimin e këtij ligji.

E para është që ky projektligj duhet t'i përgëzojë zyrtarët tanë të Qeverisë. Ky është i punuar krejtësisht me forca tona, por nuk është një ligj i cili është përkthyer nga ndonjë legjislacion, qoftë në rajon, qoftë më larg, pra është ligj iyni, autorësinë e ka ai grup punues i cili e ka punuar ligjin.

Prandaj, është ligj i keq, është ligj shumë i keq se po deshe me përkthye do të ishim ankuar për përkthimin, por sigurisht që ligji do të ishte më i shtrënguar më i dhe më normativ. Realisht ky ligj nuk e arrin qëllimin për të cilin është menduar të përpilohet, nuk ia del të rregullojë asgjë, nuk ia del të asgjë. E vetmja gjë që ia del ta sanksionojë dhe të normojë është një zyre për ndihma shtetërore. Këtë e thotë qartë. Funksionimin ose plotësimin e asaj zyre me staf e normon qartë, kurse të gjitha aspektet e tjera të dhënies së ndihmës shtetërore të rasteve kur jepet ndihma shtetërore e përshkruan, por nuk normon.

Për më tepër e përmendi edhe z. Koci këtu e kemi një dokument përcjellës nga Zyra tash Agjencionit për integrime, i përpiluar nga Bardhyl Jashari dhe Ferit dhe i cili i është dërguar me kohë Zyrës ligjore në kryeministri dhe ku në kuadër e keni të gjithë deputetët para veti po që se e keni edhe projektligjin edhe mund të lexoni është kreu i V i këtij dokumenti ku thotë. Komente për ligjin, rekomandime lidhur me përputhshmërinë. Tash në kuadër të këtij projektligji e kemi këtë dokument të cilin duhet ta lexoj të nderuar kolegë deputetë dhe ta citoj, por ky e përjashton ligjin që e kemi përpara. Projektligji për ndihmën shtetërore ka mungesë të dispozitave të cilat i përfshin rregullat konkrete procedurale për dhënien e ndihmës shtetërore. Rekomandojmë që definicioni për ndihmën shtetërore të merret nga traktati i komunitetit Evropian nen 87 i traktatit të komunitetit Evropian. Por nuk është marrë ky definicion për ndihmën shtetërore siç është në traktatin e bashkangjitur, kështu që kemi edhe definicionin sipas traktatit që e rekomandojmë edhe sa i përket definacionit për skemat e ndihmës shtetërore si të nocionit deniminis.

Neni 56 i këtij Projektligji që i përfshin nenin 87 të traktatit të komunitetit Evropian në gjuhën shqipe nuk është i kuptueshëm, pra nuk është përshtatur mirë gjuhës shqipe.

Neni 7 i Projektligjit përfshin ndihën regionale, por mungojnë specifikat procedurale që janë paraparë në legjislacionin e BE-së për rastet ku lejohet dhe kur është ndaluar kjo ndihmë. Rekomandojmë që në aktet nënligjore kjo të rregullohet gjithsesi. Mirëpo para se të rregullohet në akte nënligjore kjo duhet të bëhet me ligj. Aktet nënligjore janë akte nënligjore, ato mund të saktësojnë ligjin, por nuk mund ta normojnë atë. Prandaj, këto mungesa nuk po dua të shkoj më tutje me lexim të rekomandimeve nga ana e Agjencionit për Integrime Evropian. Këto mungesa këtë ligj e bëjnë të pa përmirësueshëm.

Duke qenë se ligji është i papërmirësueshëm, mendoj se ky ligj duhet të kthehet në Ministri, Ministria ta marrë dhe një herë ta trajtojë, ta harmonizojë dhe ta rregullojë në mënyrë më të saktësuar se si do të funksionojë dhënia e ndihmës shtetërore, t'i normojë procedurat dhe rr Ethanat se në ç'raste kjo ndihmë edhe si vijohet me dhënien e saj dhe jo vetëm të bëhet një përshkrim elementar i rr Ethanave kur jepen ndihma.

Pra, në emër të Grupit tim parlamentar ORA, mendoj se ky projektligj duhet të kthehet përi ripunim dhe në qoftë se Kuvendi i Kosovës e kalon këtë ligj në këtë mënyrë me këto mangësi që i ka, ne vetëm po e vazhdojmë një inercion të çuditshëm të miratimit të gjithave që na vijnë nga Qeveria edhe pse shpeshherë po na ndodh që për ato punë po na

duhet të merremi prej fillimit dhe në mënyrë krejt të ndryshme nga ajo që na ka sjell Qeveria përpara.

Këtu kam parasysh posaçërisht Projektligjin për prokurim që na erdhi nga Qeveria që neve na u dashtë ta punojmë krejtësisht në mënyrë të ndryshme edhe pse e miratuam në shqyrtim të parë propozimin që erdhi nga Qeveria me një automatizëm.

Pra, duhet të jemi më të koncentruar se nuk bëhet nami pse kthehet ky në Qeveri, punohet më mirë dhe kur vjen ligji është i nevojshëm për ta rregulluar këtë materie, mirëpo jo kështu siç është dhënë. Ju faleminderit.

KRYESUESI NAIM MALOKU – Ju faleminderit. Fjalën e ka deputeti Husnija Beshkoviq.

DEPUTETI NUSNIJA BESHKOVIQ – Uvaženi predsedavajući, poštovani predstavnici Vlade dame i gospodo poslanici.

NZ.o državanoj pomoći je još jedan u nizu zakona koji je neophodan radi kompletiranja zakonskog okvira Kosova.

Ovim zakonom se uređuju procedure i nadzor davanja državanje pomoći u cilju primene kriterijuma u vezi tržišne ekonomije, održvanje jedne prave konkurenциje i ispunjavanje obaveza koji su proizašli iz međunarodnog sporazuma ratifikovanih na Kosovu gde su obuhvahćene odredbe za državnu pomoć.

Državna pomoć je data pomoć od davaoca pomoći u bilo kojoj formi, a koja favorizuje aktivnosti proizvodnje roba ili obavljanje određenih usluga.
Dobitnici državne pomoći mogu biti pravna i fizička lica.

Ovim N/z reguliše se mogućnost pružioca državne pomoći Vladi Kosova, državne administrativne organe, lokalne opštinske jedinice i druge javne organe ili institucija koje pružaju ili planiraju da daju državnu pomoć.

N/z o Državnoj pomoći u poglavlju 2 član 10 definiše formiranje kancelarije u okviru Ministarstva Ekonomije i Financija sa ciljem donošenja odluka o dodeli državne pomoći i nadgledanju iste.

N/z o državnoj pomoći je u harmoniji sa Zakonodavstvom Evropske Unije. Budžetski uticaj na N/z o državnoj pomoći se odnosi na budžetske troškove u iznosu od 34,160 € za period 2006-2008.

Parlamentarna Grupa 6+ smatra da N/z o državanoj pomoći ispunjava sve preduslove da se može uvrstiti u daljoj Skupštinskoj proceduri te isti u načelu prihvatom, a svoj dalji doprinos u izradi konačne verzije N/z daćemo kroz predlog amandmana i u radu funksionalne komisije.

Hvala na pažnji!

KRYESUESI NAIM MALOKU – Ju faleminderit. Lus deputetët që të kthehen në sallë është edhe një deputet i lajmëruar për fjalë, ju lutem që po avrohet koha e votimit, deputetja Safete Hadrgjonaj e ka fjalën, është e fundit që ka kërkuar fjalën për këtë Ligj. Faleminderit.

DEPUTETJA SAFETE HADËRGJONAJ – Faleminderit z. kryesues, të nderuar deputetë. Mjafton të lexosh memorandumin shpjegues të Projektligjit për ndihmë shtetërore dhe vjen në përfundim se Projektligji është hartuar nga një grup punues joprofesional.

Grupi punues nuk është në gjendje të shpjegojë rolin, qëllimin dhe rëndësinë e këtij ligji. Faktikisht nuk është në gjendje të shpjegojë çfarë ligji ka sponzoruar.

Thuhet se projektligji është në përputhshmëri me standarde ndërkombëtare dhe me ato humanitare, por në fakt këtu nuk është bërë ndonjë përputhje me standarde ndërkombëtare, por është bërë një kopjim i keq i standardeve ndërkombëtare dhe e kanë bërë në një farë mënyre dhe deformimin e këtyre standardeve.

Ky projektligj thuhet se është i rëndësishëm për ekonominë e Kosovës dhe për Buxhetin e Konsoliduar të Kosovës. Në fakt është shumë i paqartë dhe në mënyrën se si është hartuar jo vetëm që nuk është i rëndësishëm për ekonominë e Kosovës, por edhe në një farë mënyre e dëmton buxhetin e Konsoliduar të Kosovës.

Në Projektligj thuhet se qëllimi i këtij projektligji është rregullimi i procedurave për dhëni e ndihmës shtetërore. Në asnjë nen nuk janë përcaktuar rregullat procedurale për dhëni e ndihmave shtetërore dhe në asnjë nen nuk është e përcaktuar se si do të jepen këto ndihma. Janë lënë të rregullohen me aktet nënligjore ku gjërat kryesore nuk janë të përcaktuara dhe të qartësuara me ligj është e pamundur që me akte nënligjore të rregullohen çështjet që faktikisht duhet të rregullohen me ligj.

Neni 1 ku përshkruhet qëllimi i këtij projektligji është në kundërshtim me brendinë e ligjit.

Kurse neni 1.2. dhe 1.3 është mirë të sqarohen janë shumë të pakuptueshëm.

Neni 3 përkufizimet janë të paqarta, definicioni i ndihmës shtetërore është i paqartë, nuk janë dhënë shpjegimi adekuat i përkufizimit të skemës së ndihmës dhe përkufizimi që është dhënë në këtë nen nuk përputhet me brendinë e ligjit do me thanë bjen në kundërshtim me atë që thuhet më tutje.

Nuk dihet si do të krijohet kjo skemë e ndihmës.

Në nenin 11.2. përdoret shprehja ndihmë **deniminis** është dashur t'i jepet shpjegimi kësaj shprehjeje në përkufizime.

Nenet 5.1 dhe 5.3 po ashtu edhe neni 5.4 janë të pakuptim, nenet janë kopjuar nga traktati i Komunitetit Evropian, por nuk janë përkthyer mirë dhe janë përshtatur aktualitetit tonë.

Në neni 7 ndihma regionale përfshihet në neni 7.1, përkatësisht në nenet 7.1 dhe 7.2, mungojnë specifikat procedurale të dhënies së ndihmës regionale. Nuk përcaktohet se ku lejohet dhe kur ndalohet ndihma shtetërore për regjione.

Në nenen 8, përkatësisht në nenet 8.1 dhe 8.2 nuk janë përfshirë specifikat e dhënies së kësaj ndihme dhe një problematikë e tillë me këto zbrastësira që i ka projektligji nuk mund të rregullohet me akte nënligjore.

Neni 9 është një përkthim shumë i paqartë që bën komplet ky nen të jetë shumë konfuz.

Neni 10 parashev formimin e zyrës për ndihmë shtetërore në kuadër të Ministrisë së Ekonomisë dhe të Financave. Unë nuk pajtohem me mënyrën se si formohet kjo zyrë as që kjo zyrë të jetë në kuadër të Ministrisë së Ekonomisë dhe Financave. Në shkresën ku paraqiten implikimet buxhetore thuhet se Ministria e Ekonomisë dhe Financave ka vlerësuar se kjo zyre do të ketë tre veta. Projektligji nuk përcakton se kush do të jenë këta tre vetë.

Në nenen 10.2 thuhet se zyra është një vendimmarrëse për kontrollimin e ndihmës shtetërore. Kjo zyrë kaq e paqarë në formim nuk mund të ketë rolin vendimmarrës për kontrollimin e ndihmës shtetërore, sepse nuk mund të bëjë vlerësimin e ligjshmërisë së ekzistimit apo të mosekzistimit të ndihmës shtetërore.

Neni 11.1 po ashtu është i përkthyer keq dhe si i tillë është i pakuptimit/ Thuhet se formati i njoftimit është i përkufizuar me aktin nënligjor në aneksin 1. Këtij projektligji nuk i është bashkangjitur aneksi 1 dhe akti nënligjor nuk mund të nxirret pa aprovimin e ligjit. E njëjtë gjë përsëritet edhe në nenen 14.1.

Për shkak të mangësive të shumta që ka ky projektligj sugjerojmë të rikthehet, me qëllim të përpunimit më të mirë dhe për të pasur mundësi konsultimi sa më të gjerë të ekspertëve profesionalë. Përndryshe është shumë e palogjikshme dhe në një farë mënyre edhe e papranueshme të miratohet në lexim të parë ky Projektligj e pastaj të amandamentohet nga neni i parë deri në të fundit, siç na ka ndodhur në shumë ligje të tjera. Faleminderit.

KRYESUESI NAIM MALOKU – Ju faleminderit z. deputete. Nga prezenca e konfirmuar në sallë janë 59 deputetë. Unë ftoj deputetët që janë në hol që të kthehen në sallë se është koha e votimit të projektligjit, përndryshe duhet të merremi vesh se a të vazhdojmë ne me Rregullore të punës së Kuvendit mund të vazhdojmë pika të tjera të rendit të ditës. Debat mund të zhvillohet por jo edhe votimi pa kuorum ,do të presim 5 minuta edhe pastaj vendosim.

Të nderuar deputetë debati për këtë projektligj ka përfunduar e qesim në votim Projektligjin për në parim.

Votojmë tash:

Për 45;
Kundër..... 24.

Kalon në parim ky projektligj. Në sall janë 71 deputetë.

Pas miratimit në parim në bazë të rregullës 23 pika 6 dhe rregullës 35 pika 2 Kuvendi ngarkon këto komisione:

Komisionin për Buxhet dhe Financa si komision funksional dhe referues.

Komisionin për Çështje Gjyqësorë dhe Legjislacion dhe Kornizë Kushtetuese dhe

Komisionin për Komunitete.

Komisionet duhet që në afatin jo më vonë se dy muaj nga shqyrtimi i parë të shqyrtojnë projektligjin dhe Kuvendit t'i paraqesin raportin me rekomandime. Ju faleminderit.

Kalojmë në pikën e gjashtë të rendit të ditës.

6. Shqyrtimi i parë i Projektligjit për trajtimin e ndërtimeve pa leje

Konstatimet hyrëse. Projektligji u është shpërndarë deputetëve më 15 nëntor 2006 dhe janë përbushur kushtet për shqyrtimin dhe miratimin e tij në parim.

Vërejtjet parimore do t'i adresohen për shqyrtim Komisionit funksional përgjegjës për raportim si dhe komisioneve kryesore.

Ftoj ministrin Arđan Gjini, që në emër të Qeverisë së Kosovës para deputetëve të Kuvendit të prezantojë Projektligjin. Urdhëroni z. ministër.

MINISTRI ARDIAN GJINI – Faleminderit z. kryesues, të nderuar deputetë të Kuvendit të Kosovës.

Mendoj se secili prej nesh në këtë sallë e ka të qartë se cila është rëndësia e aprovimit të Ligjit për ndërtimet pa leje ,do të thotë trajtimin e ndërtimeve ilegale.

Në një kohë të kaluar ndalesat në trasferë të pronës ,diskriminimi në krijimin e pronës e hapësirës për banim në baza nationale rritura e madhe e popullsisë dhe nevoja e madhe për hapësirë banimi, rrjedhja disa herë më e madhe e kapitalit pas luftës në Kosovë dhe brishtësia e pushtetit lokal i cili është

Është krijuar në vitin 2000 ka bërë që ky pushtet lokal të ballafaqohet me një numër të ndërtimeve ilegale, menjëherë apo u themelua, por në të njëjtën kohë ndërtimi dhe ndërtimtaria janë shndërruar në industrinë më të madhe në Kosovë edhe pse shumicën e rasteve në formë jolegale.

Projektligji për trajtimin e ndërtimeve pa leje, si një ndër prioritetet më të larta të Ministrisë së Mjedisit dhe Planifikimit Hapësinor dhe të Qeverisë, është përgjigje ndaj nevojave për krijimin e kornizës adekuatë ligjore për Kosovën për të vënë nën kontroll ndërtimin dhe për të ndërpërre ndërtimet pa leje duke siguruar mbrojtjen e të drejtave pronësore, zotërimin dhe të drejtat për pronën rezidente në përputhshmëri me standardet evropiane.

Projektligji krijon kushtet dhe procedurat për trajtimin e ndërtimeve pa leje në përputhshmëri me dokumentet e planifikimit hapësinor të Kosovës, me planin rregullues dhe me planin zhvillimor komunal, që nënkupton rrënimin e ndërtimeve pa leje që janë në kundërshtim me planin hapësinor dhe legalizimin e ndërtimeve pa leje që nuk e pengojnë planin hapësinor të Kosovës, duke mundësuar planifikimin dhe zhvillimin e ndërtimtarisë në Kosovë në funksion të interesit publik dhe privat.

Kushtet dhe procedurat për trajtimin e ndërtimeve pa leje, me këtë projektligj, rregullohen përmes hartimit dhe miratimit te programeve komunale, përmes krijimit të regjistrat te ndërtimeve pa leje në bazë përbajtjes së përcaktuar për përpilimin e tij, dhënes së lejes së përdorimit për ndërtim të legalizuara dhe për kryerjen e kontrollimit teknik. Po ashtu, në mënyrë të veçantë rregullohen edhe procedurat për legalizimin e ndërtimeve të papërfunduara të cilat nuk mund të përdoren.

Me këtë projektligj do të krijohen mundësi që nëpërmjet procedurave të legalizimit të kryhet edhe kontrolli për përbushjen e kërkeseve të veçanta të ndërtimit dhe në atë mënyrë sigurohet se ndërtimi që legalizohet i përbush të gjitha kërkesa, përkatesisht u nënshtronhet procedurave të sanitimit kur nuk i përbush këto kërkesa.

Ligi i ndërtimit nuk trajton në mënyrë speciale ndërtimet pa leje, sepse është vlerësuar që kjo çështje të rregullohet me ligj të veçantë. Qëllimi i tij është të ndikojë në zvogëlimin e ndërtimeve pa leje në bazë të faktit se komunat dhe institucionet e tjera kanë në dorë zgjidhjet juridike dhe urbanistike për të lëshuar lejet e ndërtimit dhe për të planifikuar ndërtimin në Kosov., nuk është arritur tërësisht, sepse nuk janë siguruar mekanizmat për mbikëqyrjen e zbatimit të drejtë dhe rigoroz të ligjit. Kjo shton domosdoshmërinë e nxjerrjes se këtij ligji.

Andaj, Projektligji, i ri si rrjedhë logjike e plotësimit te kornizës ekzistuese ligjore, kur Plani hapësinor i Kosovës është në procedurë të aprovimit dhe komunat janë duke i përgatitur planet e veta urbane, garanton kontroll të plotë nga ana shtetit.

Projektligji ka ndarë në mënyrë të qartë kompetencat mes institucioneve në bazë të peshës se vet shumeëdimenzionale në procedurën e trajtimit dhe ka paraparë afatet. Rolin kryesor për zbatimin e tij do ta kenë komunat dhe inspektoratet. Përmes ligjit ne

Është krijuar në vitin 2000 ka bërë që ky pushtet lokal të ballafaqohet me një numër të ndërtimeve ilegale, menjëherë apo u themelua, por në të njëjtën kohë ndërtimi dhe ndërtimtaria janë shndërruar në industrinë më të madhe në Kosovë edhe pse shumicën e rasteve në formë jolegale.

Projektligji për trajtimin e ndërtimeve pa leje, si një ndër priorititetet më të larta të Ministrisë së Mjedisit dhe Planifikimit Hapësinor dhe të Qeverisë, është përgjigje ndaj nevojave për krijimin e kornizës adekuate ligjore për Kosovën për të vënë nën kontroll ndërtimin dhe për të ndërprerë ndërtimet pa leje duke siguruar mbrojtjen e të drejtave pronësore, zotërimin dhe të drejtat për pronën rezidente në përputhshmëri me standartet evropiane.

Projektligji krijon kushtet dhe procedurat për trajtimin e ndërtimeve pa leje në përputhshmëri me dokumentet e planifikimit hapësinor të Kosovës, me planin rregullues dhe me planin zhvillimor komunal, që nënkupton rrënimin e ndërtimeve pa leje që janë në kundërshtim me planin hapësinor dhe legalizimin e ndërtimeve pa leje që nuk e pengojnë planin hapësinor të Kosovës, duke mundësuar planifikimin dhe zhvillimin e ndërtimtarisë në Kosovë në funksion të interesit publik dhe privat.

Kushtet dhe procedurat për trajtimin e ndërtimeve pa leje, me këtë projektligj, rregullohen përmes hartimit dhe miratimit te programeve komunale, përmes krijimit të regjistrit te ndërtimeve pa leje në bazë përbajtjes së përcaktuar për përpilimin e tij, dhënes së lejes së përdorimit për ndërtim të legalizuara dhe për kryerjen e kontrollimit teknik. Po ashtu, në mënyrë të veçantë rregullohen edhe procedurat për legalizimin e ndërtimeve të papërfunduara të cilat nuk mund të përdoren.

Me këtë projektligj do të krijohen mundësi që nëpërmjet procedurave të legalizimit të kryhet edhe kontrolli për përbushjen e kërkesave të veçanta të ndërtimit dhe në atë mënyrë sigurohet se ndërtimi që legalizohet i përbush të gjitha kërkesat, përkatesisht u nënshtrohet procedurave të sanimit kur nuk i përbush këto kërkesa.

Ligji i ndërtimit nuk trajton në mënyrë speciale ndërtimet pa leje, sepse është vlerësuar që kjo çështje të rregullohet me ligj të veçantë. Qëllimi i tij është të ndikojë në zvogëlimin e ndërtimeve pa leje në bazë të faktit se komunat dhe institucionet e tjera kanë në dorë zgjidhjet juridike dhe urbanistike për të lëshuar lejet e ndërtimit dhe për të planifikuar ndërtimin në Kosov., nuk është arritur tërësisht, sepse nuk janë siguruar mekanizmat për mbikëqyrjen e zbatimit të drejtë dhe rigoroz të ligjit. Kjo shton domosdoshmërinë e nxjerrjes se këtij ligji.

Andaj, Projektligji, i ri si rrjedhë logjike e plotësimit te kornizës ekzistuese ligjore, kur Plani hapësinor i Kosovës është në procedurë të aprovimit dhe komunat janë duke i përgatitur planet e veta urbane, garanton kontroll të plotë nga ana shtetit.

Projektligji ka ndarë në mënyrë të qartë kompetencat mes institucioneve në bazë të peshës se vet shumeëdimenzionale në procedurën e trajtimit dhe ka paraparë afatet. Rolin kryesor për zbatimin e tij do ta kenë komunat dhe inspektoratet. Përmes ligjit ne

tentojmë të krijojmë kushte që të mos ketë interpretim të shumëfishtë të rregullativës dhe të ligjeve në fuqi ,që komunat të janë të obliguara t'i trajtojnë ndërtimet pa leje në rastet kur mund të lëshojnë leje, kur duhet të rrënojnë atje duhet të marrin vendim të shpejtë përrënim.

Projektligji ka 6 kapituj dhe 33 nene që në mënyrë të qartë rregullon:

Kreu I - Dispozitat e përgjithshme

Definohen :qëllimi iLLigit, lënda e rregullimit dhe përkufizimet.

Kreu II - Programi për trajtimin e ndërtimeve pa leje. Përcaktohen procedurat, afatet dhe autoritetet përgjegjëse për hartimin dhe miratimin e programit komunal, si dhe përbajtja e programit, detyrimet financiare të cilat investorët e ndërtimeve pa leje duhet t'i plotësojnë ndaj komunës, si dhe procedurat dhe afatet përpilimin e regjistrit se bashku me përbajtjen e tij.

Kreu III - Procedurat për legalizimin e ndërtimeve pa leje. Përcaktohen kushtet të cilat duhet të plotësohen për legalizimin e ndërtimeve si dhe kushtet kur ndërtimet nuk mund te legalizohen, procedurat e dhënies së vendimit për legalizim

Kreu IV - Lejet e përdorimit

Përcaktohen procedurat e kontrollit teknik, procedura e dhënies së lejes së përdorimit

Kreu i V-të - Rregullat e ndëshkimit

Përcaktohen kundërvajtjet e investorit-pronorit të objektit

Kreu VI- - Dispozitat kalimtare dhe të fundit .

Duke pasur parasysh dy fakte kryesore të cilat dalin si elemente, qoftë procedurale, qoftë emocionale ,do të kisha thënë në këtë rast me ligj tentojmë që çdo ndërtim pa leje të konsiderohet deri në një farë doze edhe thyerje për të gjitha institucionet e Kosovës, për komunat, për këtë Kuvend dhe për Qeverinë.

Për këtë arsyen edhe në rastet kur ndërtimet pa leje do të legalizohen, ato do t'u nënshtrohen pagesave shtesë të taksave dhe të shërbimeve komunale, në mënyrë që ata të cilët kanë pritur me vite për ndërtim ta gjejnë një sadifaksion dhe në mënyrë që të jetë e qartë se nuk ka lavërdi që tash e tutje të ndërtohet pa leje. Faleminderit.

KRYESUESI NAIM MALOKU – Ju faleminderit z ministër. Hapet debati për diskutim në parim, për fjalë është paraqitur deputeti Afrim Arzualgjiu. Besoj që në emër të Partisë Demokratike të Kosovës e keni fjalën.

DEPUTETI AFRIM ARZUALGJIU – Faleminderit z. kryesues, të nderuar ministrat prezentë, kolegë të nderuar.

Grupi Parlamentar i PDK-ës me përkushtim të posaçëm ka analizuar edhe këtë projektligj për trajtimin e ndërtimeve pa leje. Për çka mendoj se është paksa i vonuar, mirëpo duke marrë parasysh gjendjen momentale me ndërtimet pa leje ,gjegjësisht në ndërtimet e egra ka qenë koha e fundit që të bëhet diçka konkretisht në këtë drejtim ,sepse deri më tanë në fakt jemi kënaqur vetëm me konstatime.

Prandaj, paraprakisht shtrohen shumë pyetje paraprakisht edhe kërkojnë përgjigje, pse është kjo gjendje kështu si është. Kush janë përgjegjësit, a ka dhënë dikush përgjegjësi për këtë, a duhet të jepet përgjegjësi. A duhet të zbatojmë këtë projektligji njerëzit që kanë krijuar në fakt këtë gjendje apo a mund ta zbatojnë njerëzit e njëjtë që ndoshta edhe kanë dhënë leje private për ndërtimin e objekteve, sepse është e pamundur që janë ndërtuar aq objekte të mëdha që njerëzit përgjegjës nuk kanë vërejtur ato objekte.

Prandaj krijohet mundësia për një korruption shtesë me njerëzit e njëjtë. Mendoj se duhet të bëhet ndryshime të kuadrove në institucionë nëse duamë realizimin apo zbatimin e këtij projektligji si duhet. Pra mendoj se nuk është problemi në mungesen e ligjit, por në mungesen e interesimit të institucioneve me u kacafytë me këto probleme. Mirëpo të shpresojmë se arsyaja e vetme për mos pengimin e ndërtimeve të egra të jetë mungesa e këtij ligji për çka dyshoj se është ashtu. Mirëpo, të shpresojmë se në këtë projektligj më në fund do të ndalen ndërtimet pa leje dhe ta fillojmë legalizimin e objekteve të ndërtuara pa leje, ato natyrisht se çka nuk mund të legalizohen.

Me këtë projektligj është mirë që do të përcaktohen kriteret për trajtimin e ndërtimeve ilegale ,procedurat e legalizimit, procedurat e kontrollit teknik, procedurat e dhënies së lejes së **përdorimit**, rregullat ndëshkimore e kështu me radhë.

Në fakt duhet të gjenden mundësitet e përputhshmërisë së ndërtimeve ilegale me planet urbanistike, gjegjësisht planet hapësinore dhe natyrisht rrënim i atyre objekteve që nuk do të mund të përputhen me planet hapësinore.

Për dallim nga Ligji i aplikueshëm i ndërtimeve dhe Ligji i planifikimeve hapësinor ky projektligj është imponim i një gjendje faktike sipas e vakumit institucional, si para luftës ashtu edhe pas luftës.

Qëllimi që duhet të arrihet me këtë projektligj është që më në fund të vihen nën kontroll ndërtimi ilegal. Sa i përket vlerësimiit të Departamentit të Buxhetit të Konsoliduar të Kosovës rrëth numrit të objekteve pa leje ku thuhet se për trajtim janë së paku 10 mijë objekte ndërtimore, mendoj se ky numër do të jetë shumë më i madh. Për shembull vetëm në Prizren pas luftës janë ndërtuar mbi 4000 mijë deri në 6000 mijë objekte ndërtimore pa leje. Dhe nëse kësaj i shtohet edhe objektet ndërtimore që janë ndërtuar para luftës që janë mbi 12 mijë, del se objektet pa leje në Kosovë janë sigurisht mbi 100 mijë. Kjo dëshmon për një kaos të vërtetë në këtë lëmi dhe nevojat e mëdha për këtë projektligj.

Kemi shumë vërejtje konkrete në këtë projektligj. Në nenin 2 ku parashihet kur duhet të shtohet ndërprerja ,sepse nuk është paraparë për shkak të lartësisë që duhet për llogaritjen e kubaturës, gjegjësisht për llogaritjen e taksave komunale.

Mandej në nenin 6 sa i përket detyrimeve financiare thuhet, detyrimet financiare sipas nenit 5. 6 duhet të jenë: më të mëdha se dyfishi dhe më të vogla se katërfishi i tarifave të rregullta komunale për objektet e banimit. Dhe më të mëdha se dyfishi dhe më të vogla se pesëfishi i tarifave të rregullta komunale për objektet komerciale.

Mendoj se këto detyrime duhet të vlejnë në këtë formë sç janë propozuar për objektet ilegale që do të ndërtohen pas aprovimit të këtij ligji, kurse tani detyrimet duhet të jenë më stimuluese ,sepse çka do të ndodhë nëse ky numër shumë i madh i objekteve nuk paraqiten kërkesat, në se nuk kanë interes për me u paraqit për legalizim, atëherë a do të jemi në gjendje me i rrënuaj gjithë ato objekte që janë dhjetëra- mijëra sosh. Prandaj mendoj se është momenti që duhet të jemi edhe më stimulues.

Më në fund të mos të harrojmë se shumë shpesh edhe vetë institucionet kanë qenë shkaktar të ndërtimeve pa leje siç janë:mosdhënia e lejeve, mosekzistimi i planeve urbanistike e kështu me radhë.

Në nenin 12 thotë. Objekti ndërtimor pa leje nuk mund të legalizohet nëse është ndërtuar në pronën e huaj dhe në periudhën e legalizimit nuk mund të sigurojë të drejtën e pronësisë, është ndërtuar në korridoret e infrastrukturës urbane . Propozoj që të shtohet, është ndërtuar jashtë planeve zhvillimore urbane, gjegjësisht ku nuk ka plan rregullues urban.

Neni 15 paragrafi 4 thotë: Pas vendimit të formës së prerë nga paragrafi 3 i këtij neni objekti ndërtimor pa leje për të cilën është refuzuar kërkesa për legalizim largohet nga regjistri i ndërtimeve pa leje dhe propozoj që të shtohet pa leje për legalizim dhe funtet në regjistrin e ndërtimeve përrënim.

Neni 16 paragrafi 2 është shumë i dyshimtë, prandaj mendoj se këtu do të paraqiten probleme jashtëzakonisht të mëdha gjyqësore, pavarësisht nga marrëveshja me shkrim.

Në neni 22 thuhet: Procedurave të legalizimit duhet të nënshtrohet edhe objektet ndërtimore të cilat kanë leje ndërtimi ,por që kanë pësuar ndryshime nga projekti për të cilën e procedojnë lejen e ndërtimit. Mendoj se këtu duhet të shtohet e të cilat nuk e tejkalojnë një përqindje 25, 30, 40% të sipërfaqes së ndërtuar si dhe tejkalimet e tillë nuk bien ndesh me planin rregullues urban.

Pra ky projektligj me gjithë vërejtjet e shumta mendoj se mund të aprovohet në parim, kurse vërejtjet të tjera dhe kontributin tonë në ngritjen e cilësisë së Projektligjit do të japim në punën tonë në Komisionin funksional.

KRYESUESI NAIM MALOKU – Ju faleminderit z deputetë. Fjalën e ka deputeti Jusuf Sutaj në emër të Grupit Parlamentar të LDK-ës.

DEPUTETI JUSUF SUTAJ – Përshëndetje z. kryesues, të nderuar delegatë, të nderuar ministra. Ne sot kemi përpëra një ligj i cili në vetë titullin e krijon një dilemë do të thotë a duhet të krijojmë ligj për një parregullsi që atë parregullsi ta legalizojmë, është fakt që parregullsia ka ndodhë. Mirë në ligj përmendet ajo parregullsi, sidomos është në periudhën pas luftës të pamundësisë së intervenimeve nëpër mjet organeve apo nëpërmjet ligjeve që kishin me rregullua këtë materie.

Që në start shkruan projektin për trajnimin e ndërtimëve pa leje. Një propozim kishte me qenë më i mirë, do të thotë projektin për legalizimin e ndërtimëve pa leje që ka ndodh deri tani. Tani e tutje të mos ketë asi ligji, ose të mos ketë asi benificioni që dikush të ndëronte pa leje dhe prapë të legalizohet, gjë që vështirë që do të ndalet kjo. Do të thotë këtu është një një fushëveprim më i ndjeshmi që mu rregullua do të thotë e donë një kohë e donë një intervenim të mirëfilltë dhe dy ligji brenda suazave të tij, unë besoj që diçka do të rregullojmë, por jo në tërsësi.

Ligji i propozuar na Ministria e Mjedisit punën themelore dhe punën kryesore ja orienton komunave ku ato komuna janë të obliguara që të ndërtojnë programet e tyre për realizimin e këtij projektligji. Do të thotë për legalizimin e objekteve pa leje të ndërtuara gjerë më tani.

E ku kushtet për legalizim është që t'i përshtaten projektet hapësinorë edhe ajo fatkeqësish tani vonë është punuar në Kosovë, njëkohësisht të jetë në përputhshmëri me planifikimin urbanistik të komës, por deri diku të jetë në përputhshmëri edhe me zhvillimin ekonomik të asaj komune edhe me parashikimet e zhvillimit ekonomik që do të ndodhin në atë komunë.

Një pjesë të rëndësishme në këtë Projektligj është ajo, se për legalizimin e objekteve pa leje kërkohen tarifa ose detyrimet e tillë që cilat në fazën ku ndodhen tani objektet e ndërtuara që nuk kanë leje investorët ose vetë ndërtuesit e këtyre vështirë e kanë që të bëjnë ballë. Thotë këto janë dy herë më të mëdha, se normat themelore të ndërtimit dhe të jenë pesë herë më të vogla, do të thotë një ndërmjetës mes dyve deri në pesë herë të rritë, në mënyrë shumë rapide rrit koston e atij që mund ta merr lejen për vazhdimin e ndërtimit të atij objekti pa leje.

Këtij viti ju kanë bashkëngjité edhe dokumentacioni financiar i përpunuar prej Ministrisë së Ekonomisë dhe të Financave .ku ajo më tepër analizon një gjendje faktike. Sipas saj, këtu shihet se nuk do të ketë implikime buxhetore përvëç momenteve të caktuara por do të ketë përfitime buxhetore nga komunat, diku për tri vjet 2007, 2008 e 2009 rrëth 30 milion euro, çka do të thotë kjo është një pozicion i mirë për mbulimin ose për rritjen e buxhetit të konsoliduar të Kosovës, por njëkohësisht është një pozicion i keq i atyre që do të dëshironin t'i legalizonin ato objekte që i plotësojnë kushtet minimale Na për ndërtimë i kemi dy ligje themelore do të thotë planin hapësinor të Kosovës dhe Ligjin mbi ndërtimin. Mund të bëjmë një pyetje? A ka muajt ky ligj të mos jetë si projektligj, po të ishte një akt nënligjor apo një rregullore normative që do ta lëshonte Ministria e Mjedisit e ku me të do të rregulloheshin këto çështje, do të thotë prapë është pyetja a është Ligj, a

ka qenë dashtë të ishte Ligj apo më mirë do të ishte me qenë një akët nënligjor ku në Ligjin për ndërtimin përmenden shumë elemente të këtij ligji. Për kah ndërthurja është një ligj i mirë, mirëpo vetë ndërthurja e Ligjit nuk garanton se do të ketë një implementim të lehtë, besojmë se implementimi i këtij Ligji do të jetë i vështirë ose një ndër më të vështirat që kemi sot për ndonjë ligj, sepse thashë kaosi veç vepron në këtë fushë, me të gjitha këto të meta Grupi Parlamentar i LDK-ës e miraton në parim dhe shpresojmë bashkë me Ministrinë se jo komisionet speciale por bashkë me Ministrinë edhe me ndonjë ekspert të kësaj fushe kur në të gjitha anët do të analizohet do ta përpara. Ju faleminderit.

KRYESUESI NAIM MALOKU – Ju faleminderit z. deputet. Fjalën e ka deputeti Mazllom Kumnova në emër të Grupit Parlamentar të AAK-ës.

MAZLLOM KUMONVA – Z. kryesues edhe Grupi Parlamentar i Aleancës për Ardhmërinë e Kosovës ka shqyrtuar me kujdes këtë projektligj dhe që në fillim ka konstatuar se ky projektligj duhet të jetë ligj **kuadër** për të cilin Kosova ka pas nevojë ndoshta emergjente për të krijuar një infrastrukturë ligjore ,për ta frenuar dhe për të vënë në kontroll të rreptë ndërtimin pa leje.

Jemi të vetëdijshëm se dukuria e ndërtimit pa leje, e cila aktualisht ka krijuar një rrëmujë urbane, për të cilën duhet të pajtohem i dhe pse ndoshta këtij projektligji i duhet bërë një studim dhe vlerësim se sa janë përmasat e shkeljeve të planifikimit hapësinor, sidomos në fushën e ndërtimeve pa leje.

Edhe pse disa tregues kanë shënuar se kemi rrëth 10 mijë objekte pa leje ndërtimi që presin trajtim legalizimi, numri duhet të jetë shumë më i madh duke llogaritur edhe ato objekte që duhet të rrënohen. E sa e dimë Ministria e Mjedisit dhe e Planifikimit Hapësinor ka të dhëna për dimensionin e kësaj dukurie, e cila ka zënë fill pas vitit 1990, periudhë kjo e fillimit të **urbicidit** klasik shtetëror serb që jep vulën e vet në ndërtimin e objekteve sakrale, ushtarake, koloniste dhe objekte të tjera jashtë çdo planifikimi në fuqi.

Po ashtu dëmet e luftës së fundit ndikuan për realizimin e strehimit dhe banimit emergjent. Njëkohësisht zhvendosja e popullatës ,si dukuri e pasluftës, i krijo qendrat e mbipopulluara sidomos në qytete, ku gjendja është më e rëndë për shkak të ndërtimeve të egra të cilat përvëç **devastimit** të strukturave urbane cenohen edhe trajktoret e komunikacionit të të gjitha llojeve, bazën ekonomike të vendit, shëndetin e popullatës në të gjitha aspektet dhe cenognë funksionimin normal të kapaciteteve ekzistuese të shërbimeve komunale.

Duhet pranuar se kësaj dukurie nuk i jemi qasur seriozisht asnjë deri më tanë dhe ky projektligj siguron një qasje joserioze. Përgjegjësia më e madhe i takon Qeverisë lokale, e cila deri më tanë në mungesë të planeve hapësinore nuk e ka trajtuar me prioritet këtë çështje. Po ashtu jemi përballur edhe me mungesën e përgjegjësisë së qytetarëve. I takon këtij projektligji që në këtë situatë të palakueshme ta irregullojë këtë. Njëkohësisht zbatimi i këtij projektligji do të jetë sfida më e madhe për lokalet e pronarëve, investitorëve dhe subjekteve të tjera për të pranuar dhe zbatuar këtë ligj.

Mirëpo trajtimi i ndërtimeve pa leje sipas këtij projektligji do të sigurojë edhe fonde komunale që mund të shfrytëzohen për ngritjen e infrastrukturës, për mbulimin e kostos së zbatimit të këtij ligji etj. Në tërësi ky projektligj ka përfshirë një gamë të gjerë të çështjeve duke nisur nga trajtimi i ndërtimeve pa leje. Legalizimi i tërë nëse i plotëson kushtet e parapara ose rrënimini i tyre, rregulla ndëshkimore, si dhe çështje të tjera.

Pa dyshim ky projektligj ka të bëjë jo vetëm më çështjet e kufizuara të ndërtimeve pa leje, por bashkëvepron dhe plotëson disa çështje të mbetur pezull në Ligjin për ndërtime, në Ligjin për planifikimin hapësinorë, në Ligjin për kadastër si dhe disa çështje të pronës listë të cilën ende nuk e kemi.

Kur jemi te këto përbajtje të ligjit duhet rishikuar sa janë në bashkëveprim, sepse ka rregullativa që janë të përsëritshme dhe rregullohen me ligje ekzistuese. Ndoshta është rast i volitshëm që me këtë projektligj të zgjidhen edhe disa çështje jo formale të vendbanimeve Ato çështje që kanë të bëjnë me ndërtime pa leje. E dimë se këto vendbanime janë ndërtuar pa leje, në këtë drejtim ka mundësi të zgjerohet rregullativa e këtij Projektligji jo vetëm të ndalohen ndërtimet të reja në këto vendbanime por edhe të rrënohen ato ekzistuese.

Zoti kryetar ose kryesues, Grupi ynë duke mbështetur parimisht këtë Projektligj shpreh gatishmërinë të japë kontributin e tij gjatë procedimit në komisione. Kaq, Faleminderit.

KRYESUESI NAIM MALOKU – Faleminderit z. deputet. Fjalën e ka deputeti Gazmend Muhxheri, ne emër të Grupit Parlamentar ORA ,por me kartelën e Nazim Jasharit.

DEPUTETI GAZMEND MUHAXHERI – Ju faleminderit z. kryesues. Ndërtimet pa leje janë një dukuri shumë e përhapur në Kosovë edhe nuk di a duhet t'i gjëzohemi faktit se pas 5 vjetëve Kuvendi i Kosovës e ka parë të udhës të nxjerrë një ligj edhe të merret me trajtimin e ndërtimeve pa leje. Ndoshta do të duhet t'i gjëzoheshim faktit, por që ky trajtim do të ishte serioz dhe ligji që na është servuar do t'i pengonte në të ardhmen ndërtimet pa leje dhe do të afronte zgjidhje fatlume për ata që deri më sot kanë bërë ndërtime pa leje. Se Ministria e Mjedisit dhe Planifikimit Hapësinor nuk i është qasur me seriozitetin e duhur këtij problemi, tregon fakti se grupi punues që e ka udhëhequr këtë ligj dhe e ka projektua udhëheqja e grupit punues është një inxhinierë e elektroteknikës. Unë mund me kuptua faktin se ndoshta ligji është marrë nga një shteti që ka probleme të ngjashme në rajon edhe është munduar me trajtua këtë ligj duke u bazuar në Ligjin konkret.

Mirëpo, nuk është bërë analiza se administrata e Kosovës dhe administrata e shtetit prej të cilit është marrë ky ligj nuk funksionojnë me të njëjtën mekanizëm ose nuk e kanë efektivitetin e njëjtë, ndonjë vend ku janë ndërtuar me qindra- mijëra objekte pa leje dhe është administrata e njëjtë e cila e ka lejuar dhe e ka trajtim pa leje.Si mund e njëjtë administratë në afat prej 15 ditësh, 2 muaj, eventualisht si thatë 60 ditë ,ta përmirësojë këtë gjendje ,të krijojë regjistrat dhe mekanizma të nevojshëm për të parandaluar këtë dukuri që e rrezikon seriozisht shoqërinë kosovare e sidomos infrastrukturën rrugore dhe

korridoret nacionale të cilat janë obligim me u ruajtur edhe nga Ministria e Planifikimit Hapësinorë, mirëpo edhe nga Ministria e Transportit.

Dënimet e parapara në këtë ligj dhe tendenca që për tri vitet e ardhshme të mbushet buxheti i konsoliduar i Kosovës me 30 milion euro lejojnë hapësirë për manipulime të ndryshme, për voluntarizëm të administratës e cila nuk është efikase, dënimet e parapara prej dy fish dhe deri në pesë fish lejnë hapësirë shumë të madhe për korruption, sepse rasti kur dikush duhet të dënoshet në 20 mijë euro edhe i kemi mundësi me e dënuar në 100 mijë euro, çfarë pazari do të lindë mes investitorit të tillë dhe administratës e cila ka me trajtua atë problem. I mbetet ndoshta Komisionit për Planifikim, Zhvillim Rural që të merret me këtë ligj, por dyshoj se mund të përmirësohet kualiteti i këtij ligjit edhe të jetë një ligj efikas për të parandaluar këtë dukuri kaq të dëmshme për zhvillimin e Kosovës. Ju faleminderit.

KRYESUESI NAIM MALOKU – Ju faleminderit z. deputet. Fjalën e ka deputeti Xhezair Murati në emër të 6+.

DEPUTETI XHEZARI MURATI - Hvala gospodine predsedavajući, ja se pridružujem poslanicima koji smatraju da je ovaj zakon dosta zakasnio. Shvatam argumente koje nam je uvodničar danas kazao Ministar Džini i zaista ako objektivno sagledamo posledice do kojih je nekontrolisana gradnja na Kosovu dovela. Mislim da je to jedan od najvećih propusta institucionalnog dakle i zakonskog vakuma koji je nastao nakon rata na Kosovu. Možda mi neke stvari i ne primećujemo, ali nas na to upozoravaju oni koji povremeno dolaze ne Kosovu. Brojka koja se pominje u predlogu, odnosno u n/zakona o ilegalnoj gradnji osporena je ovde od nekoliko diskutanata i ja spadam u te ljude poznajući takođe problem ilegalne gradnje u Prizrenu. Mislim da se Ministarstvo za životnu sredinu će se suočiti u narednom periodu zaista sa velikim izazovima i mislim da će prvna država tu imati jedan od najvećih izazova, kako ukloniti ono što ovaj vakum ili "vakum", jer smo sigurno imali i nadoknadu nekih zakonskih akata kojima bi smo ovu razuzdanu neobuzdanu jednu gradnju kojom smo se nekad u nekoj situaciji ponosili, jer je naišla nakon rata i nakon svega onoga što su donele posledice rata, ali mislim da smo generacijama koje su iza nas doneli poledice sa kojima će se suočavati. Mislim da treba u predlogu zakona razgraničiti prostorno planiranje, odnosno urbanističke planove velikih gradova i posebno glavnog grada koji pretenduje da bude metropola i drugih velikih gradova u odnosu na manja nselja i manje gradove. U tom smislu mi smo pažljivo razmotrili ovaj n/zakona kao parlamentarna grupa i mislim da je u predlogu data suština između dveju stavari a to su: rušenje objekata koje se ne uklapaju u prostorni plan i legalizacija objekata koje ga nenarušavaju. Ovo su dva osnovna segmenta na koja se i zakon nasišanja, ali svakako da u dobrim predlozima koje sadrže odredbe zakona postoji dosta praznog prostora koji se može dopuniti. Ja mislim da samo spomenem u glavi 6 član 30.2 kada rušenje postaje dužnost nadležnog organa i u istom poglavlju član 31. kada građevinski inspektor odlukom nadležnog opštinskog organa naređuje da se objekat ruši. Šta ako do toga ne dođe? Nema jasnih mehanizama koji to predviđaju ako u međuvremenu nasutpi neki što je predhodni diskutant g-din Muhadžeri naveo, ako propustimo mogućnost nekog pazarluka, da se tako izrazim. Tako da mislim i zaključujem da mi u principu podržavamo i smatramo da se radi o solidnim i preko

potrebnom zakonu i mi ga u načelu prihvatom i apelujemo na ostale kolege da bude prihvaćen, ali da ubrzanom vremenskom razmaku pokušamo da ga dopunimo i da ono što mu nedostaje dopunimo kako bi i resurno ministarstvo i samom ministru olakšamo ovo što nesmemo da podvodimo pod njihovu odgovornost nego institucije će tu prikazati svoju pravnu moć ili nemoć. Hvala vam!

KRYESUESI NAIM MALOKU – Ju faleminderit. Fjalën e ka deputetja Naxhie Doçi, le të përgatitet deputeti Ramadan Kelmendi.

DEPUTETJA NAXHIE DOÇI – Ju faleminderit z. kryesues, i nderuari z. kryesues, të nderuar ministra , kolegë të nderuar deputetë dhe të gjithë ju të pranishëm në sallë.

Hartimi i projektligjeve nga Qeveria përmes ministrive përkatëse të saj dhe vlerësimet e plotësimet e nevojshme dhe më së të domosdoshme të tyre në Kuvend dita ditës po i krijojnë kushte gjithnjë e më të mira Kosovës që ta formësojë kornizën e nevojshme ligjore dhe që të ecën me hapa të sigurt drejtë një zhvillimi të mirëfilltë ekonomik, politik dhe kulturor sipas trendeve të kohës në të cilën jetojmë.

Projektligji për trajtimin e ndërtimeve pa leje është shumë i nevojshëm përgjithësisht, por për ne në Kosovë është i një rëndësie shumë të veçantë, sepse ne si Kosovë për kohë të gjatë qemë të robëruar dhe nuk patëm institucionet tona të pavarura që do të merreshin me problemet tona të nduarnduarta e ndër to edhe me ato të planifikimeve ndërtimore që edhe ishin preokupim i yni i vazhdueshëm. Përjetuam edhe luftën e tmerrshme në dhjetëvjetëshin e fund shkullit XX që shkatërrroi me themel çdo gjë tonën të ndërtuar jetësore dhe kombëtare të skalitur me mund e sakrifica të mëdha nëpër shekuj. Përjetuam edhe fillimin e pasluftës së paorganizuar institucionale që ndoshta më shumë edhe në emër të qetësimit dhe të rehabilitimit të popullatës së dëmtuar nga lufta lejoi ndërtimin dosido të kulmit mbi kokë për strehim të domosdoshëm ,por ajo që të krijoj brengosje të madhe , është se në kohën e pasluftës u bënë edhe ndërtime të tjera që nuk ishin edhe aq shumë të ngutshme për momentin në Kosovë dhe që ishin pa planë dhe pa kritere planifikimi, ndoshta ishin edhe në dëm të infrastrukturës së përgjithshme ndërtimore.

Projektligji për trajtimin e ndërtimeve pa leje ka përparësi të shumta ,por kryesorja është se ndihmon përmirësimin e ndërtimeve të shkaktuara gabimisht të infrastrukturës ndërtimore në Kosovë në favor të një planifikimi dhe të një ndërtimi të mirëfilltë hapësinor te ne. Përmes tij si qytetarë të Kosovës do të kemi një vetëdije më të lartë edukuese për ndërtim dhe një përgjegjësi më të madhe për rregullat e infrastrukturës ndërtimore në vendin tonë.

Ky projektligji përpunuar nga grapi punues 6 anëtarësh, mendoj se është i përpunuar deri diku mirë dhe me vlerësimin e suksesshëm që do t'i bëhet në vazhdim kujtoj se do t'i zgjidhë shumë probleme në përmirësimin e ndërtimeve pa leje te ne.

Në gjashtë kapituj dhe në 33 nene të këtij projektligji trajtohen tema shumë të rëndësishme dhe tepër të nevojshme për përmirësimin e hapësirës ndërtimore në Kosovë,si dhe për adaptimin e saj sipas planifikimit hapësinor të paraparë me Ligjin për

planifikim hapësinor dhe me Ligjin për ndërtim në Kosovë. Qëllim parësor i këtij projektligji është që ndërtimet pa leje që pengojnë dhe nuk i plotësojnë kushtet e planit hapësinor të Kosovës të rrënohem, pra të rrënohen ato ndërtime që u bënë në pronë të huaj dhe që nuk mund të sigurojnë të drejtën e pronës në kohën e legalizimit, që të pengojnë dhe ato ndërtime pa leje për t'u legalizuar si ndërtime ndërtime pa leje anë në përputhshmëri me planin hapësinor. Mbi bazën e legalizimit qëllim tjetër i këtij projektligji janë edhe krijimi dhe garantimi i kushteve për subjektet planifikuese që merren me planet irregullative të territorit të Kosovës dhe për investitorët që duhet t'i përm bushin detyrimet financiare të tyre.

Është indikative në këtë se në zbatueshmërinë e tij të suksesshme rolin kryesor do ta kenë komunat e Kosovës dhe inspektoratet e tyre që do t'i bëjnë edhe programet dhe rregullat, por që do t'i bëjnë edhe lejet e procedurat si dhe shpenzimet shtesë dhe përfitimet e tyre. Megjithatë, veprimtaria e komunave në këtë aspekt do të jetë përherë në korrelacion me konsultimet dhe me përkujdesjen e vazhdueshme të Qeverisë.

E mira e këtij projektligji është se nuk e cenon legjislacionin e Bashkësisë Evropiane, pra që është në pajtueshmëri me të, por realizimi i suksesshëm i programit të tij do të gjendet para sfidash të mëdha për shkak të kushteve tona si tërsi, por edhe për shkak të kushteve tona nëpër komuna.

Është një projektligj i përkthyer dhe i adaptuar, prandaj ka edhe gabime kuptimore dhe gjuhësore në shumë nene dhe në shumë pika që kanë nevojë të përmirësohen.

Në fund e përkrah këtë ligj në parim me bindjen se do të përpunohet dhe do të dhe do të plotësohet në Komision funksional ,por edhe në komisionet e tjera përkatëse që dëshirojnë dhe që kanë obligim të jepin kontributin e tyre. Faleminderit z. kryesues.

KRYESUESI NAIM MALOKU – Ju faleminderit. Fjalën e ka deputeti Ramadan Kelmendi, le të përgatitet i fundit për këtë pikë të rendit të ditës deputeti Behxhet Brajshori.

Lus deputetët të kthehen në sallë.

DEPUTETI RAMADAN KELMENDI – Ju faleminderit i nderuari kryesues, të nderuar ministra ,deputetë të pranishëm.

Parmisht duke e analizuar këtë propozimligj vlerësoj se në parim duhet aprovuar, por me kusht që titulli i ligjit duhet pësojë ndryshime dhe atë me amendamentime që të pasojë, sepse vet fjalë projektligji për trajtimin e ndërtimeve pa leje lë mundësi që të ndërtojmë kur të diam. por çdo herë pa leje, trajtim pa leje nuk ka, por duhet të theksohet dhe përcaktohet në mënyrë formale juridikisht, drejt Ligji për legalizimin e ndërtimeve pa leje. Këtë e mbështhes në faktin se ne kemi Ligjin për ndërtimin dhe duke i shikuar raportet mes këtyre dy ligjeve kemi shumë dispozita që vijnë në kundërshtim njëra me tjetrën dhe si të tilla nuk mund të qëndrojnë dhe as të zbatohen nga institucionet e pushtetit lokal të cilat marrin përgjegjësinë më të madhe për realizimin.

Nuk trajtohen objektet e ndërtuara përkohësisht dhe fatkeqësia më e madhe e keqpërdorimeve është se leje përkohësisht për ndërtim ka sa të dash dhe jepen në mënyra shumë të ndryshme, të dyshimta dhe këtu nuk e gjen zgjidhjen dhe nuk e jepet zgjidhjen pikërisht nga ky projektligj për trajtimin e ndërtimeve pa leje. Ndërsa Ligji për legalizimin e ndërtimeve pa leje duhet të jetë shumë i shkurtër dhe t'i përcaktojë dispozitat, sepse legalizimi duhet ndryshuar dhe nga trajtimi i ndërtimeve pa leje.

Në këtë kontekst në mes të këtyre dy ligjeve që tentojnë ta rregullojnë një materie përafërsisht të ngjashme, ne kemi shumë çështje të hapura që nuk i kemi zgjidhur dhe ato janë çështjet pronësore –juridike, gjegjësisht në pronat ku janë ndërtuar, shumica janë ndërtuar në pronat ilegale, por ka edhe në pronat e veta dhe në këtë drejtim ne kemi pas në shqyrtim planifikimin hapësinor të Kosovës. Për të qenë fati më i keq nuk kam të dhëna të sakta, por shumica e komunave nuk e kanë trajtuar këtë problematikë, nuk kanë bërë plane të trajtimit hapësinor, nuk kanë angazhuar kompani për ta bërë planin hapësinor, nuk kanë krijuar komisione ekspertësh as komisione të komunave për ta bërë këtë veprim. Dhe ne të gjitha këto legalizime pastaj do t'i kemi në kundërshtim me planifikimin hapësinor që është një ndër tri ligjet bazë të një shteti, pas kushtetutës, pas buxhetit vjen Ligji mbi planifikimin hapësinor si i domosdoshëm dhe ne fatmirësisht e kemi në rend të ditës. Duhet ta dimë se me Ligjin mbi ndërtimin duhet të përcaktohen zonat urbane, zonat fshatare, zonat industriale, zonat ku mund të bëhen ndërtime dhe ku nuk mund të bëhet ndërtimi. Në fund do ta përfundoja se është shumë mëkat pas ndërtimit përfundimtar të objekteve, çofshin ato banimi apo industriale të fillohet në procedurat e pagesave të cilat nuk përkojnë me kohën e ndërtimit të objektit, por me momentin pas aprovimit të këtij ligji dhe taksat janë shumë të larta me dyfishimet që parashihen.

Megjithatë duke pasur parasysh arsyeshmërinë dhe qëllimin shumë mirëdashës të propozuesit dhe të Ministrisë që kjo çështje të rregullohet me ligj do ta kisha sugjeruar që të nxjerr apo të modifikojë dhe të titullohet Ligji për legalizimin e ndërtimeve pa leje dhe jo Ligji për trajtim. Ju faleminderit.

KRYESUESI NAIM MALOKU – Ju faleminderit. Lus deputetët që të kthehen në sall, fjalën e ka deputeti Behxhet Brajshori.

DEPUTETI BEHXHET BRAJSHORI – I nderuari z. kryesues, të nderuar ministra kolegë deputetë. Ndoshta kemi para veti njërin nga ligjet më sfiduese do të thosha, sepse kemi të bëjmë me përpjekjet e Qeverisë për të nxjerrë një ligj, i cili do të duhej të rregullonte një sferë shumë të ndieshme dhe po ashtu tepër të rëndësishme. Në këtë kuptim natyrisht se e mbështesim të gjithë bashkërisht, por ajo që unë mendoj çka duhet bërë më tutje është nevoja që të bëjmë përmirësimë të caktuara në përgjithësi në elementet të cilat e përbëjnë ligjin, duke filluar nga trajtimi i të të drejtave pronësore, përgatitja e dokumentacionit përkatës që ka të bëjë me investitorët për të marrë lejen për ndërtim, deri te afatet e përcaktuara, qoftë për investitorët apo edhe për organet komunale kompetente. Për këtë çështje ligj i cili u adresohet pikërisht atyre dhe deri te tarifat të cilat duhet të paguajnë si detyrime financiare, duke u bazuar, do të thosha në tarifat e rregullta komunale për ndërtimet. Kjo është e përcaktuar në nenin 6 dhe unë mendoj se këtu duhet bërë shumë

për të korriguar këtë variabël, këtë ndryshore të madhe që ka të bëjë më detyrimet financiare sa i përket pagesës që kanë të bëjnë pra me obligimet që dalin për ndërtimet deri tash pa leje.

Prandaj mendoj se ka një nevojë të madhe që ky ligj të punohet shumë qartë, elementet të përcaktohen të thjeshtësohet për sa është e mundur shumë dhe të bëhet i mundshëm implementimi i tij. Përndryshe disa kategori që janë brenda. disa elemente që bëjnë ligjin në këtë fazë si është, kërkojnë nevojën e angazhimit të madh. Veçanërisht të komisionit përkatës dhe të Ministrisë .me qëllim që këtë ligj ta sjellim në suaza reale të mundësive për implementimin e suksesshëm. Ne do të ofrojmë kontributin tonë brenda kapaciteteve që i kemi të komisionit, Ministrisë apo si deputetë. Faleminderit shumë.

KRYESUESI NAIM MALOKU – Ju faleminderit. Në ndërkohë për fjalë është lajmëruar edhe një deputet, vetëm kërkon fjalën apo ka replikë. Urdhëroni Zef Morina.

DEPUTETI ZEF MORINA – Faleminderit z. kryesues. Nuk kam replikë por desha të jep mendimin tim lidhur me projektligjin që të gjithë deputetët biseduan më herët. Nuk dëshiroj të zgjat shumë, por ajo që është shumë me rëndësi duhet të them një çështje Edhe pse ky projektligj është pak i vonuar mund të them se gjatë kësaj kohe nuk ka pasur vakum ligjor që nuk e ka ndërprerë ose ka bërë të pamundur ndërtimin e objekteve pa leje në Kosovë.

Rëndësia e këtij projektligji është e shumëfishtë, por unë do të doja të veçoja dy çështje të cilat janë shumë të rëndësishme.

Ky projektligj pas fillimit të aplikimit e ka një rëndësi të veçantë, sepse do t'i eliminojë mundësinë e ndërtimeve pa kritere dhe pa standarde të cilat janë të parapara nga Bashkësia Evropiane ,gjegjësisht nga sistemet e ndryshme evropiane, duke eliminuar edhe mënyrën e ndërtimit si dhe kompanitë të cilat fare nuk janë të licencuara për t'i kryer këto punë ndërtimore në vendet urbane dhe rurale.

Jemi dëshmitarë të ngjarjeve të cilat kanë ndodhur në vendet e ndryshme për shkak të ndërtimeve pa kritere ,duke mos qenë nën kontroll ose duke mos respektuar ligjin.

Çështja tjeter është që objektet të cilat duhet të ndërtohen tash e tutje janë të obliguara që t'u nënshtrohen planeve irregullative urbanistike që do tët thotë objektet nuk mund të ndërtohen sipas tekeve të estitorit,por duhet të jenë të obliguara që për hir të një zgjidhje urbanistike të qytetit ose të fshatit të kenë obligim edhe marrjen e lejes së ndërtimit. Ajo që mendoj që duhet të ndryshohet në këtë ligj është çështja e tarifave mbi legalizimin e ndërtimeve. Të gjitha objektet të cilat janë ndërtuar pa leje ose ka mbindërtimë dhe të cilat nuk paraqesin rrezik sa i përket stabilitetit duhet t'u nënshtrohen tarifave të lejeve të regullta e jo të dyfishta apo edhe më tepër.

Çështje tjeter gjithashtu është të bëhet një dallim në mes lejeve të cilat do të jepe për objektet të ndërtuara në zonat urbane dhe për objektet të cilat duhet të ndërtohen në zonat rurale. Në zonat ku qoftë komuna ose bashkitë nuk kanë mundësi të sigurojnë infrastrukturë të nevojshme, atëherë ato objekte duhet të lejohen të ndërtohen me tarifa

shumë më të ulëta ,sepse qytetarët ose banuesit janë të detyruara që ato shpenzime t'i bartin vetë.

Në përgjithësi mendoj që ky ligj duhet të kalojë dhe amendamentet të cilat duhet t'i shtohen duhet t'i kem parasysh, në mënyrë që ky ligj të jetë sa më i aplikueshëm. Faleminderit.

KRYESUESI NAIM MALOKU – Ju faleminderit z. deputet. Me këtë nuk ka të lajmëruar më përfjalë, sponsori e ka fjalën. Urdhëro z. ministër.

MINISTRI ARDIAN GJINI – Faleminderit z. kryesues, të nderaur deputetë të Kuvendit të Kosovës. E kam një kënaqësi të posaçme të konstatoj se të gjitha grupet parlamentare në parim e kanë përkrahur këtë ligj. Dua t' ju them se po e shoh që po kuptohet se kjo çështje është interes nacional i Kosovës përfshirë trajtuar. Janë përmendur disa çështje këtu vërejtje të cila vetëm kam marrë shënim, vërejte shumë me vend. Prapë do t' ju faleminderoj të gjithëve. Janë edhe disa vërejte të tjera të cilat janë me vend, por vërejtjet të cilat duhet t'i shqyrtojmë. Bashkarish si Ministri edhe si Kuvend i Kosovës ne do të marrim pjesë të gjitha grupet punuese. Kisha dashur me tri - katër fjalë ta tërheq vëmendjen edhe një herë Kuvendit në disa çështje.

Sikur të kish qenë gjendja normale një ligj i tillë do ta kishte vetëm një nen, çdo objekt pa leje rrënohet, por me qenë se nuk është gjendja normale po kërkohet krijimi i regjistrave të gjendjes ekzistuese edhe është dhënë një afat i shkurtë për komunat që të hartohen regjistrat për shkak se ju e dini se brenda ditës ndërtohen objekte në Kosovë. Nëse nuk do të kishte afat, nëse nuk do të kishte regjistra, nuk do të mund ta ndërpresim këtë rrjedhë, do të thotë përmes afatit dhe krijimit të regjistrave arrijmë në një moment të cilën e kemi regjistrin e plotë të ndërtimeve në një prerje kohore dhe të gjitha ndërtimet të cilat do të pasojnë më tutje do t'i nënshtrohen një ligji me vetëm një nen, që çdo ndërtim ilegal rrënohet bile, bile rrënohet para se të kryhet në fillimin e punës.

Një çështje tjeter që është përmendur këtu është çështja e pushtetit lokal dhe e kompetencat të cilat i ka ai. Ne të gjithë e dimë se njerëzit e pushteti lokal janë zgjedhur me vota. Ata vendosin se si do të duket komuna e tyre. Ne si pushtet qendror dhe si Kuvend vendosim se ku janë rrugët, cilat janë interes nacional, ku janë fushat, cilat janë interes nacional përfshirë cilat nuk mund të vendoset në nivelin lokal? Dhe pikërisht këtë po e bëjë me këtë ligj. Komunat të cilat dëshirojnë të kenë objekte të ngitura duhet ta provojnë që t'i kenë objektet e ngitura, mirëpo duhet t'i përbahen irregullave të ndërtimit në mënyrë që objektet të mos rrënohen të paktën. Do të thotë është çështje e pushtetit lokal në pjesën më të madhe të gjithë këtij ligji. ne duhet ta kemi edhe në ligj përfshirë urbanizimin e fshatit do të kërkojmë si Ministri shumë shpejtë për shkak se fshatrat në Kosovë nuk janë të urbanizuara nuk janë paraparë më përpëra edhe duhet t'i ndihmojë fshatin që edhe atje të ketë ligj. Mirëpo ajo do të jetë një temë tjeter prapë për shkak se nuk është trajtuar kurë, sikur të ish trajtuar dikur edhe ai ligj do ta kishte vetëm atë nenin të cilin e përmenda pak më përpëra.

Pse është quajtur ligj për trajtim të ndërtimeve ilegale, për shkak se përmes këtij ligji nuk legalizohen të gjitha objektet, ka objekte të cilat duhet të rrënohen do të thotë sikur ta kishim quajtur ligj për legalizim, siç është quajt në Republikën e Shqipërisë për shembull, atëherë ne do ta kishim krijua një bindje te njerëzit se cili do objekt që ndërtohet pa leje duhet edhe të legalizohet kjo nuk është ajo çka parashev ligji edhe për këtë arsyesh është quajtur ligji për trajtimin e ndërtimeve ilegale. Në fund të fundit unë dua ta falënderoj ekipin punues të cilin e ka hartuar ligjin edhe para jush këtu, ata janë njerëz kompetentë. Udhëheqëse e grupit është drejtoresha e Departamentit e Ministrisë së Mjedisit dhe Planifikimit Hapësinor dhe gjithë njerëzit që kanë qenë në grup janë kompetent për këtë ju garantoj unë. Faleminderit.

KRYESUESI NAIM MALOKU – Ju faleminderit z. ministër.

Përgatitemi për votim, lus regjinë dhe votojmë tash.

Për..... 57;
Asnjë kundër
Dhe 5 abstenime

Miratohet në parimi Ligji për trajtimin e ndërtimeve pa leje.

Prezencë në sallë ishin 64 deputetë.

Në bazë të rregullës 23, pika 6 dhe rregullës 35 pika 2 Kuvendi ngarkon këto komisione:

Komisionin për Bujqësi, Pylltari, Zhvillim Rural dhe Mjedis Hapësinor si Komision funksion dhe referues.

Komisionin për Çështje Gjyqësorë dhe Legjislacion dhe Kornizë Kushtetuese.

Komisionin për Buxhet dhe Financa dhe

Komisionin për Komunitete.

Komisionet duhet që në afatin jo më vonë se dy muaj nga shqyrtimi i parë të shqyrtojnë projektitligjin dhe Kuvendit t'i paraqesin raportin me rekomandime.

Kalojmë në pikën e shtatë të rendit të ditës.

Unë ju kuptoj që koha është për pauzë por më lejoni të ju them se pikë e tetë e rendit të ditës është votimi për Avokatin e Popullit do të merr kohë përgatitja teknike kështu që ta kalojmë këtë ligj dhe pas dite do të merremi vetëm me votim. Pra se nuk do të ketë, po thotë ministri për mjaltin një herë e pastaj shkojmë në votim, për me e përmirësua edhe pak atmosferën.

Pika shtatë e rendit të ditës

7. Shqyrtimi i parë i Projektligjit për bletari

Konstatimet kryesore:

Projektligji u është shpërndarë deputetëve më 13 nëntor 2006 dhe janë përbushur kushtet për shqyrtimin dhe miratimin e tij në parim.

Vërejtjet parimore do t'i adresohen për shqyrtim Komisionit funksional përgjegjës për raportim si dhe komisioneve kryesore.

Ftoj zëvendësministrin Tomë Hajdaraj që në emër të Qeverisë së Kosovës para deputetëve të Kuvendit ta prezantojë Projektligjin.

ZËVENDËSMINISTRI TOMË HAJDARAJ – Faleminderit z. kryesues. sigurisht që edhe ky ligj e ka rëndësinë bile të veçantë sepse kemi të bëjmë me një produkt cilin dinë ta bëjnë kategoritë e veçanta andaj edhe nevoja për nxjerrjen e këtij ka qenë si prioritet i Ministrisë tonë dhe kemi paraparë mu në këtë fazë kur bletët janë në qetësin relative do të thotë ata pushojnë, nuk do t'i ngacmojmë. Më vjen keq se nuk është z. Dedaj këtu për të riplikuar pak me të, por e përshëndes.

Krijimi i infrastrukturës ligjore, me të cilën do të rregullohet çështja e konsolidimit, mbarështimit, mbrojtjes, dhe avancimit të bletarisë, është e domosdoshme dhe shumë e rëndësishme për të bërë zgjedhje adekuate dhe të qëndrueshme të zhvillimit të bletarisë në Kosovë. Ndryshimi i rrëthanave politiko-ekonomike dhe kalimi nga një sistem i bazuar në ekonominë e planifikuar në ekonominë e tregut e bëjnë të pa përdorshëm Ligjin për bletarinë (Gaz. Zyr. KSAK nr. 526/1974 i cili është i aplikueshëm deri më tanë).

Qëllimi i nxjerrës së këtij projektligji

Qëllimi i këtij ligji është krijimi i bazës ligjore për bletarinë si pasuri kombëtare ,në mënyrë që të mbarështohet, avancohet dhe mbrohet bletaria në mënyrë profesionale përmes koordinimit institucional.

Me këtë ligj përcaktohet ushtrimi i veprimtarisë së bletarisë si sektor i rëndësishëm për Bujqësinë i cili realizohet në bletore' nga bletarët, mbarështimi i bletëve, masat preventive për parandalimin dhe luftimin e sëmundjeve të bletëve, mbikëqyrjen e objekteve të prodhimit dhe ruajtjes së prodhimeve të bletëve, dhe rregullimin e çështjeve që kanë të bëjnë me bletarinë në Kosovë.

Çështjet kryersore që i rregullon ky ligj

Projektligji për Bletarinë ka një strukturë komplete, gjithëpërfshirëse dhe përbajtësore të shtjelluar në XI kapituj, i hartuar sipas teknikës juridike bashkohore, në pajtim me standarde t dhe Direktivat e BE-së si dhe praktikat më të mira ndërkombëtare.

Kapitulli I, përmban dispozitat e përgjithshme për lëndën e rregullimit, qëllimin, si dhe përkufizimet e nacioneve që përdorën për kuptimin e ligjit.

Kapitulli II, përcakton rregullat për vendosjen e bletores (Bletishtës) se stacionuar dhe lëvizëse.

Kapitulli III, rregullon lëvizjen e bletëve në kullota ne territorin e Kosovës, kërkesa për lëvizjen e bletëve brenda për vendoret i behet Komunës ndërsa te huajt për lëvizjen e bletëve brenda territorit te Kosovës duhet te marrin lejen nga MBPZHR.

Kapitulli IV, nëpërmjet këtij kapitulli rregullohet riprodhimi i bletëve, përzgjedhja e llojit të bletëve, shumëzimi, tregimi i mjaltit dhe produktet e tjera ne pajtim me kushtet lokale dhe mundësitet e mbrojtjes nga sëmundjet dhe dëmtuesit.

Kapitulli V, përcakton rregulla për mbrojtjen e bletëve me qellim te parandalimit, luftimit dhe pengimit të përhapjes të sëmundjeve, masat profilaktike dhe luftimi i sëmundjeve, asnjësimi i bletëve, mbikëqyrja, qarkullimi dhe përdorimi i preparateve për mbrojtjen e bletëve.

Kapitulli VI, përcakton kërkesat sanitare të prodhimeve dhe re promaterialit për bletë. Produktet e bletëve mund te tregtohen vetëm nëse i plotësojnë kushtet higjenike - sanitare dhe standarde e mjaltit për konsum.

Kapitulli VII, përcakton kushtet për vënien në qarkullim të shoqërive të bletëve, amave dhe prodhimeve të bletëve. Bletët qe vihen në qarkullim duhet të jenë të shëndosha dhe të përbajnë te dhëna; emri, selia etj.

Kapitulli VIII, përmban dispozitat për kushtet qe duhet të plotësojnë personat qe merren me përpunimin dhe me ruajtjen e prodhimeve te mjaltit, hapësirat, objekti, kushtet higjenike, si dhe kushtet qe duhet t'i plotësojnë objektet për përpunimin dhe ruajtjen e mjaltit dhe prodhimeve të mjaltit.

Kapitulli IX, përmban mbikëqyrjen e zbatimit te ligjit nëpërmjet inspektoreve te blegtorisë dhe të veterinës, autorizimet dhe përgjegjësitë e tyre.

Kapitulli X, përmban dispozitat ndëshkuese për shkeljen e dispozitave të ligjit.

Kapitulli XI, përcakton dispozitat kalimtare dhe të fundit

Ky projektligj është hartuar nga ekspertët vendorë të Ministrisë së Bujqësisë, Pylltarisë dhe të Zhvillimit Rural dhe është mbështetur edhe nga ekspertët ndërkombëtarë.

Gjatë hartimit të këtij projektligji janë shfrytëzuar teknikat juridike bashkëkohore, në pajtim me praktikat më të mira bujqësore, ne harmoni me rregullat e BE-së.

Gjatë fazave të shqyrtimit të këtij projektligji janë kyçur institucione të ndryshme e sidomos Ministria e Mjedisit dhe Planifikimit Hapësinor, Ministria e Ekonomisë dhe

Financave, Ministria e Shëndetësisë, Fakulteti i Bujqësisë, Lidhja e Bletarëve të Kosovës, Zyra Ligjore e UNMIK-ut, etj.

Versioni final është hartuar nga grupi punues i Qeverisë së Kosovës.
Ky projektligj është plotësish në harmoni me parimet kryesore të legjislacionit të BE-së.
Deklarata financiare

Shpenzimet e hartimit të projektligjit

Shpenzime për hartimin e këtij projektligji nuk ka pasur, pasi që në hartimin e tij janë angazhuar ekspertët vendorë nga Ministria e Bujqësisë, Pylltarisë dhe Zhvillimit Rural. Projektligji për bletarinë është hartuar nga ekspertët vendorë të Ministrisë së Bujqësisë, Pylltarisë dhe Zhvillimit Rural, duke u bazuar në gjendjen reale, përvojat e shteteve të rajonit në njohuritë dhe praktikat e mira dhe në parimet e standardeve të BE-së. Punën në hartimin e këtij projektligji, e kanë ndihmuar edhe ekspertët ndërkombëtarë dhe vendorë të bletarisë.

Zbatimi i këtij ligji nuk ka implikime financiare që do të ngarkonte buxhetin e Kosovës, pasi që organet e parapara që të themelohen për implementimin e tij tashmë ekzistojnë edhe ashtu financohen nga buxheti i Kosovës, sikurse janë inspektorët veterinarë dhe inspektorët e blektorisë.

Me rastin e shqiptimit të masave ndëshkimore (gjobave) për mosrespektimin e këtij ligji, si dhe kompensimeve të tjera, me rastin e regjistrimit dhe marjes së certifikatave për shëndetin e bletëve, parashev gjeneriinin e të hyrave buxhetore të cilat do të derdhen në Buxhetin e Kosovës.

KRYESUESI NAIM MALOKU – Ju faleminderit për fjalë është paraqit deputeti Lulzim Zeneli në emër të Grupit Parlamentar të LDK-ës.

DEPUTETI LULZIM ZENELI – I nderuari z. kryesues, i nderuari z. zv. ministër. Grupi Parlamentar i Lidhjes Demokratike të Kosovës e vlerëson se Projektligji për bletari ofron një bazë të mjaftueshme ligjore për të rregulluar fushën e bletarisë si pasuri kombëtare dhe në këtë mënyrë të mbarështohet, të avancohet dhe të mbrohet me ligj..... Për të mos e zgjatur shumë, e konsiderojmë se vlen t'i jepet mbështetje parimore, ndërsa për vërejtjet të cilat i kemi dhe nuk janë të natyrës substanciale ne do t'i shtrojmë gjatë procedurës së amendamentimit. Ju faleminderit.

KRYESUESI NAIM MALOKU – Ju faleminderit z. deputet. Fjalën e ka deputeti Berat Luzha në emër të Grupit Parlamentar të PDK-ës.

DEPUTETI BERAT LUZHA – Faleminderit z. kryesues, z. zv. ministër. Projektligji për bletarinë mund të quhet ndryshe edhe pjesë e ligjit bazë për veterinën. Është një ligj i hartuar mjaftë mirë qartë dhe shkurt që tregon se kur ligjet hartohen prej ekspertëve vendor ato bëhen edhe mirë edhe lirë.

Disa vërejte jo të rëndësishme si është përsëritja e disa normave shpresoj se përmirësohen gjatë amendamentimit në komisionin funksional.

Një vërejtje të cilën dua ta theksojë është te përkufizimet në fund jepen dy përkufizime që janë lan strod rod dadan plat janë të pakuptueshme plotësisht dhe që nuk përdoren në tekstin e ligjit fare, dhe kanë qenë të panevojshme të futen këtu sigurisht që janë terma shkencore por që nuk i janë dashur këtij ligji.

Grupi Parlamentar i Partisë Demokratike e miraton në parim dhe e miraton që të shkon në procedurë të Kuvendit.

KRYESUESI NAIM MALOKU – Ju faleminderit z. deputet, fjalën e ka deputeti Xhevdet Neziraj, në emër të Grupit Parlamentar të AAK-ës.

DEPUTETI XHEVDET NEZIRAJ – Faleminderit z. kryesues. ndryshimi i rrethanave politike ekonomike dhe kalimi nga ekonomia e planifikuar në ekonominë e tregut e bënë të pazbatueshëm ligjin për bletarinë që është i aplikueshëm deri më tanë.

Tani me projektligjin e ri do të krijohet një bazë e favorshme ligjore për veprimtarinë e bletarisë si sektor i rëndësishëm i bujqësisë.

Në këtë Projektligj irregullohet çështja e konsolidimit mbarshtrimit, mbrojtja dhe avancimi i bletarisë sepse është e domosdoshme të bëhet zgjedhje adekuate për zhvillimin e bletarisë së Kosovës.

Dhe me këtë me zhvillimin e bletarisë në Kosovë do të ndikon edhe në zhvillimin e ekonomisë së vogël e sidomos ekonomisë familjare.

Grupi Parlamentar në parim përkrah ligjin dhe kontributin e saj do ta japë nëpër komisione që do të kalon ky Projektligj. Faleminderit.

KRYESUESI NAIM MALOKU – Ju faleminderit. Fjalën e ka deputetja Teuta Sahatqija, në emër të Grupit Parlamentar ORA.

DEPUTETJA TEUTA SAHATQIJA – Faleminderit i nderuari kryesues. Edhe Grupi ynë parlamentar e ka analizuar këtë projektligj dhe ka ardhur në përfundim që është njëri prej projektligjeve, i cili është hartuar në mënyrë solide. Është projektligj i cili e mbulon një fushë të pambuluar deri më tash. Parandalon sëmundjet e bletëve, mbikëqyrjen e objekteve; licencimin e objekteve dhe përpunimin e mjaltit dhe çka është e mirë dhe dallim prej projektligjeve të tjera nuk ka ndikime të mëdha buxhetore në buxhetin e Kosovës.

Prandaj ne si grup parlamentar e përkrahim miratimin e këtij ligji në parim dhe përmes përsaqësuesit tonë në Komisionin parlamentar do të mundohemi ta japim kontributin tonë, në mënyrë që ky ligj të jetë sa më efikas. Ju faleminderit.

KRYESUESI NAIM MALOKU – Ju faleminderit. Fjalën e ka deputeti Ramadan Kelmendi, lus deputetët që të kthehen në sallë.

DEPUTETI RAMADAN KELMENDI I nderuari z. kryesues, të nderuar ministra dhe deputetë. Unë këtë propozim ligj e kam shqyrtuar nga këndi formal juridik dhe shqyrtuar nga ky prizëm vërtet vlerësoj se është një ndër ligjet të punuar më së mirë ndoshta që është ky vlerësimi imi, por duke pasur parasysh se kjo është larg profesionit tim kam konsultuar Shoqatën e Bletarëve të Mitrovicës të cilët vërtet më kanë autorizuar në atë kuptimin e si konsiderohet autorizim që ky propozim ligj të aprovohet, sepse i plotëson kriteret dhe nevojat e bletarëve në Kosovë dhe hap mundësinë e kësaj veprimtarie si biznes privat dhe si formë e organizuar e veprimtarisë së bletarëve.

Nga tërë kjo rezultoi se unë përkrah në parim si një propozim ligj i cili është po ashtu i natyrës së nevojshme dhe i domosdoshëm për veprime të caktuara në sferën e caktuar të bletarisë në Kosovë. Ju faleminderit.

KRYESUESI NAIM MALOKU – Ju faleminderit. Fjalën e ka deputetja Lumnije Hyseni, Lus deputetët të kthehen në sallë përgatitemi për votim, se është deputetja e fundit.

DEPUTETJA LUMNIJE HYSENI– Z. kryesues, z. ministra të nderuar deputetë. Bletaria është veprimtari e rëndësishme që sjell përfitime të mëdha të produkteve kryesisht ushqimore e farmaceutike.

Zhvillimi i bletarisë është i dobishëm edhe për tritjen e rendimenteve bujqësore dhe ndikon mirë në zhvillimin ekonomik të vendit. Prandaj në krijimin e infrastrukturës ligjore në këtë lëmi e shoh të rëndësishme dhe të nevojshme.

Projektligji është hartuar mirë sipas teknikës juridike me 11 kapituj dhe 48 nene. Në memorandumin shpjegues të këtij projektligji thuhet se në hartimin e tij kanë punuar zyrtarët e Ministrisë së Bujqësisë, Pylltarisë dhe Zhvillimit Rural të ndihmuar edhe nga ekspertë vendorë e ndërkombëtarë të bletarisë ,pa përmendur emrat e tyre si dhe janë marrë për bazë përvojat e shteteve të rajonit, njohuritë e mira dhe parimet e standardeve BE-së.

Nga Agjioni për Integrimë Evropiane na është përcjellë deklarata se Projektligji për bletarinë nuk i cenon ndonjë nga dispozitat e legjisacionit të BE-së dhe rekomandon që me rastin e nxjerrjes së akteve nënligjore të merret për bazë direktiva e Këshillit Evropian numër 2001/110 e 20 dhjetorit të vitit 2001 lidhur me mjaltin.

Deklarata lidhur me implikimet buxhetore të Ministrisë së Ekonomisë dhe të Financave sqaron se projektligji nuk ka ndikime të mëdha buxhetore.

Në vitet e para pas luftës nga ana e organizatave të ndryshme humanitare e joqeveritare janë implementuar programe të ndryshme për ndihmë në fushën e bletarisë me materiale e pajisje për bletë, si dhe me një numër të shoqërive të bletëve.

Mirëpo jo çdonjëri që ka pranuar këto ndihma ka pasur dituri lidhur me kultivimin dhe zhvillimin e bletëve. Kjo ka shkaktuar dëme dhe te bletarët e mëhershëm. Bletaria në dukje është një veprimitari e thjeshtë ,por në realitet është shumë komplekse. Bletë janë të ndjeshme dhe rrezikohen nga ndotësit e ndryshëm të ambientit si dhe nga sëmundjet e dëmtues të ndryshëm të bletëve.

Në projektligj janë paraparë të gjitha rreziqet dhe parandalimi i rrezikimit të tyre. Projektligji përcakton rregullat për vendosjen e bletores, lëvizjen e bletëve, riprodhimin e bletëve, përzgjedhjen e llojit, shumëzimin, tregtimin e mjaltit dhe produkteve të tjera, rregullat sanitare të prodhimeve dhe të repromaterialit për bletët, kushtet për vënien në qarkullim të bletëve, të amave dhe prodhimeve të bletëve.

Kushtet e përpunimit dhe ruajtjes së prodhimeve, hapësirave, kushtet higjenike të objekteve për ruajtjen e mjaltit dhe produkteve të tjera.

Projektligji përcakton mbikëqyrjen e zbatimit të Ligjit si dhe dispozitat ndëshkuese. Në përgjithësi projektligji është hartuar mirë duke pasur parasysh të gjitha rrethanat dhe kushtet për zhvillimet e bletarisë me disa vërejtje të vogla si për shembull te dispozitat e përgjithshme të prodhimeve të bletëve, propolisi dhe poleni janë paraqitur si produkt i njëjtë dhe me sa di unë këto dy produkte janë të ndryshme.

Duke pasur parasysh se helmi i bletës për njerëzit alergjikë mund të jetë fatal për jetën e tyre dhe bletshtja mund të ndodhet në viset rurale të larta si dhe në bjeshkë, ku transportimi i njeriut që e ka thumbuar bleta do të bëhej me vonesë dhe për rrethana të tjera, çdo bletar me pajisje për bletari duhet të ketë preparate medicinale, hapa apo ampula kundër alergjisë dhe të dijë t'i përdorë ato.

Unë e përkrah në parim këtë Projektligj dhe do të jap kontributin tim në amendamentimin e tij. Ju faleminderit.

KRYESUESI NAIM MALOKU – Ju faleminderit. Debat për këtë pikë të rendit të ditës për miratim në parim të këtij Projektligji ka përfunduar. Lus deputetët që të kthehen në sallë, nuk kemi kuorumin e nevojshëm për me qitë në votim këtë Projektligj.

Në sallë janë 58 deputetë

Lus deputetët të kthehen në sallë, na mungon një numër i vogël për kuorum Projektligji ishte i pranum në parim nga të gjitha grupet parlamentare dhe deputetët që morën pjesë në debat. Lus që të kthehen në sallë deputetët për të votuar.

Lus regjinë dhe deputetët që të përgatiten për votim.

Votojmë tash:

Për.....	59 deputetë me votim elektronik	2 me dorë	61
Kundër.....	1		

Konstatoj se Projektligji është miratuar në parim.

Në bazë të rregullës 23.6. dhe rregullës 35.2 Kuvendi ngarkon këto komisione.

Komisionin për Bujqësi, Pylltari, Zhvillim Rural dhe Mjedis Hapësinor si Komision funksion dhe referues.

Komisionin për Çështje Gjyqësore dhe Legjislacion dhe Kornizë Kushtetuese.

Komisionin për Buxhet dhe Financa dhe

Komisionin për Komunitete.

Komisionet duhet që në afatin jo më vonë se dy muaj nga shqyrtimi i parë të shqyrtojnë projektligjin dhe Kuvendit t'i paraqesin raportin me rekomandime.

Pauzë deri në 2, 30. Lus Komisionin për votim të përgatitë masa teknike për pikën e tetë të rendit të ditës. Faleminderit.

KRYESUESI NAIM MALOKU - Dhe e vazhdojmë seancën.

Kërkoj verifikimin e prezencës të deputetëve në sallë.

Te nderuar deputetë, vazhdojmë me pikën e tetë të rendit të ditës për sot

Shqyrtimi i Raportit të Komisionit për Çështje Gjyqësore, Legjislacion dhe Kornizë Kushtetuese lidhur me listën e kandidatëve të propozuar për pozitën e Avokatit të Popullit dhe të zëvendësit kryesor të tij.

Konstatimet hyrëse: Komisioni Legjislativ e ka përfunduar procesin e emërimit të Avokatit të Popullit dhe zëvendësit kryesor konformë dispozitave të Rregullores nr. 2006/6 mbi insucionin e Avokatit të Popullit dhe të rregullave të procedurës së Kuvendit të Kosovës, për emërimin e Avokatit të Popullit, zëvendësit kryesor dhe zëvendësve të Avokatit të Popullit nr. 02-2290, dt. 15.06.2006.

Raporti i Komisionit, së bashku me dokumentacionin mbështetës, u është shpërndarë deputetëve sipas Rregullores së Kuvendit, rregulla 10.3 e rregullave të procedurës.

Ftoj përfaqësuesin e Komisionit për t'i arsyetuar rekomandimet.

Lus kryetarin Hydajet Hyseni ose në mungesë z. Sadudin Berisha, e keni fjalën z. deputet, ju lutem.

DEPUTETI SADUDIN BERISHA – Ju faleminderit z. kryesues, të nderuar deputetë në seancën e parafundit të Kuvendit, ne në emër të Komisionit për Legjislacion kemi paraqitur Raportin e punës për zgjedhjen e Avokatit të Popullit, zëvendësit kryesor të tij, në pajtim me rregullat procedurale të miratuara në Kuvendin e Kosovës, andaj unë vetëm një pjesë të atij rapporti dua ta përsëris për t'i rikujtar detyrimet të cilat dalin nga ky Kuvend dhe mënyrën se si duhet të udhëhiqet procedura për zgjedhjen e avokatit dhe zëvendësit të tij.

Komisioneri ,në pajtim me rregullën 9, të rregullave të procedurës së Kuvendit të Kosovës, për emërimin e Avokatit të Popullit, zëvendësit kryesor dhe zëvendësve të Avokatit, nr. 02-2290, të dt. 15 qershor 2006, më 25 tetor 2006, shqyrtoi reportin e panelit rekrutues për zgjedhjen e Avokatit të Popullit dhe zëvendësit kryesor. Në mbledhjen e Komisionit anëtarët e panelit rekrutues e arsyetuan listën e kandidatëve, për pozitën e Avokatit të Popullit dhe zëvendësit kryesor.

Komisioni njëzëri e përkrahu listën e kandidatëve të propozuar nga Paneli rekrutues dhe ia propozoi Kryesisë së Kuvendit për shqyrtim në Seancën plenare këtë rekomandim:

Nën 1, për pozitën e Avokatit të Popullit, i rekomandohen Kuvendit të Kosovës këta kandidatë:

1. Hilmi Jashari,
2. Ibrahim Makolli dhe
3. Diana Toska

Nën dy, për pozitën e zëvendësit kryesor të Avokatit të Popullit, ia rekomandon Kuvendit të Kosovës këta kandidatë:

1. Pal Bala,
2. Habit Haredini, dhe
3. Todoroviq Lubinka

Radhitja e kandidatëve për pozitën e Avokatit të Popullit, dhe për pozitën e zëvendësit kryesor të tij është bërë sipas alfabetit të mbiemrit. Kjo është përcaktuar dhe me rregullat procedurale, për zgjedhjen e Avokatit Kuvendi voton me votim të fshehët. Në pajtim me nenin 6.2 të Rregullores 2006 fraksioni 6 të Avokatit të Popullit, pas votimit të fshehët i zgjedhur për Avokat të popullit dhe zëvendës kryesor të tij konsiderohet kandidati i cili merr numrin e votave, të shumicës së deputetëve të Kuvendit.

Në rast se në rrëthin e parë të votimit asnjëri prej kandidatëve nuk e fiton shumicën e votave të deputetëve të Kuvendit, procedura e votimit përsëritet mes dy kandidatëve, që kanë marrë numrin më të madh të votave, kurse kandidati i tretë, më me pak vota nuk përfshihet në fletëvotim.

Në rast se edhe në rrëthin e dytë asnjëri prej kandidatëve, nuk e merr shumicën e votave të deputetëve të Kuvendit, përmbyllt procedura e votimit dhe Kryesia e Kuvendit, në pajtim me rregullat procedurale në fuqi, përsërit konkursin. Ju faleminderit.

KRYESUESI NAIM MALOKU – Ju faleminderit z. Sadudin.

Tani kalojmë në votim.

Votimi, siç dëgjuat bëhet i fshehtë. Ju lus të keni vëmendjen, fleta e bardhë është për Avokatin e Popullit, ndërsa fleta e verdhë është për zëvendësin kryesor të tij.

Fillojmë pra votimin:

1. Afrim Arzuallxhiu,
2. Agim Krasniqi,
3. Ali Sadriu,
4. Alush Gashi,
5. Bajram Kosumi
6. Bajram Rexhepi, nuk është këtu,
7. Bajrush Xhemajli,
8. Behxhet Brajshori
9. Berat Luzha,
10. Besa Gaxheri nuk është këtu,
11. Bislim Hoti
12. Brikenda Kryeziu
13. Bujar Dugolli, nuk është këtu,
14. Demir Lima, nuk është këtu,
15. Dragisha Krstoviq, nuk është këtu,
16. Drita Statovci,
17. Xhezair Murati, nuk është këtu,
18. Emin Krsniqi
19. Emrush Xhemajli,
20. Enver Hoxhaj, nuk është këtu,
21. Et'hem Çeku
22. Fadil Gashi, ndërkokë Besa Gaxherri erdhi, pra
23. Fadil Geci. nuk është këtu,
24. Fadil Kryeziu, nuk është këtu,
25. Fatmir Rexhepi ,
26. Fatmire Mulhaxha Kollçaku,
27. Fehmi Mujota,
28. Fehmi Vula,
29. Ferid Agani, nuk është Feridi.
30. Fetah Berisha, nuk është këtu,
31. Flora Brovina,
32. Gani Koci,
33. Gazmend Muhamheri,
34. Genc Gorani,
35. Gojko Saviq, nuk është këtu,
36. Goran Bogdnoviq nuk është këtu,
37. Gjergj Dedaj, nuk është këtu,
38. Gjulshen Berisha,
39. Gjylnaze Syla,
40. Hajredin Hyseni,
41. Hajrednin Kuqi,
42. Hahim Thaçi, nuk është këtu,
43. Hatixhe Hoxha,
44. Husnija Beshkoviç,

45. Hydajet Hyseni, Kaloshi,
46. Ibush Jonuzi,
47. Ilaz Pireva,
48. Ilmi Ahmeti,
49. Jakup Krasniqi,
50. Januz Kastrati,
51. Jusuf Sutaj,
52. Kamber Kamberi,
53. Kolë Berisha, nuk është këtu,
54. Lulzim Zeneli, nuk është këtu,
55. Lumnije Hyseni,
56. Lutfi Zharku, nuk është këtu,
57. Mahir Yagcilar,
58. Mark Krasniqi, nuk është këtu,
59. Mazllom Kumnova,
60. Melihate Tërmkolli, nuk është këtu,
61. Milazim Haliti,
62. Myrvete Dreshaj Baliu,
63. Nafije Berisha,
64. Naim Jerliu,
65. Naim Maloku,
66. Nait Hasani,
67. Vesna Jovanovicq, nuk është këtu,
68. Veton Surroi, nuk është këtu,
69. Xhavit Haliti, nuk është këtu,
70. Xhelal Canziba, nuk është këtu,
71. Xhevhat Bislimi,
72. Xhevdet Neziraj,
73. Ylber Hysa nuk është këtu,
74. Ymer Halimi,
75. Ymer Muhamaxheri
76. Zahrije Jusufi,
77. Zef Morina,
78. Zlatica Kujungjiq, nuk është këtu,
79. Zyrije Maloku,
80. Zylfi Merxha,
81. Zylfije Hundozi,

Lus grupet parlamentare që ta caktojnë nga një përfaqësues që do të bëjë vëzhgimin e numërimit të votave.

Grupi Parlamentar i LDK-së, Gani Koci, Bislim Hoti dhe Zyrije Maloku dhe Husnija Beshkovicq – a u krye? -Edhe një është për të votuar.
Të nderuar deputetë përfundoi rrathi i parë i votimit dhe lus Komisionin votues me vëzhgues që t'i numërojnë votat. Ju faleminderit!

KRYESUESI NAIM MALOKU - Ftohen deputetët që të kthehen në sallë,

Të nderuar deputetë! Numërimi i fletëvotimeve ka përfunduar dhe më lejoni që të komunikoj këto rezultate:

Për emërimin e Avokatit të Popullit, kanë votuar 79 deputetë,
Për Hilmi Jasharin kanë votua 6 deputetë,
Për Ibrahim Makollin 41 deputetë dhe
Për Diana Toskën 30 deputetë.

Të pavlefshme janë 2 fletëvitime.

Në bazë të rezultateve të votimit në pajtim me rregullin 11.2 të **rregullave** të procedurës së Kuvendit të Kosovës për emërimin e Avokatit të Popullit, zëvendësit kryesor dhe zëvendësve të tij, konstatohet: se duhet të vazhdohet me rrëthin e dytë të votimit për kandidatët:

1. Ibrahim Makolli, dhe
2. Diana Toska.

Më lejoni të komunikoj rezultatet e votimit për zëvendësit kryesorë të Avokatit të Popullit, në votim kanë marrë pjesë 79 deputetë.

Për Pal Balën kanë votuar 27 deputetë,
Për Habit Hajredinin kanë votuar 17 deputetë,
Për Todotoviq Lubinko kanë votuar 26 deputetë.

Konstatohet se duhet të vazhdohet me rrëthin e dytë të votimit për kandidatët:

1. Palë Bala, dhe
2. Todoroviq Lubinko.

Ramadan Kelmendi e ka kërkua fjelën, nuk e di pse, urdhëro,

DEPUTETI RAMADAN KELMENDI – Absolutisht edhe jo edhe 5 herë po të votohet nuk mund të arrihet ajo që është e paraparë me rregullore, 61, votë as nuk mund, prandaj do të ishte mirë kur është kuorumi i përgjithshëm për ta zgjedhur. Ne sot mund të hyjmë edhe një herë edhe dy herë le të komentojnë kolegët, nuk ka zgjedhje sot. Nuk ka mundësi të zgjidhet kjo, të zgjidhet as avokati, as zëvendësi.

KRYESUESI NAIM MALOKU – Ju faleminderit zoti deputet. Ne jemi të obliguar t'i plotësojmë kriteret, procedurat e votimit, kuorum për votim kemi dhe duhet të vazhdojmë me votimin, urdhëro Nazim Jashari e ka fjalen

DEPUTETI NAZIM JASHARI - Zoti kryesues,

Unë kisha pasur dëshirë shumë që procedurat për zgjedhjen e këtyre dy zyrtarëve të lartë të analizohen mirë dhe të kemi një koment shumë profesional të procedurave. Sa kuptoj edhe unë kam qenë anëtar i komisionit, nuk ka qenë e nevojshme shumica absolute prej 61 votëve, po është e nevojshme shumica e atyre që janë në sallë dhe votojnë dhe sipas këtij kriteri, i përzgjedhuri për ombudsperson e ka kaluar kuotën prej 40 votave.

Prandaj, në këtë rast votimi për ombudsperson është kryer, duhet të përsëritet votimi vetëm për zëvendës ombudspersonin. Pra dua interpretim të qartë ligjor të procedurës sepse nuk është e thënë, nuk jemi duke e zgjedhë kryetarin e Kosovës, po jemi duke e zgjedhur ombudspersonin dhe procedurat janë shumë të rregullta dhe shumë të qarta. Shumicën e votuesve që janë aty dhe që votojnë.

KRYESUESI NAIM MALOKU – ju faleminderit zotëri deputet, fjalën e ka deputeti Sadudin Berisha, ndërkojë komisioni duhet t'i përgatitë fletëvotimet për rrithin e dytë të votimeve. Ju faleminderit!

DEPUTETI SADUDIN BERISHA – raundi i dytë duhet të vazhdojë, meqë kemi shumicën e deputetëve të pranishëm, për t'u zgjedhur avokati i popullit, përkatësisht zëvendësi kryesor i avokatit të popullit, në pajtim me Rregulloren për institucionin e avokatit të popullit, duhet njëri apo kandidati tjetër, për njërin apo postin tjetër të ketë së paku 61 vota pro zgjedhjes së tij. Ju faleminderit, meqë është ashtu e rregulluar, me rregulloren për institucionin e avokatit të popullit, ajo nuk mund të ndryshohet sipas dëshirës së individit.

KRYESUESI NAIM MALOKU – ju faleminderit, të nderuar deputetë, vazhdojmë me votimin

Konstatohet se në sallë janë 67 deputetë,

1. Afrim Arzuallgjiu,
- 2 Agim Krasniqi,
3. Ali Sadriu,
- 4 Alush Gashi,
- 5 Bajram Kosumi,
- 6 Bajram Rexhepi, nuk është këtu,
- 7 Bajrush Xhemajli, nuk është këtu,
- 8 Behxhet Brajshori,
- 9 Berat Luzha, nuk është këtu,
- 10 Besa Gaxherri,
- 11 Bislim Hoti,
- 12 Brikenda Kryeziu,
- 13 Bujar Dugolli, nuk është,
- 14 Demir Lima,
- 15 Dragisha Krstoviq, nuk është këtu,
- 16 Drita Statovci,
- 17 Xhezair Murati,
- 18 Emin Krasniqi,

- 19 Emrush Xhemajli, nuk është këtu,
- 20 Enver Hoxhaj, nuk është këtu,
- 21 Ethem Çeku,
- 22 Fadil Gashi,
- 23 Fadil Geci nuk është këtu,
- 24 Fadil Kryeziu, nuk është këtu,
- 25 Fatmir Rexhepi,
- 26 Fatmire Mulhaxha Kollçaku,
- 27 Fehmi Mujota,
- 28 Fehmi Vula, Ferid Agani,
- 29 Fetah Berisha, nuk është këtu,
- 30 Flora Brovina,
- 31 Ganai Koci,
- 32 Gazmend Muhaxheri,
- 33 Genc Gorani,
- 34 Gojko Saviq, nuk është këtu,
- 35 Goran Bogdanoviq, nuk është këtu,
- 36 Gjergj Dedaj nuk është këtu,
- 37 Gjylshen Berisha,
- 38 Gjylnaze Syla,
- 39 Hajredin Hyseni,
- 40 Hajredin Kuqi,
- 41 Hashim Thaçi, nuk është këtu,
- 42 Hatixhe Hoxha,
- 43 Husnija Beshkoviq,
- 44 Hydajet Hyseni Kaloshi,
- 45 Ibush Jonuzi,
- 46 Ilaz Pireva,
- 47 Ilmi Ahmeti,
- 48 Jakup Krasniqi,
- 49 Januz Kastrati,
- 50 Jusuf Sutaj,
- 51 Kamber Kamberi,
- 52 Kolë Berisha, nuk është këtu,
- 53 Lulzim Zeneli,
- 54 Lumnije Hyseni,
- 55 Lutfi Zharku, nuk është këtu,
- 56 Mahir Yagcilar,
- 57 Mark Krasniqi nuk është këtu,
- 58 Mazllum Kumnova,
- 59 Melihate Tërmkolli, nuk është këtu,
- 60 Milazim Haliti,
- 61 Myrvete Dreshaj Baliu,
- 62 Nafije Berisha,
- 63 Naim Jerliu,
- 64 Naim Maloku,

- 65 Nait Hasani,
66 Naser Osmani nuk është këtu,
67 Naxhije Doqi,
68 Nazim Jashari,
69 Nekibe Kelmendi,
70 Nerxhivane Dauti nuk është,
71 Nexhat Daci nuk është,
72 Nexhat Rexha nuk është këtu,
73 Nimon Alimusaj,
74 Nouman Baliq nuk është këtu,
75 Nuran Malta,
76 Mark Krasniqi, ndërkojë erdhi, e merr fletëvotimin, deputeti Mark Kasniqi ju lutem...,
77 Nurishahe Hulaj, nuk është këtu,
78 Oliver Ivanoviq, nuk është këtu,
79 Qibrije Hoxha,
80 Ragip Zekolli,
81 Ramadan Kelmendi,
82 Ramadan Musliu,
83 Ramë Buja, nuk është këtu,
84 Rangjell Nojkiq, nuk është këtu,
85 Remzije Nimani,
86 Rifat Krasniq, nuk është këtu,
87 Rudina Bukoshi,
88 Rrustem Ibish nuk është këtu,
89 Sabit Rrahmani nuk është këtu,
90 Sabri Hamiti, nuk është këtu,
91 Sadudin Berisha,
92 Safete Hadrgjonaj,
93 Sala Ahmetaj,
94 Sala Shala,
95 Samije Zeqiraj,
96 Sanije Aliaj,
97 Sasha Gjokiq nuk është këtu,
98 Selvije Halimi nuk është këtu,
99 Slagjan Iliq nuk është këtu,
100 Snezhana Miliq, nuk është këtu,
101 Sokol Bashota, nuk është këtu,
102 Shaban Halimi, nuk është këtu,
103 Shpresa Murati,
104 Teuta Hadri nuk është këtu,
105 Teuta Sahatqija,
106 Vesna Jovanoviq, nuk është këtu,
107 Veton Surroi, nuk është këtu,
108 Xhavit Haliti nuk është këtu,
109 Xhelal Canziba nuk është këtu,

110Xhevat Bislimi ,
111100.Xhevdet Neziraj,
112Ylber Hysaj nuk është këtu,
113Ymer Halimi,
114Ymer Muhaxheri,
115 Zahrije Jusufi,
116 Zef Morina,
117 Zlatica Kujungjiq, nuk është këtu,
118 Zyrije Maloku,
119 Zylfi Merxha,
120 Zylfije Hundozi,

Ju faleminderit, procesi i botimit përfundoi, Komisioni votues dhe verifikuesit le ta kryejnë procesin e numërimit të votave.

Të nderuar deputet! Ka përfundua edhe procesi i numërimit të votave, më lejoni që të komunikoj rezultatin e votimit.

Në votim kanë marrë pjesë 78 deputet,

Për Ibrahim Makollin kanë votuar 41 deputet,
Për Diana Toskën kanë votuar 34, të pa vlefshme 3.

Për zëvendësin kryesor të avokatit të popullit, në votim 78 deputet kanë marrë pjesë,

Për Palë Balën 37 deputet,
Për Todoroviç Ljubinko 32, deputet,
Të pavlefshme janë 9 fletëvotime.

Thërras kryetarin e Komisionit parlamentar zotëri Hydajet Hyseni, që të merr fjalën dhe për shkak të kundërthënieve në mes dy rregulloreve, Hydajet Hyseni e ka fjalën në emër të Komisionit parlamentar.

DEPUTETI HYDAJET HYSENI – ju faleminderit zotëri kryesues, zonja e zotëri deputet!

Pa dashur të zgjatem e duke e mbështetur prezantimin që ka bërë zëvendëskryetari i komisionit, dua vetëm të kujtoj se ne jemi në një proces të rëndësishëm të transferit, të kompetencave në këtë fushë dhe për ne është prioritet që edhe ky funksion shumë i rëndësishëm për sundimin e ligjit dhe demokratizimin e shoqërisë të bartet sa më shpejt. Të motivuar nga ky qëllim, ne kemi punuar si komision bashkërisht dhe kemi bashkëpunuar me zyrën e avokatit të popullit, me Organizatën për Siguri e Bashkëpunim Evropian në Prishtinë dhe me Zyrën Ligjore të UNMIK-ut dhe, në marrëveshje me ta, ne kemi miratuar në këtë Kuvend, në procedurë krejt demokratike Rregullat e procedurës që i keni përpara. Më lejoni vetëm shkurtimisht t'jua kujtoj disa nga dispozitat. Kuvendi voton me votim të fshehtë, etj. kandidati me më së paku vota hiqet nga lista siç vepruan.

Pika 3. nëse dy kandidatë janë të barabartë me numër votash dhe kanë më së paku vota, rrethi i votimit do të përsëritet, deri sa njëri prej kandidatëve fiton numrin më të vogël të votave. Kandidati i cili merr numrin më të madh të votave, nga dy kandidatë në rrethin e fundit, ky rrethi që e kishim, konsiderohet i zgjedhur në pozitën e avokatit të popullit. Ç'është e vërteta, ka një kundërshti në mes kësaj dispozite, që ne e kemi miratuar, dhe dispozitës së Rregullores së UNMIK-ut, që ka qenë më e vjetër, 2 vjet më parë. Po në bashkëpunim me praninë ndërkombëtare e kemi miratuar pikërisht këtë procedurë për ta thjeshtësuar procedurën dhe për ta evitar bllokimin e procedurës.

Prandaj ju ftoj që ne ta konsiderojmë të zgjidhur avokatin e popullit, dhe të vazhdojmë me procedurën e mëtejshme, për nominimin dhe zgjidhjen e zëvendës avokatit të popullit sipas rregullores. Ju faleminderit!.

KRYESUESI NAIM MALOKU – Sadudin Berisha e ka fjalën,

Hydajet Hysenit fjalën ja jap. Ju lutemi u theksua se edhe ajo u krye zëvendësi kryesor ,por meqë sipas Rregullores institucioni i Avokatit të Popullit duhet t'i ketë 3 zëvendës, janë edhe dy zëvendës, janë edhe dy zëvendës që duhet të zgjidhen në procedurën e mëtejshme, por kjo bëhet me nominim të Avokatit të Popullit. Ju faleminderit zotëri kryesues.

KRYESUESI NAIM MALOKU – Sadudin Berisha e ka fjalën, pastaj Nekibe Kelmendi,

DEPUTETI SADUDIN BERISHA - Pa dashur të kontestojmë nevojën për zgjidhjen sa më të shpejtë të Avokatit të Popullit, zëvendësit kryesor meqë kjo procedurë zgjat mase një vit, megjithatë Kuvendi i Kosovës, është i thirrur dhe përgjegjës për të zbatuar aktet në fuqi. Aktet nënligjore, eventuale ,qoftë nga sponzoruesi apo autori i një ligji, apo nga dikush tjetër nuk mund ta ndryshojnë ligjin në fuqi. Ligjin në fuqi mund ta ndryshoje, vetëm ai që e ka miratuar. Në këtë rast Kuvendi i Kosovës me rastin e miratimit të rregullave procedurale ka qenë i detyruar, por është lëshim i gjithë neve nga pak, në veçanti edhe i Komisionit për Legislacion, si hartues bashkë me OSBE-në, jo UNMIK-un, vetëm një pjesë e administratës ndërkombëtare, OSBE-në, ka futë një kriter i cili bie ndesh me rregullën, përkatësisht nenin 6.2, ku thuhet në mënyrë ekskluzive se, Avokati i Popullit dhe zëvendësi i tij mund të konsiderohet i zgjedhur, vetëm ai që fiton numrin më të madh të votave të deputetëve të Kuvendit të Kosovës.

Këtë rast, nuk e kemi asnjërin as kandidatin tjetër, për t'u zgjedhur Avokati i Popullit, me këtë rezultat që doli nga dy rrethe që u bënë në këtë Kuvend. Po citoj Rregulloren në fuqi, 6.2., Avokatin e Popullit dhe zëvendësin kryesor të tij, i emeron Kuvendi i Kosovës në bazë të procedurave të hapura dhe transparente, të votimit me përkrahjen, e shumicës së deputetëve të Kuvendit të Kosovës, pas njoflimit publik të bërë/ Kjo nënkupton zgjedhje me më shumë se 61 vota, të numrit të tërësishëm të deputetëve të Kuvendit të Kosovës. Ju faleminderit!

KRYESUESI NAIM MALOKU – Ju faleminderit, Nekibe Kelmendi e ka fjalën,

DEPUTETJA NEKIBE KELMENDI – Unë kisha kërkuar prej Komisionit për Legjislacion, ta bëjë komentin, meqenëse kemi të bëjmë me dy norma juridike të kundërtë, njëri është akt, tjetri është i procedurave të këtij Kuvendi, cili ka përparësi sipas Kornizës Kushtetuese, kur këto të dyja janë në kolizion, cili ka përparësi, Rregullorja që e ka nxjerrë UNMIK-u, apo procedurat që i ka nxjerrë Parlamenti? Vetëm këtë.

KRYESUESI NAIM MALOKU – Ju faleminderit, Alush Gashi e ka fjalën,

DEPUTETI ALUSH GASHI – i nderauri zotëri kryesues,

Grupi ynë parlamentar mur pjesë në dy radhët e votimit. Ne e kemi një rezultat i cili u bë publik, kërkesa jonë është që ky rezultat të shkojë në Kryesinë dhe në Zyrën Ligjore të Kuvendit dhe në ekspertizë në Komisionin për Legjislacion dhe ta informoni seancën plenare lidhur me këtë çështje në një prej mbledhjeve të ardhshme. Ju faleminderit!

KRYESUESI NAIM MALOKU – Ju faleminderit, mendoj se muaj me e përmbyll, Nazim Jashari, urdhëro Nazim

DEPUTETI NAZIM JASHARI – Të nderauar kolegë deputetë, i nderauri kryesues,

Po më vjen shumë keq që disa deputetë të Kuvendit të Kosovës po e marrin punën e Aleksandar Borg Olivierit, në qoftë se, këtu dikush është i thirrur për t'i mbrojt normat e rregullore të UNMIK-ut, unë mendoj se është krejt lajthitje. Ne jemi këtu për t'i mbrojtur normat e që i miratojmë në Kuvend të Kosovës edhe në qoftë se ne i kemi miratuar procedura në Kuvend të Kosovës, ato procedura për ne janë valide. Në qoftë se Aleksandar Borg Oliveri, ka vërejtje në ato procedura, ai sigurisht do të na i kthej mbrapshtë vendimin. Përderisa nuk e kemi ndryshuar klauzolën, për të cilën mund ta problematizojmë çështjen e zgjedhjes në këtë Kuvend, ne duhet të procedojmë sipas asaj norme të cilën e kemi miratuar në Kuvend. Ne të gjitha punët i bëmë sipas procedurës që e kemi miratuar këtu në Kuvend bashkërisht edhe vota e fshehtë, Rregullorja e UNMIK-ut nuk e ka votën e fshehtë, rregullorja jonë e ka votën e fshehtë.

Tre kandidatë i ka rregullorja jonë e jo e UNMIK-ut, të gjitha ndryshimet i kemi bërë në bashkëpunim me të. E kemi pasur bazë Rregulloren e UNMIK-ut për ta amendamentuar dhe për ta plotësuar, kurse unë këtu tash shoh hezitim për të shpallë një rezultat që është shumë i qartë.

KRYESUESI NAIM MALOKU – Ju faleminderit, Hydajet Hyseni, e ka fjalën

DEPUTETI HYDAJET HYSENI – Ju faleminderit, nuk po dal edhe për të kursyer kohën, jemi të lodhur, unë dua ta falënderoj edhe parafolësin që sqaroi diçka nga ajo që kisha ndërmend të them, por megjithatë, mendoj duhet të kemi parasysh se është fjala për dy rregullore, një rregullore para dy vitesh e sa dhe një rregullore që ne e kemi miratuar një muaj më parë. Akti i ri e shfuqizon aktin e vjetër, për më tepër është bërë në bashkëpunim kur është miratuar UNMIK-u ka pasur mundësi ta kontestojë. Nuk kemi pasur asnjë vërejtje, asnjë kontestim as formal, as joformal. Dhe e treta, duhet të kemi parasysh a jemi me ne a me arushën, ju faleminderit!

KRYESUESI NAIM MALOKU – Ju faleminderit, ju lus që mos të lajmëroheni shumë për fjalë se ne kemi një propozim të Grupit Parlamentar të LDK-së të cilin mund me e qitë edhe në votim, Sadudin Berisha e kërkon fjalën

DEPUTETI SADUDIN BERISHA – Sërisht unë i kam për çështje ligjore, jo pse do të duhej ndryshe të veprohet, rregullat procedurale që janë miratuar në këtë Kuvend, janë rregulla që kanë buruar nga Rregullorja në fuqi e institucionit të Avokatit të Popullit, përkatësisht nenit 6.9 dhe nuk është akt që e shfuqizon Rregulloren për institucionin e Avokatit të Popullit.

Po e citoj: nenin 21. Ligji në fuqi, kjo rregullore shfuqizon çdo dispozitë të ligjit në fuqi që nuk është në përputhje me të.

Edhe një çështje, poqë se merren si valide këto rezultate, çdonjëri prej kandidatëve pjesëmarrës në konkursin e shpallur mbi bazën e ligjit në fuqi, do të mund t'i kontestojë ligjërisht rezultatin dhe zgjidhjen që do të mund të bëhej eventualisht nëse mendohet të bëhet një zgjidhje përmes këtyre rezultateve. Ju faleminderit!

KRYESUESI NAIM MALOKU – Ju faleminderit, Gjylnaze Syla e ka fjalën,

DEPUTETJA GJYLNAZE SYLA – Ju faleminderit zotëri kryesues,
Mendoj që është në të mirën e punës së Kuvendit, që megjithatë ta kemi një mendim edhe të Kryesisë edhe të Komisionit, por edhe të Zyrës së UNMIK-ut, në mënyrë që të mos na ngjatë pastaj të shfuqizohet ajo ose siç e tha Sadudini që ndonjëri nga kandidatët të ankohet. Na duhet me pas një vendim të qartë lidhur me këtë për me marrë një vendim të qartë, atëherë duhet me pas edhe qartësimin e situatës ku jemi.
Është mirë që në njërin nga mbledhjet ardhshme ta kemi një mendim lidhur me këtë.

KRYESUESI NAIM MALOKU – Ju faleminderit. Ishte propozimi i shefit të Grupit Parlamentar të LDK-së, që rezultatet të shkojë në Kryesi të Kuvendit dhe Kryesia t'i harmonizojë qëndrimet me Zyrën juridike të Kuvendit dhe me instancat e tjera dhe t'i komunikojë Kuvendit mendimin dhe të marrë vendimi për këtë votim.

Unë ju ftoj të nderuar deputetë, që mund me votim të fshehtë, sepse janë 69 deputetë, ose me aklamacion të miratojmë pra propozimin e Grupit Parlamentar të LDK-së.

Regjia le të përgatitet për votim. Kush është pra, e qesim në votim propozimin e shefit të grupit parlamentar të LDK-së, votojmë tash

42 vota në mënyrë elektronike, 5 me dorë- gjithsej:

PËR	47
KUNDËR.....	9
ABSTENIM.....	4

Rezultati si i tillë i shkon Kryesisë së Kuvendit dhe pastaj shpallet vendimi nga ky Kuvend. Faleminderit,

Ne të nderuar deputet ,me kaq e përfundojmë për sot, është kërkesë e një deputeti që për shkak se nesër është një seminar ku marrin pjesë rreth 30 deputetë të këtij Kuvendi, seminar ndërkombëtar, kërkesa është që seanca të vazhdohet të hënën, pra jo nesër, për shkak se nuk do të kemi kuorum. Unë e qes në votim, pra vendimi të merret nga ju.Kush është për që seanca të vazhdojë punën të hënën në orë 10

Ju faleminderit. Shumica. A ka kundër?, Jo

Ju faleminderit, seanca vazhdon të hënën në orën 10. Ju faleminderit!.

VAZHDIMI I SEANCËS PLENARE MË 18.12.2006

KRYETARI I KUVENDIT KOLË BERISHA – Mirëmëngjesi, mirë se keni ardhë. Vazhdojmë seancën plenare të ndërpretë të enjten sot në sallë janë 68 deputet; që d.m.th. janë plotësuar kushtet për të punuar. Me radhë është pika e nëntë e rendit të ditës,

9. Shqyrtimi i dytë i projektligjit për pajisjet nën presion

Miratimi në parim i këtij projektligji është bërë më 9 tetor 2006.

Në bazë të raporteve të komisioneve kryesore dhe të Komisionit për Ekonomi, Tregti, Industri, Energjetikë, Transport dhe Telekomunikacion, si komision funksional dhe reportues, është bërë radhitja e rekomandimeve, e amendamenteve në tekstin e Projektligjit për pajisjet nën presion si vijon:

Komisioni për Çështje Gjyqësore Legjislacion dhe Kornizë Kushtetuese, ka vlerësuar se Projektligji për pajisjet nën presion ka bazën juridike në Kornizën Kushtetuese.

Komisioni për Buxhet, ka vlerësuar se dispozitat e Projektligjit për pajisjet nën presion dhe amendamentet e propozuara nuk përbajnë implikime buxhetore. Komisioni për të drejtat dhe interesat e komuniteteve, ka vlerësuar se dispozitat e Projektligjit për pajisjet nën presion dhe amendamentet e propozuara nuk i cenojnë të drejtat dhe interesat e komuniteteve.

Vazhdojmë miratimin e amendamenteve të paraqitura,

Amendamenti nr. 1. votojmë tash:

PËR	63
KUNDËR.....	2
ABSTENIM.....	0

Me 63 vota për, 2 kundër, kalon amendamenti,

Amendamenti nr. 2. votojmë tash:

PËR	58
KUNDËR.....	
ABSTENIM.....	

Me 58 vota për kalon amendamenti,

Amendamenti nr. 3. votojmë tash:

PËR	59
KUNDËR.....	0
ABSTENIM.....	

Me 59 vota për dhe asnje kundër kalon amendamenti

Amendamenti nr. 4. votojmë tash:

PËR	55
KUNDËR.....	0
ABSTENIM.....	

Me 55 vota për, dhe asnje kundër kalon amendamenti nr.4.

Amendamenti nr. 5. votojmë tash:

PËR	54
KUNDËR.....	0
ABSTENIM.....	

Me 54 vota për dhe asnje kundër kalon amendamenti

Amendamenti nr. 6. votojmë tash:

PËR	61
KUNDËR.....	1
ABSTENIM.....	

Me 61 vota për dhe 1 kundër kalon amendamenti

Amendamenti nr. 7. votojmë tash:

PËR	54
KUNDËR.....	0
ABSTENIM.....	

Me 54 vota për dhe asnje kundër kalon amendamenti

Amendamenti nr. 8. votojmë tash:

PËR	55
KUNDËR.....	1
ABSTENIM.....	

Me 55. vota për dhe një kundër kalon amendamenti

Amendamenti nr. 9. votojmë tash:

PËR	57
KUNDËR.....	0
ABSTENIM.....	

Me 57 vota për, dhe asnjë kundër kalon amendamenti

Amendamenti 10. votojmë tash:

PËR	58
KUNDËR.....	0
ABSTENIM.....	

Me 58 vota për, dhe asnjë kundër kalon amendamenti

Amendamenti nr. 11 votojmë tash:

PËR	57
KUNDËR.....	1
ABSTENIM.....	

Me 57 vota për dhe një kundër kalon amendamenti

Amendamenti nr. 12 votojmë tash:

PËR	61
KUNDËR.....	0
ABSTENIM.....	

Me 61. vota për dhe pa asnjë kundër kalon amendamenti,

Amendamenti nr. 11 votojmë tash:

PËR	53
KUNDËR.....	1
ABSTENIM.....	

Me 53 vota për dhe me një kundër, kalon amendamenti,

Amendamenti nr. 14 votojmë tash:

PËR	56
KUNDËR.....	1
ABSTENIM.....	

Me 56 vota për dhe një kundër kalon amendamenti

Amendamenti nr. 15. votojmë tash: në sallë aktualisht kemi 79 deputet!

PËR	57
KUNDËR.....	0
ABSTENIM.....	

Me 57 vota për dhe asnjë kundër kalon amendamenti,

Amendamenti nr. 16. votojmë tash:

PËR	63
KUNDËR.....	1
ABSTENIM.....	

Me 63 vota për dhe me një kundër, kalon amendamenti.

Lus deputetët dhe regjinë, të votojmë tekstin në tërësi. Votojmë tash:

PËR	67
KUNDËR.....	1
ABSTENIM.....	0

Me 67 vota për dhe me një kundër miratohet Ligji me amendamentet e parashtruara.

Vazhdojmë me pikën e 10 të rendit të ditës

10. Shqyrtimi i i dytë i Projektligjit për ndryshimin dhe plotësimin e ligjit nr. 2004/49 për patentim.

Miratimi në parim i këtij projektligji është bërë më 9 tetor 2006. Komisionet parlamentare e kanë shqyrtuar dhe Kuvendit ia kanë paraqitur raportet dhe rekomandimet.

Në bazë të raportit të komisionit kryesor, të Komisionit për Ekonomi, Tregti, Industri, Energetikë, Transport, Telekomunikacion, si komision funksional raportues, në vijim i jepet radhitja e rekomandiimeve në tekstin e Projektligjit për ndryshime dhe plotësime të ligjit, nr. 2004/49 për patentim, si vijon:

Komisioni për Çështje Gjyqësore, Legjislacion dhe Kornizë kushtetuese, ka vlerësuar se Projektligji për ndryshimin dhe plotësimin e Ligjit nr. 2004/49 për patentim ka bazë juridike në kornizën kushtetuese. Komisioni për buxhet, ka vlerësuar se dispozitat e projektligjit për ndryshimet dhe plotësimet e ligjit për patentim, nuk përmblajnë implikime buxhetore. Komisioni për të drejtat dhe interesat e komuniteteve ka vlerësuar se dispozitat e Projektligjit, për ndryshimin dhe plotësimin e Ligjit për patentim nuk i cenojnë të drejtat dhe interesat e komuniteteve. Komisioni për ekonomi Tregti, Energetikë, Transport, Telekomunikacion si komision funksional dhe raportues i rekomandon Kuvendit të Kosovës, ta miratojë Projektligjin nr. 02. për ndryshimin dhe plotësimin e ligjit nr. 2004/49 për patentim, sipas tekstit të miratuar në shqyrtimin e parë.

Kush është për, tekstin në tërësi e qesim në votim tekstin në tërësi, votojmë tash:

PËR	59
KUNDËR.....	2.
ABSTENIM.....	

Miratohet Ligji me ndryshimet dhe me amendamentet e paraqitura.

Pika 11 e rendit të ditës:

11. Shqyrtimi i dytë i Projektligjit për sigurinë në komunikacionin rrugor.

Miratimi në parim i këtij Projektligji është bërë me 16 mars 2006. Komisionet parlamentare e kanë shqyrtuar dhe Kuvendit i kanë paraqitur raportet dhe rekomandimet me amendamente.

Ftohet deputeti Ibush Jonuzi që të paraqesë raportin – urdhëroni zoti Kuqi,

DEPUTETI HAJREDIN KUÇI – Ju faleminderit zotëri kryetar,
Unë mendoj se sponsoruesi i Ligjit duhet të deklarohet lidhur me amendamentet ngase nëse kemi të bëjmë me një ligj që ka rreth 300 nene dhe i ka më se 250 amendamente, ta pyesim sponsoruesin a është ndryshuar qëllimi i ligjit apo jo. Dhe unë nuk besoj që mund të thotë që nuk është ndërruar qëllimi i ligjit, nëse ato janë amendamente të vërteta. Pra në këtë drejtim duket që është një- po e them shumë- një numër i madh i amendamenteve që gjithsesi ligji nuk është me atë që e ka menduar sponsoruesi. Pra, fillimisht le të deklarohet ai, pastaj të shohim diskutime e mëtejme.

KRYETARI I KUVENDIT KOLË BERISHA – Ju faleminderit. E ftoj kryetarin e Komisionit, Ibush Jonuzi ,që në emër të Komisionit t'i japë këto sqarime.

DEPUTETI IBUSH JONUZI – Ju faleminderit i nderuari kryetar, të nderuar ministra, kolegë deputetë, zonja dhe zotërinj të respektuar,
Ne si Komision funksional kemi punuar për këtë projektligj për një kohë bukur të gjatë më mirë me thënë mbi 4 muaj e gjysmë. Për vonesën që është bërë në këtë punë ka qenë

i njoftuar me kohë edhe kryetari i Kuvendit, Arsyja pse ka qenë, sepse projektligji ka pasur 376 nene, nën 1. nën 2, në kohën kur është bë hartimi i projektligjit në fjalë, nuk kanë qenë në funksion Ministria e Drejtësisë dhe Ministria e Punëve të Brendshme, që do të thotë se kanë qenë kompetencat të përziera, në mes Ministrisë së Shërbimeve Publike dhe Ministrisë të Punëve të Brendshme. Mu për atë arsyje Komisionit iu ka dashtë një kohë e gjatë të punojë për me muajt me ardhë deri te ajo ku kemi ardhur tani. Për me muajt me qenë një punë më funksionale, Komisioni ka zgjedhur një nën-komision, në kuadër të Komisionit që është punua rregullisht me mbështetjen edhe të Zyrës së USAID-it amerikan që jam, po them në emër të Komisionit shumë falënderues dhe mirënjojës për kontributin e tyre dhe kemi ardhur në përfundim që projektligji në fjalë të ketë 242 amendamente dhe atë 182 amendamente janë të Komisionit funksional, 49 amendamente janë të përbashkëta të Komisionit funksional dhe të Komisionit për Buxhet që ekskluzivisht ka të bëjë me çështjen e gjobave, që janë të harmonizuara. 10 amendamente janë të propozuara nga deputeti Ramadan Kelmendi dhe amendamenti i fundit është amendamenti 242 në të cilin bëjnë pjesë 116 nën-amendamente që kanë më tepër të bëjnë me çështje teknike dhe administrative. Nuk është pa e rrugës që të përfshihen të gjitha ato po si nji nën-amendment.

Prandaj për me e shkurtua punën në mënyrë që Kuvendi të mos votojë disa herë kam menduar që kjo çështje të bëhet me 4 grupe si dhe kur e morët këtë raport të shkurtër.

Grupi I, është amendamentet e Komisionit funksional,
Grup II-, amendamentet e përbashkëta të Komisionit funksional dhe të atij për buxhet,
Grupi III, amendamentet e deputetit Ramadan Kelmendi, dhe
Grupi IV, nën-amendamentet e amendamentit 242. kaq, ju faleminderit zotëri kryetar,

KRAYETARI I KUVENDIT KOLË BERISHA – Ju faleminderit, unë megjithatë do t’ia jepja fjalën ministrit Ahmeti

MINISTRI QEMAJL AHMETI – I nderuari kryetar i Kuvendit, të nderuar deputet, Është e vërtetë që është një numër i madh i amendamenteve, por edhe ligji është shumë voluminoz dhe kujtoj se grupet parlamentare dhe komisionet përkatëse e kanë bërë punën e vet mirë. Në këtë punë ka pasur përfaqësues edhe të Ministrisë gjatë punës së përbashkët dhe nuk është ndryshuar përbajtja, por është rregulluar ajo pjesë që ka qenë teknike dhe disa pjesë që në ligj ose në Projektligj kanë shkuar që nuk kanë qenë konform ligjit, duhet të jenë konform ligjeve evropiane të bashkimit evropian, sepse ka pasur disa propozime që nuk hyjnë tani në procedura demokratike, po ka qenë në suaza të propozimeve të vjetra, prandaj kujtoj se nuk ka humbur përbajtja, përkundrazi është plotësuari. Ju faleminderit.

KRAYETARI I KUVENDIT KOLË BERISHA – Ju faleminderit. Fjalën e ka deputeti Alush Gashi.

DEPUTETI ALUSH GASHI – Inderuari zotëri kryetar, Grupi ynë parlamentar, e ka shqyrtuar këtë çështje dhe ne jemi sigurua nga Komisioni funksional që, nuk ndërron esenca. Është bërë harmonizimi dhe ne do t'i mbështesim rekomandimet e Komisionit funksional. Në bazë të këtij propozimi e mbështesim grupin e parë dhe të dytin. Ju falemidenrit!

KRAYETARI I KUVENDIT KOLË BERISHA – Ju faleminderit, fjalën e ka deputeti Bajrush Xhemajli,

DEPUTETI BAJRUSH XHEMAJLI – Ju faleminderit zotëri kryetar, përshëndetje për të gjithë. Ato që ato çka i tha për komision kryetari i komisionit, lidhur me punën e tij që ka bërë një punë, mund të them të jashtëzakonshme, po që ndoshta ka dalë si një punë : Sizifi, po sidoqoftë, nuk është problemi aty, te Komisioni, përkundrazi, as nuk është çështja që thotë ministri se është një projektligj voluminoz. Ka pasur ligje edhe më voluminoze dhe nuk kanë as përafërsisht kaq amendamente.

Problemi kryesor është dikund tjetër që Partia Demokratike, grupei parlamentar i Partisë Demokratike të Kosovës këtu e ka dhënë që në fillim, se ka probleme shumë të mëdha në propozimin e këtij ligji, a Projektligji dhe kjo materie i ka dy koncepte brenda vetes, një që ka qenë koncept i ministrisë përkatëse, për transport dhe komunikacion, ndërsa tjetra ka qenë e punëve të brendshme dhe për këtë Partia Demokratike e Kosovës, përmes gruipur parlamentar të saj ka dashur ta kthente këtë projektligj, por është votua në parim, ne kemi qenë konstruktiv si treshë që jemi në komisionin përkatës, funksional dhe kemi marrë pjesë në punën edhe jashtëzakonisht të gjatë, të mundimshme, bashkë me përkrahësit tonë si të gjithë, pra edhe kryetari dhe pak a shumë e kemi harmonizua këtë projektligj. Unë dua të them që nuk është bash ligji që do të duhej të ishte, por sidoqoftë mund të pranohet tani në parim dhe Grupi Parlamentar i PDK-së do ta votojë, po unë mendoj që është një shembull tipik, qysh deputet nuk duhet ta pranojnë veç që është sponsoriuar nga Qeveria, d.m.th. koalicionet e tjera, por është një vërejtje shumë e madhe që vërtet, të shikohet që në fillim të mos na dalë kaq punë e madhe, të mos bëhet një ligj aq sa dhe si duhet.

Ju faleminderit!

KRAYETARI I KUVENDIT KOLË BERISHA – Ju faleminderit. Në emër të AAK-së Gjylnaze Syla

DEPUTETJA GJYLNAZE SYLA – Ju faleminderit zotëri kryetar, Edhe Grupi Parlamentar i Aleancës i mbështet të dy grupet e amendamenteve, të parë dhe të dytë, dhe ne propozojmë që këto dy grupe të votohen bllok, në qoftë se ndonjë grup parlamentar nuk ka në ndonjërin nga amendamentet. Ju faleminderit!

KRAYETARI I KUVENDIT KOLË BERISHA – Ju faleminderit, deputetja Teuta Sahatqiu në emër të ORA-s

DEPUTETJA TEUTA SAHATQIJA - Ju faleminderit zotëri kryetar, edhe Grupi Parlamentar ORA e ka shqyrtuar këtë ligj me një kujdes të veçantë edhe pse është ligji

voluminoz shihet që amendamentet janë edhe më voluminoze se vetë ligji. Ministri i lavdëroi grupet parlamentare për punë të mirë, Do të ishte mirë që Ministria të punojë pak më mirë e t'i lë më pak punë Kuvendit, por ta kryejë punën më tepër atje të mos dalin amendamentet më të mëdha se sa vetë ligji.

Sa i përket këtij ligji është ligj shumë i rëndësishëm, ligji për komunikacionin rrugor. Ka të bëjë me një numër jashtëzakonisht të madh të njerëzve të cilët implikohen, që kanë ndikim prej këtij ligji, prandaj mendojmë që duhet për amendamente, për secilin prej amendamenteve të votohet veç, përveç për ato amendamente të cilat janë të shqyrtuara në rregullën 37, pikën 2 ku thuhet që amendamentet shqyrtohen veç e veç sipas radhës që paraqiten në tekstin e projektligjit, përveç nëse ndonjë grup i amendamenteve ka ndikim veprues në nene të tjera. Këtu na shohim që amendamenti 242 ka ndikim në nenet e tjera dhe ajo mund të shkojë në bllok, por mendojmë që amendamentet e tjera të cilat janë jashtëzakonisht të rëndësishme dhe për të cilat ndoshta edhe do të duhej të hapej debati, për secilin prej tyre, Grupi Parlamentar ORA nuk e përkrahur an.bllok të votohet për të gjithë, përveç për këtë nenin e fundit i cili ka ndërlidhje me nën-nenet e tyre. Ju faleminderit!

KRAYETARI I KUVENDIT KOLË BERISHA – Ju faleminderit, deputeti Hydajet Hyseni e ka fjalën,

DEPUTETI HIDAJET HYSENI – Ju faleminderit zotëri kryetar, zonja e zotëri deputetë, Me gjithë dëshirën që ta përvpejtojmë procesin e shqyrtimit dhe të miratimit të këtij projektligji, mendoj se nuk duhet të ngutemi e ta pranojmë propozimin e bërë për t'i miratuar amendamentet në pako. Ky propozim me të vërtetë ndryshon metodologjinë e shqyrtimit të dytë, i cili është i rregulluar me Rregulloren tonë dhe me rregullën 37.2. është edhe praktikë parlamentare. Cenohen së paku 3 rregulla ose si të them nën-rregulla të kësaj rregulle të cituar, e njëra thotë se amendamentet shqyrtohen veç e veç. Përjashtimi ka të bëjë, siç e tha edhe parafolësja, vetëm me rastin kur një amendament i miratuar do të nënkupte edhe korrigimet, pastaj në tekst. Ato natyrisht që nuk ka nevojë të miratohen veç e veç.

Suç vepruam pak më parë, ta zëmë në një amendament thuhej: Shprehja procesverbal zëvendësohet me raport në gjithë tekstin, kurse në amendamentin vijues ne edhe një herë e miratonim këtë. Kjo natyrisht nuk ka nevojë. Por të futen të gjitha amendamentet e Komisionit parlamentar në një pako, ne e legjitimojmë një precedent shumë të rrezikshëm, praktikisht e pamundësojmë shqyrtimin kritik e të angazhuar të deputetëve.

Çështja tjetër është paraparë që amendamentet të shqyrtohen sipas radhës së prezantimit në zyrën e parashtresave. Me këtë propozim ne edhe këtë rregull e cenojmë dhe krijojmë precedent të rrezikshëm. Për më tepër, amendamentet mund ta përjashtojnë njëri-tjetrin, prandaj krijojmë, një ramasist prej të cilët vështirë mund të dalim. Pavarësisht se ligji vërtet është shumë voluminoz, ka mbi 350 nene (Projektligj), prandaj edhe ka shumë amendamente, por është e vërtetë nëse ka shumë amendamente praktikohet me të drejtë kthimi në ripunim. Nëse kjo nuk është bërë dhe nuk konsiderohet e nevojshme të bëhet,

atëherë megjithëse na merr shumë kohë, mendoj që duhet të shkojmë dhe ta shqyrtojmë nen për nen. Ju faleminderit!.

KRAYETARI I KUVENDIT KOLË BERISHA – Ju faleminderit, deputete Nekibe Kelmendi

DEPUTETJA NEKIBE KELMENDI – Ju faleminderit, zotëri kryetar, të nderuar ministra dhe kolegë deputetë,

Nga diskutimet që deri më tash u bënë del se këtu nuk kemi të bëjmë me kundërshtimet me substancën e amendamenteve, as me substancën e ligjit, por kemi të bëjmë vetëm me kundërshtime të natyrës procedurale, a lejon apo nuk lejon Rregullorja e punës së Kuvendit që amendamentet siç janë sistemuar në letër që sot na u dha nën grupet, grupei 1, 2, 3 dhe 4 të votohen në pako, për këtë nevojitet një vendim formal i Kuvendit, i cili është meritor dhe nuk do ta shkelte Rregulloren e punës së Kuvendit, sepse Rregullorja e punës së Kuvendit nuk e ndalon votimin në pako. Është e vërtetë që nuk e përmend, por edhe nuk e ndalon votimin në pako.

Prandaj propozimi im që është një propozim i dytë, se patëm edhe propozime të tjera, është që ky Kuvend të nxjerrë vendim që për grupin e parë të amendamenteve të votohet në pako, për grupin e dytë të amendamenteve gjithashtu të votohet në pako, kurse grupei i tretë i amendamenteve janë amendamentet e Ramadan Kelmendit, gjithashtu të votohet në pako dhe është vullnet i secilit deputet nëse do t'i përkrahë apo jo dhe grupei i 4. ka të bëjë me amendamentin 242, që 116 nën-amendamente, të cilët të gjithë përkrahen nga Komisioni funksional me përjashtim të nën-amendamentit, për këtë arsyе lus të hedhen këto dy obsione në votim.

KRAYETARI I KUVENDIT KOLË BERISHA – Ju faleminderit, deputeti Ramadan Kelmendi e ka fjalën.

DEPUTETI RAMADAN KELMENDI – I nderuari kryetar të nderuar ministra të pranishëm, kolegë deputetë.

Edhe unë mendoj se amendamentet e Komisionit funksional të harmonizuar dhe amendamentet e Komisionit funksional të harmonizuara me amendamentet e buxhetit dhe financave mund të shkojnë në pako në votim.

Ndërsa kur është çështja për amendamentet e shtruara nga unë, pikërisht nëse jepet mundësia, do të kërkoja t'i arsyetoj së paku kur të vijë momenti në pika të shkurtra, sepse mendoj se e begatojnë dhe pikërisht qëllimi im aty ka qenë, këto amendamente janë çështje e Kuvendit thjesht e deputetëve a do t'i aprovojnë apo jo, ajo mua nuk më mundon, por është me rëndësi se asnjëri nuk është për mua së paku një amendament është dashtë të aprovohet, sepse ka të bëjë me parimin e vendimeve të këtij Kuvendi se preambula e çdo ligji fillon me Kornizën Kushtetuese, ajo bile është dash të ishte para sysh, lej të tjerat hiq. Nuk duhet ndonjë sqarim dhe secili amendament i shtruar imi ka përbajtjen thjesht begatimin e këtij propozimligji. Ju faleminderit. Kur vjen radha te këto unë do ta kisha marrë fjalën po se vlerësohet për t'i arsyetua. Ju faleminderit.

KRYETARI I KUVENDIT KOL BERISHA – Ju faleminderit, deputeti Gani Koci e ka fjalën.

DEPUTETI GANI KOçi – Faleminderit z. krytar. Ministri tha se këto amendamente nuk kanë ndryshuar esencën e ligjit. Edhe unë pajtohem plotësisht me këtë sepse Ligji për komunikacionin nuk është bërë ligj për bletarinë atje ose për bletët, por ka mbetur prapë ligj i komunikacionit. Por është për mua një anomali e veçantë këtu në këtë praktikën tonë ligjvënëse dhe nuk është rasti i parë që ligji të vijë me më shumë amendamente se sa vetë normat ose nenet që i ka ligji. Unë desha prej kryetarit të Komisionit të më shpjegojë ku ka hasur shprehjen nën amendament dhe çka është nën –amendamenti? Unë e di se amendamenti është propozim për ndryshimin e diçkahit që është në ligj në përkufizimin e nën amendamentit nuk e di, ndoshta është një shpikje e re në këtë rast ku në një ligj kemi 242 amendamente dhe 116 nën amendamente. Unë konsideroj se nuk është ligji që ka qenë, është tjetër ligj. Dhe në këtë rast dua vetëm edhe një gjë të theksoj, ne po shtyhem nga inercioni se secili ligj që na vije këtu duhet ta votojmë në parim dhe pastaj komisioneve u duhet tre- katër muaj ose pesë muaj si iu ka dashur komisionit përkatës të punojë në këtë ligj dhe të vijë prapë dhe të na instalohet një praktikë e re e votimit të amendamenteve në pakon.

Konsideroj që, në qoftë se fillojmë t'i thyejmë rregullat të cilat i kemi miratuar vetë këtu, atëherë kjo do të na instalojë një praktikë të re, të cilën do të duhej ndoshta ta inkorporojmë në ndryshimin e Rregullores të punës së Kuvendit. Por, derisa Rregullorja e punës së Kuvendit dhe Korniza Kushtetuese përcaktojnë qartë propozimet për ndryshimin dhe amendamentimin e ligjeve, nuk guxojmë ta kundërshtojmë këtë dhe duhet të procedojmë sipas tyre. Në të kundërtën, ne vërtet po instalojmë diçka të re që do të na përcjellë vazhdimësi pastaj. Le të jetë kjo vërejtje për Qeverinë se si i propozon ligjet dhe si i procedon në radhë të parë, le të jetë vërejtje për deputetët e Kuvendit se si me lehtësi shumë të madhe miratojnë në parim ligje që do të duhej të kthehen. Nga këta shembuj duhet të mësohemi dhe në ligje të tjera të jemi shumë të kujdeshëm që të mos vijmë në pozitë tilla.

KRYETARI I KUVENDIT KOLË BERISHA – Ju faleminderit, deputeti Nazim Jashari.

DEPUTETI NAZIM JASHARI – Faleminderit z. krytar, të nderuar ministra, të nderuar kolegë deputetë. Projektljin që sot e kemi në dorë në shqyrtim të dytë është një projektligj shumë i rëndësishëm. Është shumë i rëndësishëm, sepse ka ta bëjë me rregullimin e një aspekti të jetës të të gjithë qytetarëve të Kosovës edhe drejtpërdrejt ta xhepin e tyre, prandaj, insistimi ose sugjerimi që amendamentet e këtij Projektligji të votohen në pakon, për mua është i pakuptimit, sepse nuk është njësoj, pra të votohet bashkërisht mos qitja e rripit të sigurisë a është 25 euro apo 15 euro dënimini?

Ky ligj ka të bëjë pjesën më të madhe të tij me ndëshkimet me gjobat në trafik. Prandaj mendoj se duhet që t'u jepet mundësia deputetëve që ta përmirësojnë për aq sa është e mundur më mirë kur kihet parasysh se komisionet veç e kanë bërë punë e tyre mjaft mirë dhe e kanë korrigjuar mjaft projektligin e ardhur nga Qeveria, i cili ç' është e vërteta

duhet të thuhet këtu se ka qenë krejtësisht i shkurtër. Por ky është realiteti. Puna e komisioneve ka bërë që ky t'i afrohet realitetit, mirëpo në qoftë se nuk i jepet mundësia Kuvendit që edhe Kuvendi t'ia japë dorën e vet në gdhendjen e këtij ligji më tutje, mendoj se ne po vazhdojmë me një nercion pune i cili është i pakuptimit.

Pra. duhet të përpinqemi që ligjet tona ta pasqyrojnë realitetin e Kosovës se realiteti i Kosovës është ky që është, është një realitet mjaft i dhembshëm kur kihen parasysh rrëthanat në të cilat jetojnë qytetarët e Kosovës dhe kur kihen parasysh po ashtu edhe dënimet të cilat aktualisht praktikohen sipas ligjit të aplikueshëm, por edhe kur të kemi parasysh dënimet të cilat parashihen të aplikohen sipas këtij ligji.

Mendoj se duhet të shkojmë nen për nen dhe pozicion për pozicion ,madje të hapim debat për nene të caktuara, ku do të mund deputetët të jatin kontributin e tyre që ky ligj të bëhet më i përputhshëm në realitetin . Ju faleminderit.

KRYETARI I KUVENDIT KOË BERISHA – Ju faleminderit, deputeti Ibush Jonuzi e ka fjalën.

DEPUTETI IBUSH JONUZI – Edhe një herë përshëndetje për të gjithë. Do të përpinqem shumë shkurt t'u përgjigjem kolegut Gani që bëni pyetje ku janë këto amendamente, çfarë zbulimi është ky nënamendamente nëse nuk zbulojmë diçka, atëherë ne s'kemi bërë kurrgjë ,Gani.

Amendamenti 242 përmban 116 nënamendamente që kanë të bëjnë me standardizim gjuhësor, juridik e teknik, me qenë se ky amendament nuk ndryshon esencën përbajtjesore të projekt dispozitave ekzistuese ,por ky mund t'i nënshtrohet votimit në pako në bazë të Rregullores së punës së Kuvendit 37.2 Ju faleminderit.

KRYETARI I KUVENDIT KOË BERISHA – Ju faleminderit. Kemi, pra dy propozime të votohet në pako, grupi i parë dhe grupi i dytë me amendamente.
Fjalën e ka deputeti Jakup Krasniqi.

DEPUTETI JAKUP KRASNIQI – Grupi Parlamentar i Partisë Demokratike e ka dhënë me kohë fjalën e vet dhe unë mendoj që ligji ose duhet t'i rikthehet sponsoruesit ose duhet të votohet nen për nen.

KRYETARI I KUVENDIT KOLË BERISHA – E hedhim në votim propozimin e Komisionit për Komision funksional që të shkohet në paket, grupi i parë dhe grupi i dytë i amendamenteve.

Kush është për këtë propozim? Votim formal. Kundër.

Konstatoj se me shumicë votash është aprovuar propozimi që të votohet në pako, grupi i parë dhe grupi i dytë.

Pauzë 30 minuta.

KRYETARI I KUVENDIT KOË BERISHA – Me qenë se në sallë kemi vetëm 54 deputetë, do me thanë nuk janë kushtet për të vazhduar punën. Shtyhet kjo seancë ,kurse Kryesia duhet të marrë vendim për një datë tjeter.

Me qenë se të mërkurën e kemi seancën e rregullt, prandaj kjo seancë e sotme do të shtyhet për një datë tjeter kur të vendosë Kryesia .

Me kaq kjo seancë mbyllt sot.